



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:


**Share** — copy and redistribute the material in any medium or format

**Adapt** — remix, transform, and build upon the material

ՀԱՅԱՍՏԱՆԻ ԿՆՏԱԿԱՆ ԳՐԱԴԱՐԱՆ



280  
907-06



23 SEP 2009

280  
907-56


206  
5-59

հավեր-հայրնիպոյ

# ՔԱՀԱՆԱՅՆԱԿԱՆ ԽՆԴԻՐ

## ՇՈՒՐՁԸ

Խ. Վարդանյանի քաղաքացիական խնդիրների  
և քաղաքացիական իրավունքների հարցերի  
1901 թ. Քաղաք:



Գ Ր Ե Գ

ՄԵՍՐՈՂ ՔԱՀԱՆԱՅ ՄԵՇԵԱՆ

1005  
20224



Թ Ի Ֆ Լ Ի Ս

Տպարան Մ. Վարդանյանցի  
Типография М. Варданянца, Вельям. ул. д. № 7.  
1901

26.06.2013

2784

202



ԱՌ ՅՈՎԱԿԻՓ ԱԿԱՔ ՔԱՀԱՆԱՅ ՄԵԼԵԱՆ

ՍԻՐԵԼԻՔ ՀԱՅՐ.

Дозволено Цензурою. Тифлисъ 7-го Февр. 1901 г.

Քառասուն և հինգ տարի քո վարած ու պաշտած եկեղեցական և ազգային անբասիր ծառայութեանդ եմ նուիրում այս փոքրիկ աշխատութիւնս:

Խոնարհ սրբիչ՝

ՄԵՍՐՈՊ ՔԱՀԱՆԱՅ.

## ԱՌԱՋԱԲԱՆԻ ՏԵՂ

Քահանայական դասակարգի ըարուրման խնդիրը սկսեց առանձնապէս զբաղեցնել մեզ այն ժամանակից, երբ թեմական տեսչական պաշտօնս մօտեցրեց Երևանի ու Թիֆլիզի հայաշատ թեմերի քահանաների հետ:

Միջոց ունենալով, հըրեւ նրանց կարգակից — աստիճանակից քահանայ ու ընկեր, շատ մօտից ծանօթանալու նրանց վիճակին, նիստ ու կացին ու ձրգտումներին, որոշած էինք յատուկ մի աշխատութեամբ հանդէս հանել հայ ժամանակակից քահանային իրեն շրջապատող պարագաներով. սակայն վիճակագրական կարեւոր տեղեկութիւնների պահասումը, եւ ընտանեկան դրութեանս երերուն պայմանները — տեսչական պաշտօնի ըարծվելուց յետոյ — արգելք հանդիսացան նպատակիս իրագործմանը:

Այսօր առանձին հետաքրքրութեամբ կարդալով սրբազան Արիստակէսի «Քահանայական Խնդիր» վերնագրով աշխատութիւնը, չկարողացանք լուեցնել այն ձայնը, որ խօսեց մեր մէջ այդ խնդրի նկատմամբ, եւ հէնց խնդրի կենդանի, առօրեայ նշանակութիւնը

վատահուլթիւն ներշնչեց զրի վերածելու առ այժմ՝ սոյն մեր թողութիւնները, թողնելով ապագային մեզ զբաղեցնող հարցի մասին մեր ծրարած աշխատութեան լոյս հանելը:

Ուստի ընթերցողների ուշադրութեանն ու հարցասիրութեանը ներկայացնելով «Քահանայական Խընդրի» նկատմամբ մեր կարծիքները, խնդրում ենք ի նկատի ունենալ յետագայ երեք պարագաները.

Ա. Զգալով ու խոստովանելով հանդերձ, որ խիստ անհաճոյ է հանրական նշանակութիւն ունեցող հարցերի ուսումնասիրութեան փորձերն, ինչպէս է ներկայումս մեր առաջ դրված խնդիրը, կապել կենդանի անձնատրուութիւնների հետ եւ մանաւանդ կշռադատութեան մէջ դնել նրանց անձնական ու գործնական վերաբերմունքները, յայտնում ենք եւ այն, որ հնարատրութիւն չունեցանք սոյն գործում՝ այդպիսի անհաճոյ դրութիւնից ազատ մնալու. որովհետեւ ինքը՝ զերասպտիւ հեղինակը հէնց թէ իր եւ թէ ուրիշ անձատրութիւնների հետ անբաժան կապել է քահանայական խնդիրը, կարծես, նախամտածած եւ նուրաւակաւոր ծրագրով:

Այս պատճառով եւ հարկադրված եղանք Տէր Արիստակէս եպիսկոպոսի ըսցած ձանապարհով ընթանալու. նրա ձեռք առած չափերով չափելու նաեւ իր անձնական վերաբերմունքներն ու գործ դրած միջոցները քահանայական դասակարգը բարուքելու առթիւ:

Բ. Որքան եւ ցանկացանք՝ չկարողացանք զբքի մէջ շօշափված խնդիրները որոշ քաժանմունքների

վերածել այնպէս, որ տեղի չունենային նման մտքերի աւելորդ կրկնութիւններ. պատճառը՝ որոնելու է մեր քննութեան առարկայ դարձած աշխատութեան կազմութեան մէջ, ուր դիտողութիւնները, խորհրդածութիւնները չեն քաժանված որոշ գլխների, նայած իմաստներին, այլ տարածված, շաղ անցած են, նայած ըբրմունքին ու պատմութեանը, որ տարված է ժամանակագրական կարգով, սկսած հեղինակի պաշտօնի մտնելու օրերից մինչեւ վերջին տարիներս.—եւ՝

Գ. Եսայել ենք խնդիրների վրայ կանոնական տեսակէտից, շառնելով ի նկատի նոյն իսկ մեր ներքին կարծիքները կանոնի ժամանակակից թէ հնացած լինելու մասին, որ տեղ կունենայ յաջորդ մեր աշխատութեան մէջ:



«ՔԱՀԱՆՆՅԱԿԱՆ ԽՆԴՐԻ» ՀՈՒՐՋԸ

Ա.

«Որում շատ տուաւ, շատ խնդրեցի ի նմանէ,  
եւ որում բազում աւանդեցաւ, առաւել եւս  
պահանջեցեմ ի նմանէ»:

Ղ. 1. 17, 48:

«Խօսեցարուք զճշմարտութիւն իւրաքանչիւր  
բնդ ընկերի իւրում. զի եմք միմեանց անդամք»:

Պ. 7. 1-4. Կ. 25,

Քրիստոնեայ հոգևորականի կենդանի օրինակը  
մեր Փրկիչ Յիսուս Քրիստոսն էր, որ երկիր իջաւ աշ-  
խարհը փրկելու, այլ ոչ աշխարհը դատելու համար:  
Նա իր անհուն մարդասիրական զաղափարներով, կա-  
րօտաւոր մարդուն օգնութեան հասնելու անդադրում  
գործառնութիւններով, իր ներողամիտ, հեղ, սիրալիք  
վարմունքներով բնորոշեց թէ ինչպէս պիտի լինի  
Աստուծոյ տան պաշտօնեայն, մարդկային ազգի փր-  
կութեան սուրբ գործին սպասաւորողը, մարդու և  
Աստուծոյ մէջ միջնորդը, հովիւը-հոգևորականը:



Քրիստոսից յետոյ ս. աւետարանի քարոզիչ ու տարածող և քրիստոնէական եկեղեցու կազմակերպող առաքեալները թէ իրենց անհատական կեանքով իրենց Մեծ Վարդապետի ցոյց տված ճանապարհով ընթացան և թէ նոյն հողին, նոյն կերպարանքն ու տիպը տվեցին նոր կազմվող քրիստոնեայ եկեղեցիներին:

Առաքեալներից իւրաքանչիւր մէկը գործում էր, աշխատում էր ընդհանուր եղբայրութեան, նորածնունդ քրիստոնեայ ընտանիքի հոգեկան թէ բարոյական, նոյն իսկ և՛ որքան անհրաժեշտ էր՝ նիւթական կեանքի համար. իր կարգին՝ քրիստոնեայ ընտանիքն էլ հոգում, խնամում էր առաքեալին, իր հոգևոր հովիւն: Քրիստոնեայ վարդապետը, գործիչը, հովիւը քրիստոնեայ ընտանիքի—եկեղեցու համար էր: Թէ մէկի և թէ միւսի ձգտումները, շահերը, նպատակը անբաժան միմեանցից՝ հաւասարապէս ծառայում էին ընդհանուրի բարեկեցութեան ու պայծառութեան սուրբ գործին: Եւ այս եկեղեցու, համայնքի գոյութեան, պահպանութեան, յաւաչադիմութեան ու բարեկեցութեան բոլորատեսակ խնդիրները, կարիքներն ու հոգալիքները ընդհանուր եղբայրութեան—եկեղեցու մտածողութեան, կարգադրութեան և հոգատարութեան ենթակայ էին:

Այսպիսով քրիստոնեայ ժողովրդի հովիւը, առաջնորդը որքան աւելի ուղիղ ըմբռնել է Քրիստոսի քարոզած վարդապետութիւնները, որքան նրա նման նախ աւնում է և ասպա ուսուցանում, որքան աւելի լի է սիրտը անկեղծ սիրով դէպի տանջվող մարդկութիւնը և նետվող է գործի, ուր պահանջ է ներկայա-

նում, որքան աւելի համբերութեամբ տանում է իր խաչը դէպի Գողգոթա, այնքան աւելի մօտ է Քրիստոսին և նրա առաքեալներին, այնքան աւելի իրօք և՛ հաւատացող, և՛ հետևող է նրանց և աւելի արժանաւոր աշակերտ է Երկնային Վարդապետի, լինելով ընդ նմին և արժանաւոր պաշտօնեայ առաքելահիմն կենդանի եկեղեցու—ժողովրդի:

Այս տեսութեամբ՝ որքան հոգևորականը Փրկչի ցոյց տված, դժած, բացած ճանապարհից շեղվի, հեռանայ՝ այնքան աւելի անարժան պաշտօնեայ է նա. իսկ եկեղեցիներից, որը որքան հեռանայ առաքելադիր կանոններից, հանրական—համայնական ոգուց ու սահմանադրութիւնից, այնքան աւելի խորդ, անհարազատ, անհամապատասխան կհանդիսանայ:

Ժամանակի ընթացքում, երբ ընդարձակ ծաւալով տարածվեց ս աւետարանը, այլ և այլ ժողովրդապետներ, անհատներ ու ազգեր իրենց անձնական դիտումների, ցեղական առանձնայատկութիւնների ու ձգտումների և քաղաքական բերմունքների ու նըպատակների ազդեցութեան տակ, զանազան կերպ հասկացան, մեկնեցին ս. աւետարանի վարդապետութիւնները, խօսքերը, հոգու և մարդկային ազգի փրկութեան դաղափարներն ու միջոցները: Մինը արքայութեան բանալին առաւ իր ձեռքը և այդ ձեռքից կախված հրատարակեց արքայութեան դուռը սրա կամ նրա սուաջ բանալու իրաւունքը. միւսն այդ բանալին իւրաքանչիւր մի հաւատացեալի անձնական քրիստոսաւանդ առաքիւնութիւնների մէջ ամփոփված հրատարակեց ու սորվեցրեց: Մինն իրեն՝ Յիսուսի ու ա-

առքեալների յաջորդ ու փոխանորդ հրատարակեց և իրեն վերապահեց ս. աւետարանի անսխալ մեկնելու և ուսուցանելու իրաւունքը. — ուստի և պահանջեց իր եկեղեցուց իր անսխալականութեան առաջ կոյր և անպայման հնազանդութիւն, միւսը մի մահկանացուի մէջ՝ անսխալականութեան պաղափարը մերժելով, մերժեց աւետարանական հաւասարութեան աշխարհում մահկանացուի մէկին անսխալ պետ ճանաչելը և այդ տվեց Յիսուսի անունով ժողոված ս. աւետարանով վարդապետութեանը հաւասարապէս աշակերտած ժողովին, և այս ժողովականութեան — հանրական իրաւունքի վեհապետութիւնն արդար ճանաչեց:

Մենք հայերս պարծենում ենք նրանով, որ քրիստոնէութեան լոյսը ընդունեցինք հէնց Իրեն այդ կենարար լոյսի բուն Աղբիւրից, որ մեր ազգային եկեղեցին կազմակերպեցինք ճիշդ այն հիմունքների վրայ, ինչ որ ցոյց տվին Յիսուսի Քրիստոսի Թաղէոս ու Բարդուղիմէոս սրբազան առաքեալները, և որ մեր եկեղեցին ձիգ զարերի ընթացքում մնացել է հաւատարիմ առաքելադիր հիմունքներին, աւետարանական հարազատ հոգուն:

Եւ արդարև՝ մեր եկեղեցին եղել է ժողովրդական: Մեր եկեղեցու բոլոր պաշտօնեաները ընտրվելու են եղել ժողովրդից: Եկեղեցու թէ վարդապետութեան և թէ վարչութեան վերաբերեալ բոլորատեսակ խնդիրները քննվել ու վճռվել են ընդհանուր ժողովների մէջ:

Մեր եկեղեցականութիւնը, մեր հոգևորականները բնաւ չեն ձգտել իշխանապետութեան, չեն ծառայա-

ցրել եկեղեցին իրենց սին փառամոլութեանը, նրանք պարզ, համեստ լինելու հետ, չեն շատացել լոկ քարոզներով, ցուցմունքներ անելով. այլ և պատրաստ են եղել իրենց անձը բերել զոհ իրենց դաւանած սկզբունքների և սիրած ազգի համար:

Պատմական ժամանակի ընթացքում հայ հոգևորականը իր ժողովրդի, իր դաւակների բաղդից ու վիճակից բնաւ չէ բաժանել իր բաղդն ու վիճակը: Նա կրել տարել է բռնակալի ծանր շղթաները, նա հիւժվել — մաշվել է մութ ու խոնաւ բանտերում: Նա իրրև իսկական որդեսէր ծնող իր կուրծքը դէմ է տվել թշնամու հարուածներին: Նա միախառնել է իր արիւնը իր ժողովրդի արեան հետ:

Հայ պատմական հոգևորականը չէ ունեցել իր ժողովրդից, իր եկեղեցուց անջատ, բաժան, առանձին կեանք — առանձին ես:

Մրա մէջ պէտք է որոնել հայ պատմական ժողովրդի խորին սէրն ու յարգանքը դէպի իր հոգևորականութիւնը:

Սակայն հարկ չկայ չխոստովանելու, որ մի ժամանակից ի վեր ինչ որ նոր հովեր են սկսել փչել. հովեր՝ հայ ժողովրդին հայ հոգևորականից պաղեցնող, բաժանող — իրարից հեռացնող. հովեր՝ հայ հոգևորականին պատմական պաշտելի յատկութիւններից սառցնող:

Առաջնակարգ կարևորութիւն է ներկայացնում այս նոր փչող հովերի ուսումնասիրութիւնը: Ո՞վ է մեղաւորը՝ Դարի ոգին, ժողովուրդը թէ՛ հոգևորականութիւնը, գաւակը թէ՛ հայրը: Այս թէ՛ այն չղի-

տենք, բայց տուժում է եկեղեցին, քայքայվում է ամբողջութիւնը:

Անտարակոյս՝ այս նոր հովերի պատճառները շատ են: Մեր ուժերից վեր է մտնել պատճառների խոր ուսումնասիրութեան մէջ: Արժէ որ մեր մամուլը, առաւել կարող մտածողներն ու հրապարակախօսները նիւթ շինեն լուրջ ուսումնասիրութեան ու քննադատութեան:

Առ այժմ թոյլ ենք տալիս մեզ, իրրև անհատական մի կարծիք, ասելու, որ այս հովերը սկսել են փչել այն օրից, երբ մի կողմից մեր եկեղեցու վարիչները, շնորհիւ քաղաքական բերմունքների, դիւրութիւն են ստացել իրենց եսը բաժանելու ժողովրդից, առաձին շահ ու կեանք, պայման ու վիճակ ստեղծելու, իսկ միւս կողմից՝ երբ մեր ժողովուրդը, շնորհիւ նոյնպիսի բերմունքների, անտարբեր է դարձել դէպի իր պարտաւորութիւններն ու իրաւունքները իր եկեղեցու վերաբերութեամբ:

Այն օրից, երբ մեր կուսակրօն հոգևորականը դադարեց ժողովրդից ընտրվելու, ժողովրդից կախումն ունենալու, ժողովրդի առաջ հաշուետու լինելու պայմաններից, այն օրից էլ — կարծում ենք — սկսեց փչել միմեանցից մեզ սառցնող հովը:

Այսօր մեր կուսակրօնութիւնը ժողովրդից իսպառ անկախ դառնալու ճանապարհի վրայ է դուրս եկել:

Այսօր թէ վարդապետութիւնը և թէ եպիսկոպոսութիւնը տրվում են այնպիսիներին, որոնց ընտրութեան մէջ չէ մասնակցում ժողովուրդը:

Այսօր վիճակի յաջորդ, թեմի առաջնորդ կարգվում են անձինք, որոնց պաշտօնի չէ հրաւիրել վիճակի,

թեմը: Կուսակրօնութեան ուխտը կայանում էր իր տոհմից ու ընտանիքից՝ օժման ու ձեռնադրութեան միջոցով՝ կտրվելու և իրեն ընտրող ու հրաւիրող ժողովրդին ու վիճակին իրեն տոհմ ու ընտանիք ճանաչելու — ընդունելու և այս նոր տոհմին ու ընտանիքին իր ամբողջ էութեամբ ծառայելու վսեմ վերածննդեան մէջ:

Այսօր այս ուխտը ազարտվել — մոռացվել է. այսօր ստանում են լոկ օծումն, ձեռնադրութիւն, աստիճան, մնալով առանց թեմի, առանց վիճակի և կրելով իրենց նոյնՄարտիրոսեան, Կիրակոսեան — մարմնաւոր տոհմական ազգանունը:

Մեր եկեղեցու հայրապետն է, որ այսօր ընտրվում է եկեղեցուց, ազգից, բայց նա ընտրվում է ոչ ժողովրդի ընտրութեամբ վիճակի, թեմի փոխանորդ ու առաջնորդ եղած ու ձեռնադրվածներից, ինչպէս հնումը:

Կուսակրօն հոգևորականութեան այս նոր ճանապարհի վրայ դուրս գալն սկսվել է մեր եկեղեցական գործավարութեան համար պետական հաստատութեամբ մեզ տված կանոնադրութեան — մեր կարծիքով — ոչ ուղիղ գործադրութիւնից:

Այս մասին յետոյ:

Նւ ահա մեր կուսակրօն հոգևորականութեան այս նոր ճանապարհի վրայ կանգնած է այսօր ամուսնաւոր հոգևորականը — քահանան, որ տակաւին ընտրվում է ժողովրդից, որ ժողովրդի սպասաւորութեանն է հրաւիրվում ժողովրդի — ի ծխընտրութեամբ և հրաւրելով և այս ընտրութիւնն ու հրաւրը հաստատվում է եպիսկոպոսի ձեռնադրութեամբ և օծումով:

Ուշադրութեան արժանի հանգամանք է. այսպիսի պարագաների դասաւորութեան շնորհիւ ժողովրդից հեռացող, ժողովրդից ընտրվելու պայմանից արդէն դուրս ելած և կղերականութեան ճամբան կամացուկ բռնած կուսակրօնի շահերին կարող է գալ ժողովրդից ընտրվող լաւ, գիտուն, շիտակ բնաւորութեան տէր քահանան:

Արդեօք այսօրվայ մեր կուսան և ամուսնաւոր հոգևորականութեան ձգտումները, շահերը, նպատակները և գործելու եղանակները կարող են ներդաշնակաւորութիւն կազմել առանց ներքին պայքարի, առանց իրար վնասելու:

Ուստի, մեր համոզմունքով, ամէն մի նոր միջոց, որ առաջարկվում է յանուն քահանայական դասի բարւոքման, պէտք է խիստ զգուշաւոր քննութեան ենթարկվի: Ժողովրդին հարազատը — մօտիկը ամուսնաւոր հոգևորականութիւնն է մնացել շնորհիւ այն հանգամանքի, որ նա այսօր էլ ընտրվում է ժողովրդից, որ իր եկամուտն այսօր էլ ստանում է ժողովրդից և հէնց իր հոգևոր պաշտօններն էլ կատարում է ժողովրդի մէջ, ժողովրդի հետ և ժողովրդի համար:

Քահանայական դասակարգի այս ժողովրդական պայմանները և մանաւանդ ժողովրդի ձեռքից կուսակրօնների ժողովրդական իրաւունքների օր օրի վրայ նուազացնելու այս անցողական շրջանը և ս առաւել նշանաւոր գործօն են դարձնում քահանային: Հետեապէս աւելի լուրջ ուշադրութեան, աւելի շրջանկատ քննադատութեան և աւելի եռանդուն հոգատարութեան արժանի խնդիր է և պիտի համարվի մեր ամբողջ

ժողովրդի, մանաւանդ սրա բանիմաց ու սրտացաւ գաւակների համար:

Այո, պէտք է և անհրաժեշտ է բարձրացնել քահանայի մտաւոր, բարոյական ու նիւթական վիճակը. միայն այնպէս, որ քահանայ մնայ ժողովրդից ընտրված, ժողովրդի հետ ու ժողովրդի համար:



1005  
1006  
1007

Անշուշտ քահանայական դասակարգին դեռ ևս խիստ կարևոր պաշտօն ու դեր վերագրելու մէջ պէտք է որոնել այն հարցասիրութիւնը, որ գործ է դնում մեր ժողովուրդը, մեր մամուլը, մեր հոգևոր իշխանութիւնը քահանաների գործաւնութիւնների, նրանց ուսման, բարոյականութեան ու նիւթական ապահովութեան նկատմամբ:

Մեր ալգի ինքնաճանաչութեան նշանների հետ միասին գրեթէ երևան է հիկել քահանայական խնդիրը նորագոյն հասկացողութեամբ: Մամուլի մէջ անվերջ կերպով լոյս են հանվում յօշուածներ, լուրեր, կարգադրութիւններ է որ իբրև բոլոր, է որ իբրև քննադատութիւն, է որ իբրև նկարագրութիւն քահանաների արարքների, նրանց վիճակի և կացութեան վերաբերութեամբ: Սակայն այս ամենն, ինչպէս լրագրական լուրեր, կամ մէկը միւսի հետ կապ չունեցող, չաղ անցած յօշուածներ, մասնալի բնաւորութիւն

կրող ու ժամանակաւոր կարգադրութիւններ՝ կորչում, մոռացվում էին, ծառայելով յարուցված, բայց չլուծված խնդրի կարեւորութիւնն ու թարմութիւնը պահելու նպատելուն:

Ուստի և քահանայական խնդրի ուսումնասիրութեանը նուիրված մի ամփոփ, աւելի մնայուն պայմաններէ մէջ զըված աշխատութեան կարեւորութիւնը վաղուց գգալի էր դարձել: Այս իսկ պատճառով մեծ անհամբերութեամբ, սպասում էինք Սեղրակեան Արիտակէս եպիսկոպոսի «Քահանայական Խնդիր» վերնագրով աշխատութեան լոյս տեսնելուն, որի մասին շատ վաղուց լուր կար հրատարակված մամուլի մէջ: Վերջապէս լոյս տեսաւ այն վաստակը տպագրված անցած թուականի մէջ Մոսկվայում, Օ. Օ. Հերբէկի տպարանում:

Գիրքը բաղկացած է 220 պատկառելի երեսներէ, որոնցից 60 երեսը բռնում է սինոդին տրված սրբազան հեղինակի մի յայտարարութիւնը, 20 երեսնայն սինոդին ներկայացրած նրա միւս գրութիւնը— գեկուցումը, 10-ից աւելի երեսներ Արչէն Երէցի քարոզը և իր «Ով հաւատաց»ը:

Եւ իսկապէս քահանայական խնդիր ասվածը սինոդին տրված այդ երկու ընդարձակ գրութիւններն են. մնացածները պիտոգրութիւններ, ծանօթութիւններ ու լուսարանութիւններ են:

2 մտնելով մանրամասնութիւնների մէջ, թեթեւ կերպով կիսօսենք «Քահանայական Խնդրի» գրվելու և լոյս հանվելու շարժառիթների ու նպատակի և կզերականութեան հոտեր փչող քանի մի ոճերի ու դարձ-

վածների մասին: Ապա կանցնենք գրքի մէջ պարունակող այն նոր խնդիրներին ու առաջարկութիւններին, որ այսօր միայն յարուցանում է Սրբազանը, այլ իր պաշտօնավարութեան մէջ դեռ գործնական կերպով փորձել ու կատարել չէ ինքը: Յետոյ կփորձենք ներկայացնելու թէ ինքը՝ գերապատիւ հեղինակը քահանայական դասակարգը լաւացնելու համար իբրև յաջորդ, փոխանորդ, առաջնորդ և սինոդի անդամ ինչ ու ինչ միջոցներ է գործ դրել կամ ցանկացել գործ գնելու, որքան լաւացնող են եղել նրանք, որքան նա արգարանում է իրեն կարգացված յանդիմանութիւններից: Կտգագծենք Արչէն Երէցի քարոզի ու «Ով հաւատաց»ի էութիւնը. կաշխատենք լուսաւորել պիւղը գնացող ու չգնացող ուսեայների խնդիրը, սինոդի արած կարգադրութեան որքան նրպատակայարմար լինելը և թէ որքան յուսալի է սպասել կուսակրօններից, առաջնորդներից՝ քահանաների իսկապէս լաւացնելը:

Գ.



«Քահանայական Խնդիր»ը լոյս է տեսել—գրում է սրբազան հեղինակը—նրա համար, որ՝ «ընթերցողներին միջոց տուած լինի աւելի ճիշտ հասկացողութիւն կազմելու այն անհամաձայնութիւնների մասին, որոնք տեղի ունեցած են հոգևոր բարձրագոյն իշխանութեան ներկայացուցիչների և իր մէջ տասնեակ տա-

ըինների ընթացքում. միևնոյն ժամանակ այդ միջոցով առիթ տուած լինի լաւապէս պարզելու մօտիկ անցեալում Մայր Աթոռի մէջ և նրա շուրջը կատարուած մի շարք անցքերի իսկական շարժառիթներն ու բնաւորութիւնը \*)

Այսպիսով՝ «Քահանայական Խնդիր»ը՝ ըստ մեզ՝ մի անձնական հրապարակական հաշուետուութիւն է «այն բոլորի, ինչ որ մեր (սրբազան Արիստակէսի) պարտքը թելադրել է մեզ (սրբազանին) անել» \*):

Հրապարակական հաշուետուութիւն, բայց ոչ այն զրդիչներից շարժված, որոնք հասարակական գործիչին իր սպասաւորութիւնը դէպի ժողովուրդն օգտաւէտ անելու մտքով մղում են դէպի հրապարակական քննադատութիւնն ու դատաստանը:

Ո՛չ, այսպիսի զրդիչներ մենք չենք նշմարում նոր լոյս հանված գրքի մէջ, չնայած մեր անշափ հաւատաւորութեանը և լաւակամ տրամադրութեանը դէպի սրբազան հեղինակը:

Մեզ վրայ ճնշող ազդեցութիւն է թողնում այն աչքի ընկնող գիծը, որ Արիստակէս եպիսկոպոսի պարտքը նրա բոլոր գործունէութեան ընթացքում թելադրել է նրան աւելի իր պաշտօնակիցների դատաւորը լինելու, սրանց գործունէութեան սև կողմերի պաշտօնական նկարագրողը լինելու, քան թէ թելադրել է նրան իր աշխարհի, իր եկեղեցու, իր վիճակի, իր ժողովրդի փրկութեան համար գործ չլինելու, ճիգ ու ջանք թափելու, անձն ու կեանք դնելու:

\*) «Քահ. Խն». էր. 2.

Արիստակէս եպիսկոպոսի և մեր հոգևոր բարձրագոյն իշխանութեան ներկայացուցիչների մէջ եղած անհամաձայնութիւնները, և մօտիկ անցեալում Մայր Աթոռի մէջ և նրա շուրջը կատարված մի շարք անցքերն այնքան բռնազբօսիկ կերպով կապված են «Քահանայական Խնդրի» հետ, որ մեզ իրաւունք են տալի ասելու թէ «Քահանայական Խնդիրը» լոկ անուն ու պատրուակ է, այլ հեղինակը ցանկութիւն է ունեցել հէնց այն անհամաձայնութիւններն ու անցքերը հրատարակելու, ինչպէս և վկայում են վերը բերած հէնց իր խօսքերը:

Իսկական դիրքը կազմող յայտարարութիւնները, գործերից դուրս բերված քաղվածներն ու տեղեկութիւնները հրապարակ են եկել կամ իր՝ հեղինակի՝ սխալ արածները ուրիշի համանման սխալներով արդարացնելու և կամ ուրիշ բարձրաստիճանների ու վեհափառութիւնների ազգին հասցրած վնասները ստորագծելու նպատակով:

Գրքի մէջ 60 երես տեղ բռնող յայտարարութիւնը ծայրէ ի ծայր պարունակում է ամբողջ գործողութիւններ, առնված գլխաւորապէս կամ բացառապէս, Մակար կաթողիկոսի Թիֆլիսի առաջնորդական գործունէութիւնից, որոնք ցոյց են տալի թէ նա՝ Մակար արքեպիսկոպոսը՝ ինչպէս է հասկացել առաջնորդութիւնը, ինչպէս է գործադրել իր իրաւունքները և ինչպէս անպատիժ է մնացել:

Անցեալին դիմելու, հին հին գործերի խաղաղութիւնը վրդովելու քայլն Արիստակէս սրբազանի մէջ առաջացել է ոչ թէ քահանայական Խնդրի վրայ

պատմական լոյս ձգելու ցանկութիւնից, այլ իրեն արված պաշտօնական նկատողութեան հանդէպ իրեն պաշտպանելու, իր անձն արդարացնելու և դիմացիններին, մանաւանդ Մակար կաթողիկոսին խայթելու, սեպնելու ցանկութիւնից:

Արիստակէս եպիսկոպոս իր այս քայլով ներկայանում է մեր առաջ մի մարդ, որ իր առաւելութիւնները որոնում է ուրիշների ունեցած պակասութիւններից իրենում քիչ լինելու մէջ. իսկ իրեն արդարացնելու հիմունք ընդունում է այն, որ իր գործած սխալները, կանոն չպահելը հետևողութիւն կամ նմանութիւն է իրենից առաջ եղած առաջնորդի գործածներին:

Քերենք օրինակներ:

Ա. Սինոդը՝ Մակար կաթողիկոսի կոնդակի համեմատ՝ խիստ նկատողութիւն է կարդում Թիֆլիսի առաջնորդ Արիստակէս եպիսկոպոսին սրա գործած՝ «կանոնադանցութեան և ինքնորոյն ներգործութեանց» համար:

Արիստակէս սրբազանն իր վիրաւորված ինքնասիրութեանը յագուրդ տալու մտքով դիմում է անցած դնացած ժամանակներին և, կոնսիստորիայի գործերից քաղելով, հանդէս է դնում իրեն նկատողութիւն անող սինոդի ու կաթողիկոսի առաջ ահագին թուով կատարված, բայց նկատողութեան չենթարկված այնպիսի գործեր, որպիսիների համար խիստ նկատողութեան է արժանանում ինքը Սևղրակեանը: Բայց միթէ արդարանում է մի մարդ նրանով, որ սխալներ գործելում հետեւ է ուրիշի սխալներին:

Միթէ մէկի յանցագործութիւնը իրաւունք է տալի մի ուրիշին ևս յանցագործ լինելու:

Կամ առաջնորդ Մակարը, երբ իբրև առաջնորդ եղել է, դիցուք, կանոնադանց, դանցառու, ինքնագլուխ, և չէ յանդիմանվել, ի կարգ հրաւիրվել ժամանակի հայրապետից, ինքը դառնալով կաթողիկոս, միթէ զրկվում է իրաւունքից կանոնադանց, դանցառու, ինքնագլուխ պաշտօնեաներին ի կարգ, ի զգուշութիւն հրաւիրելու:

Միթէ կաթողիկոսական գահը բարձրացող անձը չի նկատի, չի յանդիմանի վիճակաւոր առաջնորդին, յաջորդին, վարդապետին այնպիսի յանցանքների համար, որ ինքը կարող է գործած լինել իր առաջնորդ, յաջորդ, վարդապետ եղած ժամանակներում:

Ուրեմն այս տեսութեամբ, եթէ Արիստակէս եպիսկոպոս կաթողիկոս դառնայ, զրկված պիտի լինի իրաւունքից զգուշացնելու, պատժելու այն վարդապետին, որին իբրև հայրապետ, իշխանաւոր դաւառ կողարկի պաշտօնով, և այս վարդապետը սուտ ու մուտ պատրուակներ առաջ բերելով, կիւսխչի պաշտօնատեղից—կրկնում ենք— և այսպիսի պաշտօնից փախուստ տուող, սուտ խօսող վարդապետին՝ Արիստակէս կաթողիկոսը չպիտի պատժի այն պատճառով, որ ինքն էլ այդպէս է եղել վարվելուս իր երիտասարդ վարդապետ ժամանակ:

Եւ վերջապէս սկզբունքի տէր, շիտակ, խելահաս մարդիկ միթէ երբ և իցէ կհետեւն անսկզբունք, անդոյն ու երկչոտ գործիչներին, կամ միթէ կհետեւն իրենց արդարացնելու նրանով, թէ «երբ որ

և է իշխանութիւն մէկին մեղադրում է զանցառութեան մէջ, մեղադրում է աչքի առաջ ունենալով այն օրէնքները, որոնք գոնէ ուրիշներն երբ և իցէ անխախտ պահել են, \*):

Բ. Արիստակէս եպիսկոպոսին կաթուղիկոսն ու սինոդը նկատում են, որ նա նոր պսակված, մեղալուսնի առաջին միայն 7 օրը վայելած երիտասարդին տարել քահանայ է ձեռնադրել:

Նա՛ սրբազան Սեղրակեանն՝ իրեն արդարացնում է նախ՝ նրանով թէ՛ «յնկեղեցական կանոնս գո՛յ արդեօք արգելումն ձեռնադրութեան նոր ամուսնացելոյ, գոնէ իմ չիք հանդիպեալ» \*), և մի-առանձին ծանօթութեամբ էլ շեշտում է, որ ի հարկէ արգելոյ կանոն չկայ, և ապա նրանով, թէ իրենից առաջ եղած վիճակաւոր առաջնորդ Մակարն ևս այդպէս է վարվել իր քրոջ որդուն ձեռնադրելուս:

Վերջին պատճառաբանութիւնը որքան ծիծաղելի է, իբրև արդարացնող հիմունք, այնքան պարզ է, որ դուրս է բերված կաթուղիկոս Մակարին շանթելու նպատակով: Իսկ առաջին կէտը՝ չքմեղ լինելու սուտ պատրուակ է:

Եթէ սարկաւազի համար առաքեալը պահանջ է դնում, «սարկաւազը լինիցին միոյ կնոջ արբ, որբ որդւոց իւրեանց բարւոք վերակացու լեալ իցեն և տանց իւրեանց» \*\*), միթէ քահանայացուի վերաբերմամբ նոյն պահանջը կարևոր չէ. քանի որ ընծայա-

\*) «Քահ. Խեղ» էր. 42:

\*\*) Պօղ. առ Տիմ. ա. Կ. 12:

ցուն առաջ պիտի սարկաւազութիւն ստանայ և ապա քահանայութիւն:

Գ. Կաթուղիկոսն ու սինոդը խիստ նկատողութիւն են անում Արիստակէս եպիսկոպոսին, որ սա՛ առանց սինոդից կանխապէս լուծումն ստանալու՝ ձեռնադրութիւններ է անում:

Սա գրում է. «Մենք ընդդէմ չենք եղել իշխանութեան կարգադրութեանը քահանայացուների հրամանով ձեռնադրելու մասին, այլ երբ մեր առաջարկվածներից շատերը մերժուել են. իսկ մերժածները ձեռնադրուել—մենք էլ հարկադրուած ենք եղել երբեմն վարուելու նախնաւանդ եկեղեցական կանոններով, որպէս զի կարողութեան չափ հատուցած լինինք մեր առաջնորդական պարտքը դէպի հօտը» \*) — կարգա՛, «որպէս զի հատուցած լինինք մեր անձնական պարտքը դէպի սինոդը, կաթուղիկոսը կամ ձեռնադրվող անձը», ինչպէս և խոստովանում է ինքը, գրելով գրքի 39-րդ երեսում. «սակայն երբ հարկ ենք համարել գործելը խափանող աններելի միջամտութիւնների դէմ ազդու բողոք տուած լինել, չենք անտեսել մեր օրինական իրաւունքը: Այսպիսի բողոքի նշանակութիւն ունեցող ձեռնադրութիւններ էին մինը՝ 1885 թուին կատարածն և միւսը՝ 1887 թուին»:

Բայց ի՞նչ ասել է առաջնորդ, որ երբեմն է մտածում հատուցանելու իր առաջնորդական պարտքը դէպի հօտը: Եւ միթէ այսպիսի առաջնորդներից մինը պիտի ինքն իրեն հանդիսացնէր Արիստակէս եպիսկոպոս Սեղրակեանը:

\*) «Քահ. Խեղ» էր. 42—43.—ընդգծումը մերն է



Անկախ այս ամենից, մեր կարծիքով, այսօր քահանայի ձեռնադրութեան խնդրում, ոչ մի վիճակաւոր առաջնորդ իրաւունք չպիտի ունենայ նախնաւանդ մեր եկեղեցական կանոններով, թէկուզ երբեմն, վարվելու, քանի որ նա՝ այսօրվայ վիճակաւոր առաջնորդը՝ մեր եկեղեցու նախնաւանդ կանոններով թեմից ընտրված ու թեմացիների խնդրքով ձեռնադրված վիճակաւոր եպիսկոպոսը չէ, այլ զրսից կարգված — թեմի կարիքներին ու պիտոյքներին անձանօթ մի պաշտօնայ:

Հին ու նոր վիճակաւորների կարգվելու և ձեռնադրվելու այս տարբերութիւնը պէտք է որ տարբերութիւն մտցնէ և նրանց իրաւունքների մէջ:

Գ.

«Մեր նպատակն էր — գրում է սրբագան Արիստակէս — ապացուցանել թէ հայ ժողովրդի մէջ նկատուող կրօնական զգացմունքի թուլութիւնն ու կրօնափոխական շարժումներն արժանաւոր հովիւների պակասութեան հետեանք են. իսկ այս վերջինները մեր անպարտաճանաչութեան և զանցառութեան» \*):

Քանի որ գրքի վերնագիրը «Քահանայական Խընդիր» է, քանի որ նրա մէջ առաջ բերված բոլոր զը-

\*) «Քահ. Խնդ.» եր. 213,

րագրութիւնները պտտում են քահանաների ու քահանայացուների շուրջը, հովիւներ ասելով պէտք է քահանաներ հասկանալ, իսկ «մեր» ասելով՝ կուսակրօն հոգևորականութեան բարձր ներկայացուցիչները, որոնց ձեռքումն է քահանաների ձեռնադրութեան իրաւունքը:

Բայց ինչ հասկանանք «արժանաւոր» խօսքով, որ մի առաձգական ընդհանուր նշանակութիւն ունեցող միտք է բովանդակում: Ինչ կնշանակէ արժանաւոր, ուսեալ թէ հաւատաւոր, գիտուն թէ բարեբարոյ:

Օրինակ՝ Մխիթար Սեբաստացին արժանաւոր էր թէ՛ անարժան:

Սակայն քանի որ խօսքը — վէճը գիտուն ու տըզէտի, ուսեալի և անուսի մասին է, ուստի և «արժանաւոր» բառի իմաստն աւելի հովուի ուսման, գիտութեան կողմը պէտք է թեքել:

«Գրէպէր»ի սրբագան թարգմանիչը, կարծում ենք, շատ կտրուկ և պատասխանատու վճիռ է արձակում ժողովրդի կրօնական զգացմունքների թուլութիւնն ու կրօնափոխական շարժումները վերագրելով, այն էլ «միմիայն \*»), արժանաւոր հովիւների պակասութեանը:

Ճշմարիտ է, արժանաւոր հովիւների պակասութիւնը կարող է պատճառներից մինը լինել, բայց ոչ երբէք ամբողջը կամ «միմիայն»-ը:

Նախ՝ գրքի մէջ ոչինչ գէպքեր, վիճակագրական թւեր չկան կրօնափոխութիւնների մասին, որ ապացուցանէին սրբագանի վճիռը:

\*) «Քահ. Խնդ.» եր. 193:

Մեզ թւում է, որ քահանայական խնդրի առթիւ Մակար կաթողիկոսի և ժամանակակից եպիսկոպոսների պակասաւոր արարքների համար այնքան սիրով աննպաստ տեղեկութիւններ ժողովողը պէտք է որ այսպիսի կարևոր եզրակացութեան բերող փաստերէս անշուշտ հաւաքէր պատմութիւնից կամ նորագոյն ժամանակներից: Այլապէս՝ մենք տրամադիր ենք ընդունելու, որ այդպիսի ծանր մեղադրանք միմիայն քահանաների վրայ զրկելու նպատակն այն է, որ դրանով ազգի առաջ աւելի ծանր յանցաւորներ հանդիսացնի գրքի մէջ յիշատակված այն բոլոր բարձրաստիճան կուսակրօններին, որոնք իրեն պէս չեն վերաբերվել դէպի քահանայական ձեռնադրութիւնը:

Երկրորդ՝ մեր ժամանակի կրօնափոխութեան դէպքերը պտտում են աւելի տնտեսական խնդիրների շուրջը. իսկ պատմական ժամանակի ընթացքում կրօնափոխական շարժումների գլուխ անցածները այնքան տգէտ, անուս հովիւներից չեն եղել, որքան ժամանակի դիտուն, կամքի տէր, փառամոլ կուսակրօններից: Նոյն իսկ Տաճկահայաստանի նորագոյն մարտիրոսագրութեան շրջանում սուլթանին ուղերձներ ստորագրողները բարձրաստիճան արժանաւորներից էին:

Երրորդ՝ բայց միթէ՞ նոյն իսկ արժանաւոր քահանաների, հոգևորականների կրօնական զգացմունքներն ևս ենթակայ չեն տիեզերքը կառավարող օրէնքներին, ժամանակի հոգու հօր ազդեցութեանը:

Միթէ՞ քրիստոնեայ քաղաքակիրթ պետութիւնների անտարբերութիւնը դէպի բռնակալի արիւնոտ

սուրը, որն օրը ցերեկով մորթոտում է իր անմեղ հրպատակներին քրիստոնեայ լինելու պատճառով, միթէ՞ քաղաքակիրթ քրիստոնեայ աշխարհի ուրիշ ազգերին ջնջելու գնով ոսկի հանքերին ու բնակավայրերին տէր դառնալու անիրաւ վարմունքը, միթէ՞ քրիստոնեայ քաղաքակիրթ ազգերի միսիօնարների՝ հացը հաւատափոխութեան գնով քաղցածին տալու օրինակները, միթէ՞ դարիս գաւակների՝ ուսեալի թէ գեղջուկի, գիտունի թէ տգէտի, բարձր հոգևորականի թէ աշխարհականի ակներև ձգտումները դէպի նիւթապաշտութիւնը կարող են մնալ առանց ազդեցութեան մարդկային ընդհանուր մեծ ընտանիքի անդամ թէկուզ ուսեալ հովիւների վերաբերութեամբ:

Եւ վերջապէս միթէ՞ քահանան—հովիւր միայնակ կարող է դէմ դնել դարի հոսանքին, կարող է թումբ կանգնացնել գործարանական ու առևտրաշահ քաղաքների, մեքենագիտութեան ու ազատ քննադատութեան հոսանքների առաջ, որ այնքան ուժգնութեամբ ազատ ու լայն բացված ճանապարհների՝ երկաթուղիների, շոգենաւերի, հեռագիրների, տասնեակ հազարաւոր բանւորների, լրագրների և այլ հարիւրաւոր գործօնների միջոցով ողողում են վանքերն ու անսպասները, շէներն ու գիւղերը, աւաններն ու քաղաքները և այնքան ամուր կերպով բաղխում են մարդկանց սրտերն ու մտքերը:

Միթէ՞ արժանաւոր քահանան կարող է և պաշտօն ունի կանգնացնելու գիտութեան և արուեստի յառաջախաղացութիւնը, մարդկային մտքի հետախուզիչ ոգին, հասարակութեան թափանցող դիտողու-

Թիւնը, որոնք պատահելով խորհրդաւորութեան վա-  
րագոյրները, մտնում են մինչև սրբութեան սրբոցը:

Պաշտօնական յայտարարութեան մէջ, մամուլի՝  
տպագրութեան միջոցով գալ մեղադրել քահանանե-  
րին այն բանի մէջ, որ նրանք են պատճառ՝ «այսչափ  
յաճախ կրօնափոխութեանց», որ «քանտը ամենուրեք  
լցեալ ծփան հայ արգելականօք ըմբռնելովք ՚ի յա-  
փշտակութեան, ի գողութեան, ի մարդասպանութեան,  
ի պէս պէս օրէնսընդդէմ կեղծիս և յանլուր յան-  
ցանս, մինչդեռ քսան և քսան հինգ ամօք յառաջ հազ-  
ուազիւտ երեւոյթ էր տեսանել զհայ բանտարկեալս» \*),  
պէտք է ունենալ անպայման և բացառիկ մեծ հա-  
ւատ թէ դէպի հայ քահանայական դասի ամենակա-  
րողութիւնը և թէ դէպի հայ ժողովրդի ստրկամիտ  
կրօնամուրութիւնը կամ պանդխտութեան, օտարու-  
թեան չղիմոզ յատկութիւնը...

Սրբազանի վերն առաջ բերած խօսքերը պարու-  
նակող յայտարարութիւնը գրված է 1889 թիւն:  
Եթէ 20—25 տարի յետ զնանք՝ կվերադառնանք 60-  
ական թւականներին. այսինքն այն ժամանակներին,  
երբ, ինչպէս մէջ է բերում Արիստակէս եպիսկոպոս՝  
«Միքայէլ Նալբանդեանց գրէր առ տ. Մատթէոս կա-  
թողիկոս — ի մեզ առ ամենայն կացութիւն անպի-  
տան պիտանի համարի ի հոգևորականութիւն» \*\*):

Բացի սրանից 28-րդ ծանօթութեամբ, սրբազան  
Արիստակէսը գրում է. «Ոչ իշխեմ և ոչ ցանկամ յի-  
րաւունս ապագայ պատմաբանի միջամտիլ վասն ցու-

\*) «Քահ. խնդ.» եր. 83.

\*\*) Նոյն տեղ եր. 84.

ցանելոյ աստէն, թէ որչափ բազմացան տրտունջք  
և անբաւականութիւնք յազգի վասն ձեռնադրութեանց  
անպատրաստ, անկիրթ քահանայից անհամար բազ-  
մութեամբ ի 1868—1882 ամս, և որչափ գործ բա-  
րոյական և մտաւոր յառաջադիմութեան ժողովրդեանն  
զյետադարձ կալաւ ընթացս ի վնաս և ի հարուած  
եկեղեցւոյ յերեսաց այսպիսեաց քահանայից, զոր բու-  
ժել և ոչ հարիւր ամբ զօրեսցեն» \*):

Աւելի հին ժամանակամիջոցի համար նոյն սրբա-  
զանը մէջ է բերում Կովկասի կուսակալ կոմս Պաս-  
կևիչի խօսքերը, որ գրել էր նա նախարարին 1828  
թիւն. «Եկեղեցական ստորին սլաշտօնեայք առ հա-  
սարակ ընկղմուած են խորին տգիտութեան մէջ և  
նոցա թիւն այնքան բազմացել է, որ ծանրաբեռնում  
է ժողովրդին» \*\*):

Արդ՝ ինչպէս է որ հովիւները 20—25 և աւելի ու-  
շատ աւելի առաջ եղել են անպիտան, անպատրաստ,  
անկիրթ, խորին տգիտութեան մէջ ընկղմված, «գործ  
բարոյական դաստիարակութեան» սրանց պատճառով՝  
կալած է եղել «զյետադարձ ընթացս», բայց և այն-  
պէս հազուազիւտ երեւոյթ է եղել հայ բանտարկեալ  
տեսները...

Եթէ հովիւների անպիտանութիւնը, անպատրաս-  
տութիւնը, անկրթութիւնը, խորին տգիտութիւնն  
աւելի լաւ միջոցներ են ժողովրդին բարոյականութեան  
ու հաւատաւորութեան մէջ պահելու համար, այլ ևս

\*) «Քահ. խնդ.» եր. 70.

\*\*) Նոյն տեղ եր. 18.



ինչ աւելորդ աշխատանք է ուսեալ քահանայացուների առթիւ:

Կրօնական թուլութեան պատճառներն ուրիշ տեղեր, տնտեսական ու կենցաղավարական ուրիշ շատ ու շատ բազմազան պարագաների մէջ որոնելու է, այլ ոչ միայն հովիւների անարժանութեան մէջ ..

Ե.

Երկտողիս առաջին գլխում խօսելով կուսակրօն և ամուսնաւոր հոգևորականութեան մասին, այն միտքը յայտնեցինք, որ կուսակրօնները խզել են եկեղեցուց, ժողովրդից ընտրվելու կապը և բռնել են եկեղեցու վրայ անկոպար իշխանաւոր դառնալու ճամբան, և որ այս ճամբի վրայ կանգնած է ժողովրդից ընտրվող ժողովրդական հոգևորականը — քահանան:

Այսօր սրա շուրջն է պտտում մեր եկեղեցու ժողովրդական հոգին:

Եթէ մեր կուսակրօնութիւնը յետ չդարձաւ ընթանալու մեր ազգային եկեղեցու ընտրական ճանապարհով, այլ ընդհակառակը՝ եթէ կարողացաւ հետըհետէ կտրել ժողովրդից ընտրվելու կապը և՛ քահանայի վերաբերութեամբ, այնպէս որ ընտրութիւն ասված գործողութիւն կատարողը լինի կոնսիստորը, առաջնորդը կամ սրա ներկայացուցիչը *իրենց միջոցներով* — այնուհետև մնաս բարև մեր եկեղեցու ժողովրդականութիւն, առաքելականութիւն, մնաս բարև

ժողովրդական հոգևորականութիւն: Սրա տեղը կրօնի կղերականութիւնը իր կաշկանդող, իր խաւար ձգտումներով ու հոգով:

Քայց ինչ է կղերականութիւնը, որն այնքան խոտելի է եղել մեր ժողովրդի հոգուն և այժմ էլ խոտելի է ոչ միայն մեր ժողովրդին, այլ և ամբողջ քաղաքակիրթ աշխարհին:

Հոգևորականների այն ձգտումը, որով աշխատում են եկեղեցական իշխանութեան իրաւունքն ու նշանակութիւնը բարձրացնել ժողովրդի իրաւունքներն ու նշանակութիւնը չեզոքացնելու, ոչնչացնելու գնով անուանվում է կղերական ձգտում, և տանում է այս ճամբան հոգևորականութեանը դէպի կղերականութիւնը:

Քրիստոսահիմն առաքելական եկեղեցին հոգևորականին թէ աշխարհականին ճանաչում է հաւատարեղբայրներ ի Յիսուս, միմեանց անդամներ, անդամներ եկեղեցու՝ հաւատացեալների ժողովի: Այսպիսի եկեղեցու պայծառութեան, կարգաւորութեան բոլոր խնդիրները ենթակայ են ընդհանուր եղբայրական ժողովի վճռահատութեան:

Այս ժողովը աւետարանական սիրոյ պայմաններում պիտի սահմանէ կարգեր, լուծէ տարակուսական խնդիրներ և ընտրութեամբ հրաւիրէ եկեղեցու — եղբայրութեան այլ և այլ պէտքերը, սպասաւորութիւնները լրացնող ու կատարող պաշտօնեաներ:

Այս պաշտօնեաները չեն եկեղեցուն հրամաններ տւողներ, իշխանաւորներ, այլ եկեղեցու՝ ժողովականների որոշումների կատարողներ, սրբադործողներ, ընդ

նմին մնալով և նոյն եկեղեցուն, ազգային ժողովներին, ժողովրդին հաշուետուներ:

Եկեղեցու այսպիսի գրութիւնը հաստատութիւն ու պայծառութիւն է գտնում այն ընդհանուր ձրգտման մէջ, որ եկեղեցու բոլոր անդամները՝ հոգևորական թէ աշխարհական, քաղաքացի թէ գիւղացի, այլ թէ կին ամենքը լինին Քրիստոսի աշակերտներ, տեղեակ նրա սուրբ վարդապետութիւններին և տոգորված նրա հոգով:

Իսկ կղերականութիւնը:

Կղերականութիւնը չէ՛ ճանաչում աշխարհականի իրաւունքը եկեղեցական գործերում, նայում է աշխարհականի վրայ իբրև իր հոգևոր հլու հպատակի, ծառայի կամ միշտ երեխայ աշակերտի վրայ, որը միայն մի նուիրական պարտականութիւն ունի-կոյր հնազանդութիւն:

Կղերականութեան հաստատութիւնն ու շահերը այնքան աւելի ապահովուած են, հաստատուն են, որքան հպատակվող ժողովուրդն աւելի տղէտ, մոլեռանդ, անսլայման անձնատուր լինող է իրեն առաջնորդող ղեկավարող, ձեռքից բռնած ոլոր մոլոր ճանապարհով տանող կղերին:

Անձ երկուսի տարբերութիւնը:

Այժմ նայենք այս տեսութեամբ թէ մեր հոգևորականութեան մէջ ինչ ինչ նշաններ ու քայլեր են նկատվում դէպի կղերականութիւնը տանող:

Առաջնորդների, փոխանորդների թէ պաշտօնի մտնելու և թէ աստիճանների տիրանալու մէջ այլ ևս չեն հարցնում թեմի, վիճակի ընտրութիւնն ու վկայութիւնը:

Մեր առաջնորդները, փոխանորդները այլևս չեն հովանաւորում և կարգաւորում ծխական ընդհանուր ժողովները քահանայացուի ընտրութեան ու եկեղեցական այլ և այլ խնդիրների նկատմամբ, այլ ձրգտում են անձնական իշխանութեամբ կամ ձեական ստորագրութիւնների միջոցով տալ կատարել իրենց ցուցումներն ու ցանկութիւնները:

Չեն հարցնում նրանք այլ ևս ժողովրդի—ծխականի կամքը և եկեղեցուց եկեղեցի, ծխից ծուխ, գիւղից քաղաք են փոխադրում քահանաներին:

Իժուարանում են ընդունել երեսփոխանին իբրև ընտրեալ ներկայացուցիչ ժողովրդի կողմից և աշխատում են դարձնել իրենց անմիջական ստորագրեալ աշխատում են վերացնել նրանց պատասխանատուութիւնն իրենց ժողովրդի առաջ և դարձնել իրենց հրահանգներով կառավարվող և միայն իրենց առաջ պատասխանատու պաշտօնեաներ:

Ակներևակի կերպով զօրացնում են, խստացնում են աստիճանաւորութեան, իշխանաւորութեան սիստեմը հրամայական ոճեր գործադրելով, սպառնացող դարձուածները շռայլելով, զգուշացումների տարափներ\*) տեղալով իրենց պաշտօնական գրութիւնների մէջ, մոռացութեան տալով օրհնութիւնների, հայրա-

\*) Ման. «Թեմ, առաջնորդները... գործադրում են քրիստոնէութեան իսկական հոգուն համապատասխանող, մեզմ, խրատական ու համողիչ միջոցներ: Նրանք պարտաւոր են, որքան հնար է, փախուստ տալ այն ամենից, ինչ որ կրում է աւելորդ խստութեան կերպարանք»: Положение 972 յօդ. հրատ. 1857 թ՝

կան մեղոյշ խրատների, սիրալիբ յորդորների, աւետարանական սիրոյ և եղբայրութեան\*) հողին արտայայտող ոճերը, յորդորականները:

Նոյն իսկ Արիստակէս եպիսկոպոսի «Քահանայական Խնդիր» գրքի մէջ և պաշտօնական թղթերում գործ դրված, օրինակ, այսպիսի դարձուածները՝ «ի բերել ժամանակին ձեռնադրել և տալ ողորմելի ժողովրդոց \*\*), «Հարկաւոր էր դաւաճներից Թիֆլիզ բերածներին կրկին գաւառ վերադարձնել \*\*\*), «Հետզհետէ բացուող տեղերի համար ընտրել և կարգել կոչման համապատասխանողներին \*\*\*\*), «Ի տեղի սոցա հրաւիրել և կարգել զարժանաւորս», ճշմարիտ է պարունակում են իրենց մէջ ժողովրդի համար սրբտացաւ հոգատարութիւն, բայց ինչ որ իշխանական իրաւունքով ու միջոցներով:

«Քահանայական Խնդիր» գրքից դուրս, կարգա-

\*) Ծան. «Անոնք (երէցները) այնպէս պատկառելի էին և եպիսկոպոսներն ալ այնպէս հեզ էին, որ դժուարաւ կրնար մարդ դուրսը ձանձնալ թէ եպիսկոպոսը սրն է, երէցը սրն է: Նամանաւանդ երիցունք եպիսկոպոսաց վրայ տեսակ մը իշխանութիւն ունէին, միշտ անոր վարդապետութեան և բարուց տեսուչ ըլլալով... Երբ որ եպիսկոպոսը համարձակէր առաքելական աւանդութեանց դէմ բան մը ընելու կամ սովրեցնելու, չէին լսեր անոր աւագերիցունք և սարկաւագունք և սիրողարար ազգարարութիւն կրնէին անոր և երբ մտիկ չընէր՝ հայրապետներու կողմընէին, և ետքը՝ կամբաստանէին զինքը եկեղեցական ժողովքի»: Քննական Արժանագիտութիւն. Ս. ք. Տէր-Սարգսեանց:

\*\*) «Քահ. Խնդ.» եր. 6:

\*\*\*) Նոյն տեղ եր. 29:

\*\*\*\*) Նոյն տեղ եր. 35:

ցինք յայտարարութիւններ «Մշակ» լրագրի մէջ, որով Աստրախանի հայոց կոնսիստորիան, անշուշտ ոչ առանց կանխահաճ թոյլտուութեան թեմակալ առաջնորդի, ծանուցանում է, որ Աստրախանի թեմի համար հարկաւոր են քահանայացուներ և որ ցանկացողները թող ուղարկեն կոնսիստորիա իրենց վկայագիրները:

Սա աչքի ընկնելու շափ մի նորութիւն է:

Քահանայացուների ընտրութեան խնդրում կոնսիստորիան ստանձնում է մի տեսակ միջնորդի պատօն ծխական ժողովրդի ու ձեռնադրող հոգևոր իշխանութեան առաջ: Զատ պարզ է, որ ում առաջուց ընտրի ու հաւանի կոնսիստորիան, նրա քահանայանալու խնդիրն էլ պիտի առաջ տանի:

Մի ըստ է ենթադրենք ու հաւատանք, որ Աստրախանի կոնսիստորիան ի շարք չի գործ դնիլ իր ստանձնած նոր դերը քահանայացուների խնդրում, քանի որ նրա ղեկավարն է Արիստակէս եպիսկոպոսը և որ Աստրախանի թեմի հայ ծխականներն էլ է որ անտարբերութիւնից դէպի իրենց իրաւունքների պաշտպանութիւնը, է որ հաւատաւորութիւնից ու յարգանքներից դէպի իրենց այժմեան առաջնորդը, ոչինչ հակառակութիւն չեն ցոյց տալ և կոնսիստորիայի ընտրած ու առաջարկած թեկնածուին կրնտրեն ծրխական քահանայ. Բայց չէ որ այս օրինակը ուղղակի լայն ճանապարհ է բաց անում քահանայացուների ընտրութիւնը ժողովրդից իսպառ խլելու և կոնսիստորիաների ու առաջնորդների ձեռքը ձգելու — կեղծոնացնելու: Իսկ սա մեր կարծիքով, շատ աւելի մեծ չարիքների ազդիւր կարող է լինել, քան թէ մինչև

այժմ մեր սրբազանների ու վհահափառների—ըստ Արիստակէս եպիսկոպոսի—[Թէկուզ կաշառներով կատարած ձեռնադրութիւնների գումարը միասին առած:

2.

Արիստակէս սրբազանն իր զըքում անց է կացնում այն միտքը, թէ մեր քահանայական դասակարգն այսօր աւելի վատթար վիճակի մէջ է քան թէ առաջ և քան թէ ուրիշ ազգերի մէջ:

«Ինչու է այդպիսի տխուր փաստեր (քահանաների տգիտութեան, անարժանութեան, անբարոյականութեան և այլն) պակաս չեն և կաթուղիկ ու օրթոգոքս եկեղեցիների տարեգրութիւնների մէջ, քայց նրանցում այդ քոլորն արդէն անցած զնացած չարիքներ ու զեղծումներ են, մինչդեռ մեզանում ոչ միայն դեռ պահպանում են իրանց մեծավնաս գոյութիւնն, այլ մինչև անգամ հետզհետէ աւելի լայն ծաւալ և անփոխարինելի սովորութեան վաւերականութիւնն են առնում»\*):

Որ հարբան, թղթախազ, պոռնիկ, արծաթասէր քահանաներ այսօր և՛ կաթուղիկ, և՛ օրթոգոքս եկեղեցիներն ևս ունեն - այդ մեզանից ամեն մինը դիտէ և իր աչքերով տեսնում է: Նոյն ինքը, սրբազան հեղի-

\*) «Բահ. Խնդ». էր. 16

նակը հերքում է իր այս տեսութիւնն իր գրքի 216 երեսում զետեղած հետեւեալ ծանօթութեամբ. «Ինչ պայմաններ, որ մեզանում պատճառ են եղել եկեղեցական բարեգարգութեան և եկեղեցականների բարելաւութեան անկման, նոյնպիսի անկման պատճառ են եղել և Հելլենական (ինչո՞ւ չասել օրթոգոքս) եկեղեցու և եկեղեցականների համար... 1897 թուին Աթէնքի համալսարանի աստուածաբանութեան յայտնի պրօֆէսոր Դիոմիտ - Կիրիակը՝ ասում էր— «Եկեղեցականների մեծ մասը տղէտ է... հոգևորականներից 90 տոկոսը մինչև իսկ ժողովրդական դպրոցի կրթութիւն չունի... Հոգևորականութիւնն իւր աղքատութեան և տգիտութեան պատճառով ոչ մի ազդեցութիւն չունի... Համայնքները գուրկ հոգևոր կրթութիւնից և հմուտ առաջնորդներից՝ թաղուած են կրօնական տգիտութեան մէջ...»

Պնդել թէ մեր ներկայ հոգևորականութիւնը կամ այժմեան մեր քահանաները մեծ տղէտներ, վատբարոյ, անարժան են, քան թէ առաջ՝ «եթէ յառաջին ժամանակս տղէտք և անուսմունք էին քահանայք, գոնէ բարեբարոյ զնացիւք, ջերմեռանդ Աստուածպաշտութեամբ և հօտասիրութեամբ իւրեանց պատկառելի, հետևաբար և ազդեցիկ \*) էին յաչս և ի վարս ժողովրդեան, իսկ այժմ տգիտութեանն մեծի յաւե-

\*) Ծան. Աստուածաբանութեան յայտնի պրօֆէսոր Կիրիակն ասում է. «հոգևորականութիւնը տգիտութեան պատճառով ոչ մի ազդեցութիւն չունի, իսկ սրբազան Արիստակէս նրա խօսքերը հաւանելու չափ մէջ բերելով հանդերձ, պնդում է թէ հին քահանաները տգիտ, անուսմունք էին, քայց ազդեցիկ...»

լան ի վերայ յոռի բարք, թուլութիւն և պղերզութիւն ի պաշտօնի, շահամոլութիւն, աւելորդապահանջ» \*), և այլն, կարծում ենք, աւելի սխալ գործած կլինենք, քան եթէ ասենք, թէ ընդհանուր առմամբ՝ այսօր մեր քահանաների մէջ միջնակարգ կրթութիւն առած, ուսման տէր անձինք թւով այնքան կարող են լինել, որքան մեր անցեալ պատմական շրջանի որ և իցէ ժամանակամիջոցում չի եղել: Իայց եթէ դարձեալ տժգոհ ենք, եթէ հասարակութիւնը բողոքաւոր է, պատճառը որոնելու է այլ պարագաների մէջ: Այժմ հասարակութիւնն աւելի աչքաբաց է դարձել, մամուլն իր արգոսեան աչքերով թափանցում է մինչև խորը, քննադատութիւնը բարձրացնում է հոգեորականի փիլոնը, շուրջառը, քարշում է խորհրդաւորութեան վարագոյրը, բաց է անում ծածկութիւնը, դէմ յանդիման է դնում նրա՝ իբրև հոգեորականի կոշումը, պաշտօնը, քարոզը և իբրև հոգեպէնի՝ կատարած իսկական գործերը...

Եթէ սոյն հայեացքներով նայելու լինենք և շատերի կողմից գովված ու փառաբանված մեր անցած գնացած դարերի քահանաների ու հոգևոր հայրերի վրայ, անտարակոյս՝ ոչ մի աւանձին տարբերութիւն ի վնաս այժմեանի չենք գտնիլ:

Լուսաւորչեան տոհմի, այդ բարձր, ազնւական, անկարօտ տան տված մի շարք ընտիր հայրապետներից գատ, մեր պատմութիւնը չի տալիս մեզ մի այլ տոհմ, այլ տուն, դպրոց, որ մի քանի ուրիշ լաւ հայրապետներ պարզեա՞ծ լինէր ազգին միմեանց յաջորդաբար:

\*) «Քահ. Խնդ». Եր. 84.

Նոյն իսկ մեր հոգևորականութեան այն ոսկէ ժամանակում, երբ մի քանի տասնեակ բարձր կրթութիւն ստացած հայրենասէր, հաւատաւոր, գիտուն, մաքրակենցաղ հոգևորականներ զարդ ու փառք էին կազմում հայրենիքի ու եկեղեցու, հարիւրաւոր ու թերևս հազարաւորները հիմք էին ծառայում պատմահայր Խորենացուն դրելու. «վարդապետք տխմարք և ընդ ինքնահաճք, անձամբ առեալ պատիւ և ոչ յԱստուծոյ կոչեցեալ, արծաթով ընտրեալք և ոչ չողւով, ոսկեսէրք, նախանձոտք, թողեալ զհեղութիւն և գայլք եղեալ՝ զիւրեանց հօտս գիշատելով: Կրօնաւորք կեղծաւորք... վիճակաւորք հպարտք, դատասացք, զրաբանք, ծոյլք, ատեցողք արուեստից և վարդապետական բանից, սիրողք վաճառաց և կատակերզութեանց»:

Եւ բազմաթիւ վատերի մէջ ամեն ժամանակ եղել են և լաւերը, սրտացաւները, ժողովրդասէրները սրբանք միշտ բողոքել են իրենց դասակիցների վատթարութիւններին դէմ, դեղ ու դարման, միջոցներ են ցոյց տվել, յորդորներ են կարգացել ճիշտ այնպէս, ինչպէս մեր օրերում Խրիմեան հայրիկ, Մուրադեան Մելքիսեդեկ, Իգմիրլեան Մատթէոս, Սեդրակեան Արիստակէս և այլն, և այլն:

Նոյն իսկ Արիստակէս սրբազանից քահանաների վերաբերմամբ վատ կաթողիկոսներ ճանաչված՝ Ներսէս, Մատթէոս, Իէորզ, Մակար իրենց ընդհանրական կոնգալներին, կարգադրութիւնների մէջ երևում են համակրողներ մեր եկեղեցական ընտիր կարգերի, հոգատարներ եկեղեցականների բարոյական ու մտաւոր զարգացման: Այս ամենի վկաներն ու ապացոյց-



ներն են դպրոցական հաստատութիւններին ուժ տալ և առաջ տանելը: Բայց որ այդ ընդհանրական, այդ հրապարակի վրայ դրված կարգադրութիւնների տակ միաժամանակ կատարվել են խաթրապահութիւններ, խնամութիւններ, գիշոցութիւններ, խոտորումներ— շատ հին, ժառանգական, հանրական մարդկային հիւանդութիւն է, որ ամեն դարում և ամեն ազգի մէջ արգելք է եղել և պիտի լինի մասնաւոր ամամբ:

Յակայն ցաւում ենք, որ բոլոր այն հարցերի մասին, որոնք վերաբերում են քահանայական իսկական խնդիրների լուսաբանութեան -- չկան ուսումնասիրութիւններ, չկան վիճակագրական տեղեկութիւններ սրբազան Արիստակէսի դրքի մէջ:

Բոլոր այն մերկացումները, որոնք գրեթէ ամբողջ գիրքն են կազմում, առաջադրված խնդրի նկատմամբ առանձին արժէքաւոր բաներ չեն:

Նրանք, այն, մեծ գին, մեծ արժէք կարող են ունենալ այն վաղճանված թէ կենդանի բարձրաստիճան հոգևոր անձնաւորութիւնների անհատական արժանիքների գնահատութեան համար, որոնց վերաբերում են, բայց քահանայական խնդրի համար շատ աւելի մեծ արժէք ու գին կունենային, օրինակ՝ եթէ մէջ բերված լինէին վիճակագրական թւեր, թէ արդեօք՝ «յոռի բարք, թուլութիւն, պղերդութիւն ի պաշտօնի, շահամոլութիւն, աւելորդապահանջ» յատկութիւնները սրպիսի քահանաների մէջ աւելի նկատված են. միջնակարգ ուսում ունեցողների, թերուսների թէ հարցաքննութեամբ քահանայացողների մէջ, բացարձակ քուէարկութեամբ թէ զադոնաժածուկ ըն-

տրվածները, քաղաքների թէ գիւղերի, համեմատաբար շատ ծուխ ունեցողների թէ աղքատների մէջ, և վերջապէս թէ այդ և համանման յատկութիւնները մեր ժամանակի դպրոցական կրթութիւնը որքան կարողանում է մաշել, ջնջել:

«Քահանայական Խնդրի» մէջ քահանայական խնդրի մշակման նկատմամբ պէտք է ուսումնասիրված, առանձին կերպով հարցասիրված լինէին. — Ա. Գիտուն (որ չունենք), ճեմարանաւարտ, դպրոցաւարտ քահանաները կեանքի մէջ արգարացնում են արդեօք նրանց ընտրողների ու ձեռնադրողների յոյսերը և ո՞րքան տոկոսով: Բ. Խնչպիսի նոր հոսանք, ուղղութիւն են առաջ բերել ժողովրդի մէջ: Գ. Խնչպիսի պահանջներ ունին նրանք, և ինչ չափով ժողովուրդը համակիր է կամ գոհացնում է նրանց: Դ. Ունին արդեօք իրենց աւարտման վկայականի հետ և որոշ հաւատալիքներ ու հաստատուն սկզբունքներ և մնում են արդեօք հաւատարիմ այդ սկզբունքներին կեանքի ձախող ու տատանող պարագաներում: Ե. Կարողանում են արդեօք սրտով սիրել իրենց ընտրող ժողովրդին ու սիրվել ժողովրդից, թէ քահանայ դառնալուց յետոյ զղջում են և կամ ամեն կերպ աշխատում են այլ իւրոտ պատառ ձեռք բերելու ետևից լինել և յարմար ժամին՝ ձգել ծուխն ու այլ տեղ փախչել: Զ. Խնչպէս են պահում իրենց դէպի իրենց պաշտօնակիցները, ծխականները, իշխանաւորները և այլն և այլն:

Ընդ սպասում էինք և ցանկանում այսպիսի կամ սրանց նման խնդիրների ուսումնասիրութիւններ տեսնել Արիստակէս եպիսկոպոսի «Քահանայական

Խնդիր» վերնագիրը կրող աշխատասիրութեան մէջ. Արիստակէս եպիսկոպոսի, որ այնքան քաջամարտիկէ բուն ցանկութեամբ լցվածի կերպով պէպի քահանաների բարեօրման հարցը, հանդէս եկաւ ու կռիւ հրատարակեց. սակայն շեշտում ենք, փոխանակ մշակված, հարցասիրված այսպիսի խնդիրներ, հանդէս են դրված լոկ անձնական հաշիւներ, կարծիքներ, մեղադրականներ, շատ տեղեր միմեանց հակասող ազատ դատողութիւններ և միայն մի երկու նոր համակրելի առաջարկութիւններ, ինչպէս քահանաների կրկնամուսնութիւնն ու նրանց մշտական ռոճիկ սահմանելը:

Է.

«Խօսելով քահանայական դասակարգի բարելաւութեան պայմանների մասին՝ կամենում էինք եկեղեցու լրութեան ուղադրութեանը ներկայացնել և մի կէտ, որ ոչ սակաւ կարևորութիւն ունի այդ պաշտօնին նուիրուել կամեցողների համար—քահանայից կրկնամուսնութեան խնդիրը. սակայն ստիպուած են ղանք այդ ուրիշ անգամի թողնել» \*):

Ոչ միայն այդ պաշտօնին նուիրվել կամեցողներ, այլ և արդէն նուիրված, բայց այրիացած քահանաների համար ևս ահագին նշանակութիւն ունեցող կէտ է այդ:

\*) «Քահ. Խնդ». Կր. 219.

Պատմական ձիգ դարերի ընթացքում անվերջ կոտորածների, աւերումների ու սոսկալի հարուածների միջից մեր ազգութիւնը մինչև այսօր անմեռ պահող—պահպանողը եղել է մեր ընտանիքը: Այսօր ևս եթէ ունինք մի կռուան, որ ամենից հաստատունը պիտի ընդունենք ու ճանաչենք մեր ազգութիւնն անկորուստ պահելու համար—դա՛ անտարակոյս՝ նոյն ընտանիքն է: Ուստի և ամենայն բան, որ պիտի ծառայի ու նպաստի մաքուր ընտանաւորութեան պահելուն ու պահպանելուն՝ պէտք է տալ:

Մեր եկեղեցական կանոններով՝ «քահանայ ամուսնով իւրով ընդունելի է\*):» Սա նշանաւոր կէտ է: Ժողովրդի մէջ ապրող, ծխականների տունն ազատ ել ու մուտ անող հոգևոր պաշտօնեան ամուսնով միայն ընդունելի է: Անամուսին հոգևորականը՝ կուսակրօն կամ այրիացած՝ զրկված են իրաւունքից աշխարհի, ժողովրդի մէջ քահանայութիւն անելու: Մեր եկեղեցու ս. հայրերը նգովում են քահանայական արարողութիւններ կատարող թէ կուսան հոգևորականին կամ այրի քահանային և թէ նրանց ընդունող ծխականներին. «քահանայ կուսան (կուսակրօն կամ այրի) եթէ յաշխարհի քահանայութիւն առնիցէ, նաև որք ընդունին նգովեալ եղիցին \*\*):» «Քահանայի վաթսուն ամենից ի վեր թէ մեռցի կինն՝ կացցէ յեկեղեցուց, ապա եթէ ի մանկութեան հանդիպեսցի, պարտ է երթալ ի վանս և անդ լինել մինչև ի վաղ՝

\*) Աստուծոյ Ն. Ախարիոյ:

\*\*\*) Մ. Բարսղի՛ ճիւղ—Ալիբղի ա.

ճան, իսկ եթէ կացցէ յաշխարհի քահանայ, նզովեալ եղիցի և ուրք ընդունին ժողովուրդք» \*):

Ժողովրդական հոգևոր պաշտօնէին ժողովուրդն ընդունում է ամուսնով. ևրբ ամուսինը մեռաւ քահանայի վաթսուն տարեկանից պակաս հասակում, պէտք է նա՝ քահանան թողնի աշխարհը, ժողովուրդը, եկեղեցին և քաշվի վանք. այլապէս նզովքի է ենթարկում եկեղեցին թէ այրիացած ջահէլ քահանային, որ կմնայ աշխարհի մէջ ու քահանայութիւն կանի, և թէ ժողովրդին, որ նրան տուն կընդունի, քահանայ կճանաչի. Բայց այսօր մեր այրիացած քահանաները վանք չեն գնում, և մեր ժողովուրդն էլ ընդունում է նրանց: Սակայն հազար ու մի տեսակ բամբաստներն անջրպետ են կանգնում քահանայի ու ծխականի տան սրտաբաց, անկեղծ յարաբերութիւնների մէջ: Այրի քահանան ղեռահաս որդիք ունի. ում յուսով թողնի նրանց: Ի՞նչ է ասում քրիստոնէութիւնը— մարդասիրութիւնը. թողնել իւր զաւակներին բախտի բերմունքին ու գնալ հեռանալ վանքերը, թէ՛ միջոց տալ նրան իր ընտանեկան կեանքը շարունակելու անբամբաս պայմաններով:

Եթէ ընդունենք, որ աշխարհը շէնացնող անդրանիկ պատուէրը, որ տվեց Աստուած նախամարդկանց, «աճեցէք ու բազմացէք» է, եթէ ի նկատի առնենք,

\*) Գ. Բարսղի ճխդ և Յիւրդի:

«Վասն որոյ կանոնք է ս. հյրապետացն, թէ կուսակրօն քահանայ թէ առաջնորդ լիցի ժողովրդեան, անիծեալ է ինքն և ժողովուրդն իւր»: Մայր Մաշտոց:

որ ինչպէս հին կեանքի մէջ, այսպէս և այսօր, անզաւակութիւնը աւելի քան թէ ոչ ցանկալի վիճակ է եղել և է, եթէ աչքի առաջ ունենանք, որ ժողովրդական եկեղեցին քահանային ամուսնով է ընդունում, և այս ամենի վրայ, եթէ աւելացնենք, որ ամուսնութիւնը եկեղեցու եօթը սուրբ խորհուրդներից մէկն է և կրկնելի է համարվում, շատ դիւրին կլինի եզրակացնելը, որ արդէն մի անգամ պսակվածին կրկին անգամ պսակվելու դիւրութիւն տալը մի առանձին դժուարութիւն չլինելու հետ, ժողովրդի համար մի շատ խորդ նորութիւն ևս չի լինիլ. մանտաւնդ եթէ ի նկատի առնենք մեր կեանքի մէջ գրեթէ ամեն տեղ գտնուող այն հանգամանքը, որ ժողովուրդը շտեսնելու չափ ներում է ջահէլ այրի քահանաներին կամ իբրև աղախնու, կամ իբրև որդիների դայեակի, կամ իբրև հեռու— մօտիկ մի ազգական կնոջ հետ կենակցելու: Ո՛չ այսչափ: Ժողովուրդը մի քանի տեղ աւելին է անում. ուղղակի բռնում է մի այրի կնոջ\*) ձեռքից և լոյս ցերեկով տալիս է այրիացած քահանային հետը կենակցելու: Եւ այս անում է ժողովուր-

\*) Մեզ թւում է, որ ս. գրքում ևս բաւական որոշ ցուցմունք կայ քահանաների երկրորդ անգամ ամուսնանալու առթիւ. «Խօսեցաւ Տէր ընդ Մովսիսի և ասէ. Խօսեաց ընդ որդիսդ Ահարոնի ընդ քանանայս և ասացես ցդոսս—զի մի՛ պղծ ծիցին յոզի ազգի իւրեանց, կամ յընտանի կամ ի դրացի իւրեանց... Եւ մի պղծեցին վայրապար ի ժողովրդեան իւրում ի պղծութեան իւրեանց... Նա կին կոյս յազգէ իւրմէ առնուցու: Չայրի և զհանեալ և զպոռնիկ մի առնուցու. այլ կոյս յազգէ իւրմէ առնուցու կին»: Աւտ. Իա:

զը շատ գործնական տեսակէտով: Արդ աւելի լաւ չի լինիլ փոխանակ գայթակղեցուցիչ և վատօրինակ պայմանների մէջ պահելու քահանային, հրաման տալ նրան երկրորդ անգամ ամուսնանալու:

Մեր ժողովուրդը դէպի ընտանեկան յարկի մաքրութիւնը հին ժամանակներից սկսած խիստ պահանջող է եղել. այս պահանջը դէպի ժողովրդի մէջ ազատ դուրս ու ներս անող ամուսնաւոր հոգևորականի անձն ու ընտանիքը աւելի խիստ է եղել և շատ հասկանալի պատճառով: „Քահանայ ի շնութեան գտեալ, կամ ի գողութեան, կամ ի սուտ վկայութեան և կամ յայլ պղծութեան նդովեալ եղիցի և յ. դրամ տուգանս տացէ յեկեղեցին և զերկոսին շիւսն կտրեսցին և զաղուեսադրօշմ դիցեն ի ճակատն և ժե ամ բարևոքապէս ապաշխարեալ՝ հաղորդեսցի ի ձեռաց այլոց. բայց անհնարէ նմա քահանայանալ մինչև ի վախճան, որ յանդղնեալ քահանայութիւն արասցէ, նդովեալ եղիցի նա և ժողովուրդն \*):

Արդ սրն է աւելի խելացի ու լաւ տեսնել ջահէլ այրի քահանաներին զրված շնութեան և այլ պղծութեան պարագաների մէջ և կամաւ աչքեր գոցելով անցնել. թէ՛ դիւրութիւն տալ նրանց պատուաւոր վիճակի մէջ լինելու:

Ո՛րն է աւելի լաւ — թողնել աշխարհի կեանքի

\*) Թագ. ժբ., Նիկ. ժող. ժ., ժգ., ժթ., Կուսաւորչի Գ. Բարսղի, Ներս. Շնորհ. և այլն:

հետ շփովոյ ջահէլ այրի քահանային ջեռացող պայմանների մէջ, թէ՛ միջոց տալ խաղաղ սրտով ու մաքուր խղճով իր պաշտօնը պաշտելու:

Քանի որ գաւակների խնամատարութեան ու կրթութեան խնդիրը լիակատար արդարութեամբ թոյլ չի տալ այրի քահանային վանքեր քաշվելու, քանի որ այրի քահանայի շնութեան ու պղծութեան մէջ դըրված լինելը շտեսնելու համար աչքեր գոցելը միշտ չէ ազատում ոչ ժողովրդին գայթակղվելուց, ոչ քահանային բաց ճակատով ժողովրդի մէջ երեւալուց և ոչ հոգևոր իշխանութեանը անախորժ դատեր անելու ստիպելուցիչ հարկից, մեր կարծիքով, ամենից դիւրինը և նպատակայարմարը կլինի քահանաներին կրկին անգամ թոյլ տալ ամուսնանալու: Երանի՛ թոյլտուութիւն լինէր և կուսակրօնութեան իսկական կոչումն չունեցողներին ևս ամուսնանալու, որով և հետզհետէ միջոց տրվէր կուսակրօնական անբնական կենցաղավարութեան ճահիճները մաքրելու,

Լաւ ընտանիքների պահպանութիւնը եւ ըագմացնելը ամենատաջնակարգ պայմանն է ազգային կեանքի յարատեւելու: Ուստի և ազգն ու հոգևոր իշխանութիւնը պէտք է թանգ գնահատեն ինտելիգենտ, քահանայ մարդու ընտանիքի օրինաւոր գոյութեան խրնդիրը:

Արիստակէս եպիսկոպոսը թէև ոչինչ չի խօսում քահանաների կրկնամուսնութեան մասին, այլ միայն եկեղեցու լրութեան ուշադրութեանն է ներկայացնում այդ խնդիրը, բայց պարզ երևում է, որ ինքը ևս տրամադիր է ջահէլ այրի քահանաներին թոյլ տալու երկ-

ըորդ անգամ ամուսնանալու, որպիսի առաջարկու-  
թիւնն արդարեւ արժանի է մամուլի, ազգի լրութեան  
և մեր հոգևոր Իլիսի ուշադիր քննադատութեանը:

Սրբազանի յարուցած խնդիրը թէպէտ հին է,  
Կ. Պօլսի մամուլի ու երեսփոխանական ժողովների  
իսկ ուշադրութեան արժանացած, բայց և այնպէս  
այսօր էլ նոր է և չուժված և կրկին գնահատութեան  
արժանի է հանդիսանում, երբ, թէկուզ անցողակի կեր-  
պով, զրվում է այն մի բարձրաստիճան եկեղեցականի  
կողմից:

Ը.

Մեծքաւոր տոգեր են զրքի մէջ սրբազանի դի-  
տողութիւնները քահանաներին հաստատուն ուժիկ  
տալու խնդրի վերաբերութեամբ:

Թէպէտ և մեր թեմակալ առաջնորդներից և ոչ  
մէկը, նոյն իսկ և ինքը՝ զերապատիւ Սեղրակեանը  
տակաւին փորձ չեն արել այս խնդիրը պաշտօնական  
զարձնելու, բայց հէնց այն հանգամանքը, որ մեզա-  
նում, հոգևոր իշխանութեան ներկայացուցիչներից ոչ  
միայն ոչ ոք չէ զիմադրում (և ինչպէս զիմադրեն,  
քանի որ իրենք ամենքն վաղուց արդէն ուժիկներ են  
ստանում), այլ ընդհակառակը՝ Սեղրակեան եպիսկո-  
պոս հրապարակով զովում ու պաշտպանում է, իսկ  
միւսները միջոց են տալի հասկացող ծխականներին

ի կատար ամէլու զործնական կեանքի մէջ, խրախուս  
ված Վեհափառ Հայրապետի համակրանքով վերաբեր-  
վելուց դէպի Բաթումի տված առաջին օրինակը, պեր-  
ճախօս կերպով հաստատում են, որ խնդիրը հասու-  
նացած և զրական մտքով լուծվելուն հասած է:

Քահանաներին վարձատրելու շնորհայ եղանակի  
հետ — գրում է սրբազան հեղինակը — կապուած են այն-  
պիսի անախորժ երևոյթներ և սովորութիւններ, որոնց  
բարձումը ցանկալի և օգտակար է... Կամաւոր տուր-  
քերի վերայ հաստատուած վարձատրութիւնը քահա-  
նային զրկում է ինքնուրոյն, անկախ բնաւորութիւնից  
և անաշառութիւնից. նա աշխատում է ամեն կերպ  
հարուստին հաճոյանալ. նորա հոգևոր օրէնքները կա-  
տարել անթերի կարգապաշտութիւնով և ծանր երզե-  
ցողութիւնով. նորա տունն և ազգականների գերեզման-  
ներն ամենից վաղ օրհնել, մինչդեռ աղքատն այդպիսի  
ուշադրութիւնից զուրկ է. նա աշխատում է հարուստի  
կամքը, երբեմն քմահաճոյքն իսկ կատարել... Երբ  
վարձատրութիւնը ծուխ ունենալուց է կախուած, շատ  
սակաւները կարող են ազատ մնալ աւելի շատ ստա-  
նալու զայթակղութիւնից և շղիմել ստոր և աններելի  
միջոցների, հարուստ ծխականներ ձեռք բերելու հա-  
մար. այդ է պատճառն, որ լինում են դէպքեր, երբ  
մի քահանայ կամենում է միանուազ թիթեւ գնով վա-  
ճառել \*) ընկերակցին 50 տուն այնպիսի ծխական-

\*) Ճիշտ այնպէս, ինչպէս ոչխարատերերը վաճառում են  
իրենց ոչխարները. իսկ որ այդ աղքատներին գին տվող — առնող  
քահանան աւանում է, որ իր հերթին եղած չեղած բուրդը խուզի,  
կաշիները քերթի՝ զրան ևս կասկած չկայ...

ներ, որոնցից կամ ոչինչ չի ստանում, կամ ստացածը տնօրհնէքի գնալ գալու նեղութիւնը չարժի. իսկ նորա փոխարէն եռանդուն աշխատանք և խարդախութիւն գործ դնել հարուստ ծխեր ստանալու. այդ է նոյնպէս պատճառն, որ նոր եկած մի օտարականի բնակարան կամ խանութ ամենից վաղ գտնելու և վաղ մտնելու ցանկութիւնը դիմել է տալիս ամեն անարգ միջոցների: Այս և սորա նման պատճառներն են, որ գլխաւորապէս յառաջացնում են քահանաների միմեանց հետ ունեցած գժտութիւնները, թշնամութիւնները, կռիւներն և վանդատներն, որոնց շնորհիւ և ժողովրդի մէջ անպակաս են լինում կուսակցական խռովութիւններ և բողոքարկութիւններ... Եւ ոչ մի պատճառ կայ, որ քիչ թէ շատ գժուարացնէր քահանաներին ռոճիկ սահմանելն: Եթէ մեզանում պաշտօն ունեցող (աւելացնենք և չ'ունեցող) եպիսկոպոսներն և վարդապետներն առաջուայ հոգևոր տուրքերով ապրելու փոխարէն այժմ կարող են ռոճիկ ստանալ \*), ինչո՞ւ մի և նոյնը չսահմանել և քահանաների համար: Ժամանակն արդէն դրել է մեր առաջն այդ հասունացած պահանջն, և պէտք է փութալ կատարել: Պէտք է արժանաւոր քահանաներ ունենալու հետ միաժամանակ վճռել և ռոճիկ խնդիրն և երկուսն էլ հայ հասարակութեան իրաւունք և պարտք ճանաչելուց է կախուած: այնուհետև գործադրութիւնը շատ հեշտ է. Բաթումի հայ

\*) Ներողութիւն խնդրելով, պիտի յայտնենք, որ ռոճիկով չբաւականանալով, շարունակում են և կողմնակի աղբիւրներից առնելը:

հասարակութիւնն արդէն նախաձեռնութեան օրինակը տուել է»:

Քահանաներին մշտական ռոճիկ սահմանելու խնդրի մասին սրբազան Արիստակէսի վերողբեալ դիտողութիւնները թէպէտ և անպայճան ուղիղ են ու արձակած վճիռներն այնքան զրական, որ մեզ անչափ ուրախութիւն ու դոհութիւն պատճառելու հետ մնում է ցանկալ, որ մեր հասարակութեան բանիմաց դասակարգն աճապարի օր առաջ ի կատար ածելու այն, բայց և այնպէս ի նկատի առնելով, որ յարուցված խնդրի կատարման առթիւ շատ տեղեր արգելքների և դիմադրութիւնների են հանդիպում, կուգէինք մի քանի խօսք ասել այդ մասին, մանաւանդ որ առաջին փորձը մեզանով է եղել և որ մեզ են դիմում շատ տեղերից է որ մեր կանոնադրութեան պատճէնը խնդրելով, է որ այլ և այլ խորհուրդներ հարցնելով:

Ոմանք ասում են, որ քահանային ռոճիկ տալը ազատելով ժողովրդի իրաւասութեան տակից, կզնի նրան այն գանձարանի իշխանութեան տակ, որից կստանայ իր ռոճիկը. հետևապէս քահանան կզառնայ ժողովրդին մի ոչ հաւատարիմ պաշտօնեայ, կամ ասում են նրանք, քահանային ռոճիկ սահմանելով, մենք դարձնում ենք նրան մի տեսակ պաշտօնեայ և միջոց ենք տալի անփութ վերաբերմունք ունենալու դէպի իր պաշտօնը:

Մենք, որ մինչև մեր ոսկորների ծուծը տողոված ենք այն գաղափարով, որ քահանան պիտի լինի միշտ ժողովրդից ընտրված, ժողովրդից կախումն ու-

նեցող, ժողովրդի առաջ պատասխանատու, ոչ մի ժամանակ մեզ չէինք ներիլ դնել քահանային ժողովրդից անկախ հանդիսանալու պայմանների մէջ:

Բաժումում քահանան իր ոռճիկը ստանում է դարձեալ նոյն իր ժողովրդից և նոյն այն սովորական աղբիւրներից, որից և ստանում են ամեն տեղ, միայն տարբերութիւնը կայանում է նրա մէջ, որ փոխանակ որ և իցէ օրէնք կատարելու համար դրամն ուղղակի քահանան ստանայ օրէնք կատարել տվողի ձեռքից, ստանում է եկեղեցին \*) և փոխանակ սակարկութիւնների, առուտրի մէջ մտնելու, եկեղեցին ծխի կողմից արդէն սահմանած—որոշած քանակութիւնն է առնում: Սրանով քահանան ազատվում է նախ՝ իր կատարած օրէնքների, իր կարգացած օրհնութիւնների, իր խօսեցած մխիթարութիւնների համար նոյն ժամայն դրամով վարձատրվելու անախորժ, անվայել, անպատիւ կացութիւնից և երկրորդ՝ իւրաքանչիւր մի անհատից նիւթականապէս կախումն ունենալու ստորացուցիչ դրութիւնից:

Սրանով մի կողմից քահանայի ու իր ժողովրդականի մէջ հաստատվում է այնպիսի յարաբերութիւն,

\*) Տուրս քահանայից յեկեղեցիս պարտ է տանել, և ոչ ի տուն միոյ ուրուք քահանայի» Մի. մ. Ներս. ա. ժգ.

«ժողովրդականք գտուրս իւրեանց անխափան հատուցեն յեկեղեցին յօժարութեամբ, և ըստ դասուց բաժին արասցեն»։ Լուս. ժա. Ներս. ա. Մի. մ:

Լաւ միտ առնել պետք է. ժողովրդականք տուրքերը եկեղեցուն պիտի տան, եկեղեցի պիտի տանեն և դասակարգութեան համեմատ էլ բաժին բաժին, մաս մաս պիտի անեն:

որ ոչինչ առընչութիւն չունի դրամի հետ, հետեապէս քահանան դառնում է արդարեւ իր հոգևոր զաւակներին սրհնող, նրանց համար աղօթող մի հայր, միւս կողմից եկեղեցին ստանալով այդ դրամները, իրաւամբ հանդիսանում է մի հասարակական համայնական սուրբ հիմնարկութիւն, որ պիտի պահվի, պահպանվի նոյն հասարակութեան, համայնքի անդամների ընձեռնած միջոցներով:

Քահանան իբրև այդ սուրբ տան սրբազնագործ պաշտօնեայ - սպասաւոր պիտի ստանայ և նրանից իր վարձը, որով քահանան դարձեալ մնում է ժողովրդից կախումն ունեցող, ժողովրդից իր սնունդը ստացող, բայց ոչ անմիջապէս ամեն մի անհատից, այլ ծխական ժողովից - եկեղեցուց, որի առաջ և՛ հաշուետու է իր բոլոր գործած թերութիւնների, զանցառութիւնների համար:

Այսպիսով քահանան աւելի զգաստ կլինի իր պարտաւորութիւնների կատարելու մէջ, քանի որ դատաւորը մի երկու պատահական կամ մասնաւոր ասող ու խօսողներ չեն, այլ մի պատկառելի ժողով, որի անդամներն անձամբ տեսած, գիտակ ու քաջածանօթ են այն դատին ու խնդրին, որի համար և ժողով են կազմել, և քանի որ այսպիսի ժողովի վճիռը կտրական նշանակութիւն կունենայ քահանայի վիճակի նկատմամբ: Այս պայմաններում քահանան ամեն սրտացաւութեամբ կջանայ հարստացնել ոչ թէ իր գրպանը, ինչպէս մինչև այժմ, այլ եկեղեցու զանձարանը, եկեղեցին, որի հարստանալով՝ կարող է սպասել և իր բարեխիղճ պաշ-

տօնավարութեան համար մտքուր վարձատրութիւն։  
Եւ եկեղեցու գանձարանը—հարստութիւնը ժողովրդինն է և ոչ ուրիշինը։

Ոմանք գտնում են, որ օրէնք, ծէս կատարել տալու համար չի կարելի պարտաւորական հարկ, տուրք նշանակել ծխականների վրայ։ Սա լոկ խօսքեր են։

Առաջինը՝ չկայ իրաւունք առանց պարտաւորութեան. ծխականի իրաւունք ունենալու համար պէտք է ծխական տուրք վճարել եկեղեցուն և երկրորդ՝ այս հասոյթը նոյնքան պարտաւորական է մնում եկեղեցուն տալը, որքան մինչև այժմ պարտաւորական էր քահանային տալը։

Ի՞նչ է արել մինչև այժմ այն լաւ քահանան, որ մէկի երեխային մկրտել է, սլսակն օրհնել է, ննջեցեալը թաղել և այլն, բայց փող չէ ստացել։

Նա մի քանի անգամ մեղմիկ յիշեցրել է և ապա մոռացութեան տվել, տանելով իրեն հասած զրամական զրկանքը։ Չենք խօսում վատ քահանայի մասին, որ հայհոյելով, անիծելով ու խիստ պահանջելով աւնում է։

Այսպէս և եկեղեցին կանի. իր երեսփոխանի միջոցով կյիշեցնի կարգ չճանաչող, զրամ չվճարող ծխականին նրա պարտքը, կպահանջի, իսկ երբ պարտագանց ծխականը չի տալ—նա կլռի, կտանի իրեն հասած զրամական զրկանքը և տարվայ վերջը ծխականների ընդհանուր ժողովում, իր հաշւետութեան ժամանակ կկարգայ բոլոր պարտագանց ծխականների անուանացուցակը, որոնք միջոց ունենալով հանդերձ,

վատաբար զլացել են սլսակի, մկրտութեան, ննջեցեալի և այլ օրէնք կատարել տալու համար վճարելու եկեղեցու հասոյթը։

Երեսփոխանը կտպազրի հաշիւը և անուանացուցակը։ Եւ միթէ սրանից աւելի մեծ պատիժ կարող է լինել։

Եւ վերջապէս միթէ աւելի արդար ու խղճմտաւոր չէ, որ վատ մարդկանց պատճառած զրամական այսպիսի զրկանքները հասնեն հաստատութեանը, որ լիակատար իրաւունքով կարող է հաշիւ տալ իրեն պահող—պահպանող ծխականներին և որ կարող է լրացնել այդ զրկանքն այլ միջոցներով, քան թէ հասնեն այդպիսի զրկանքները լաւ քահանաներին, որ ամօթից հաշիւ չեն կարող տալ, այլ վերջ ի վերջոյ դառը փորձերից դաս առած՝ հարկադրված կլինին իրենց լաւութիւնը կամաց կամաց չափաւորելով, պնդերես և պահանջող դառնալու։

Դալով հասոյթի չափին՝ սա ևս որոշվում է ծխական ժողովի ձեռքով։

Ժողովն ի նկատի առնելով մի քանի տարվայ քահանայական եկամուտները, թէ իւրաքանչիւր ծխական ինչքան է տվել այլ և այլ ծէսերի կատարման ժամանակ, լստ այնմ և կբաժանի մի քանի դասակարգերի և այդ սահմաններում կորոշի ամենապակաս գները, ազատելով անկարող ծխականներին վճարներ տալուց։

Եթէ գտնվում են մարդիկ, որոնք ասում են, թէ անորոշութիւնը, քէֆը, կամայականութիւնը աւելի լաւ է, քան թէ կարգաւորութիւնը, քահանային տալն



աւելի լաւ է, քան եկեղեցուն — պէտք է ջանալ նրանց համոզել. որովհետեւ այդպիսի խօսքեր միայն — կարծում ենք տոգէտ, մտածելու անընդունակ, չարը բարուց չզանազանող մարդիկ կասեն. իսկ երբ հնար չլինի նրանց համոզելու, պէտք է ցաւելով նրանց վրայ, թողնել առանց ուշադրութեան և սկսել բարի գործը:

Հետզհետէ նրանք ևս մեծամասնութեան ու աւելի բանիմացների օրինակից խրատվելով, ամեն տարվայ հաշիւներից կարմրելով՝ կարգի տակ կմտնեն:

Իսկապէս սրանք շատ չնչին արգելքներ են գործը կարգաւորելու նկատմամբ:

Ումանք չ'զգալով իրենց ասածի անհեթեթութիւնը, գտնում են, որ օրէնքներ կատարելու համար որոշեալ հասոյթ նշանակելը կհակառակէր Հայաստանեայց եկեղեցու և նոյն իսկ աւետարանի ոգուն — մէջ բերելով ձրի առէք և ձրի տուէք գաղափարը:

Բայց միթէ Հայաստանեայց եկեղեցու պաշտօնեաները երբ և իցէ ձրի տվել, ձրի կատարել են, կամ ուրիշ խօսքերով՝ նրանք երբ և իցէ առանց հացի սալըն՝ են:

Հայաստանեայց եկեղեցու պաշտօնեաները այսօր էլ Աստուծոյ արքայութիւնը ձրի են քարոզում, հիւանդներին, բորոտներին, այլ և այլ զևեր արատներ ունեցողներին այսօր էլ խոստովանութեան, ս հագորդութեան, ս. գրքերի ընթերցանութեան ու խրատների միջոցով ձրի են բժշկում, սրբում, ուղղում. բայց թաղումներ կատարելու, մկրտութիւններ անելու, պը-

սակ, տուն, գերեզման օրհնելու համար հոգևոր պաշտօնեաները միշտ ստացել են հասոյթներ \*) և այն ոչ թէ յանուն այս կամ առաքելի, այս կամ այն պաշտօնէի, այլ յանուն և ի պէտս քրիստոնեայ եղբայրութեան \*\*, ) ժողովի - եկեղեցու:

Եւ այս եղբայրութիւնն ունեցել է իր յատուկ վերակացուները - սարկաւազները, որոնք ստացիլ, ժողովել են ու որոշ ժամանակ բոլոր պաշտօնեաների ներկայութեամբ բաժանել են աւագ երէցների, քա-

\*) Մեր եկեղեցական կանոնների մէջ այսպիսի վճարներն անուանվում են տուրք, հասք. իսկ այս բառերը կամաւորի միտք չեն պարունակում. բացի այն, որ նգովքներ են դրված, իբրև շատուածամարտչների հագորդութիւնից են զրկած այն անձերին, որոնք եկեղեցու, քահանայի հասոյթները կկտրեն, այլ նոյն իսկ և այն հասոյթների ամենապակաս չափը որոշված, սահմանված է. ուրեմն հնումը մեր եկեղեցական կանոններով տուրքերի քանակութիւնն էլ է եղել որոշված. «Հասք ժողովըրդոց առ քահանայս՝ դ. գրիւ ցորեան, գ. գրիւ գարի, ժգ. փասքաղցու և գինի ըստ գոյին, բայց անընչից՝ կէսն (խեղճ աղբատներն էլ ազատ չեն եղել) և որոց այգի չդուցէ մի առցեն, և որոց ոչխար իցէ ոչխար մի և գ. գզաթ բուրդ և որոց ձի գուցէ, յովանակ մի»: Ա.գ. Ե. Մխ. ժգ:

«Պողոպուտ վաղճանեալ տանուտեարց՝ յաթոռոյ մինչև ցոյնակն և ցդրգալն և ի զգեստիցն մինչև ցգօտին և ցկօշիկն և զանկողինն ի վանս տացեն»: Բ. ՍՏ. Ե:

\*\*) Սափիրայի այբը՝ Անանիա, երբ քրիստոնեայ գարձաւ, իր ազարակը վաճառեց և ստացած գումարի մի մասը միայն տվեց առաքեալներին — եղբայրութեանը. — մնացածը սլահեց: Այս բանի համար Պետրոսից խիստ յանդիմանութիւն ստացաւ և մեռաւ: Գործ. առ. Ե. 1—(0):

հանաների, սարկաւագների, դպիրների և մինչև իսկ այրիների ու եղբայրութեան աղքատ անդամների վրայ: Այնպէս, որ այն տուրքը, որ այսօր սմանց բերանում կամաւոր անունն է կրում, իսկապէս չէ եղել կամաւոր. այդ տուրքի, հասոյթի քանակութիւնն էլ չէ եղել կամաւոր, — այլապէս ինչով կարող կլինէին կերակրվել, ապրել եկեղեցականները:

Իսկ եթէ այսօր ժողովը — եկեղեցին, որ առանձին առանձին վերցրած մի մի եղբայրութիւններ են որոշեալ ծխականներից բաղկացած, ընդհանուր համաձայնութեամբ վեր կենայ և մինչև այժմ քահանաներին կամաւորապէս տրված վճարների սահմաններում կարգեր սահմանի, որով և ազատի այլ և այլ տատանումներից ու անսխորժութիւններից, ինչ մի առանձին դժուար, անիրագործելի և չայաստանեայց եկեղեցու հոգուն հակառակ քայլ, արարմունք կլինի գործած:

Մեր կարծիքով, հէնց ս. Աւետարանի և չայաստանեայց եկեղեցու վսեմ հոգուն հակառակն է անձի, պաշտօնէի ձեռքը ուղղակի դրամ դնելն իբր նրան հասանելի, որով և անձին, պաշտօնէին իբրև վարձաւոր ճանաչել — նայելը:

Բայց չէր լինի այսպէս, երբ նոյն հասոյթները, տուրքերը, դրամը տրվին եկեղեցուն, որպէս հասարակական հաստատութեան, որ կառուցվում, պահվում — պահպանվում է ժողովրդի, ծխի, հասարակութեան միջոցներով:

Ոմանք գտնում են, որ տղեղ է պահանջել, որ նախ դրամը — հասոյթը վճարվի եկեղեցուն, ապա



ստացված անդորրագիրը քահանային տալուց հետո կատարվի օրէնքը — ծէսը:

Մի հասոյթ, որ պիտի ուշ թէ շուտ վճարվի, արժէ միթէ խօսք անգամ յարուցանել թէ որն է լատառաջ վճարելը թէ յետոյ:

Ընդէր ննջեցեալի տէրը թաղումից առաջ պիտի այլ և այլ պատրաստութիւններ կանխիկ հոգայ, կամ առաջ պիտի ստանայ պատշաճաւոր իշխանութեան թոյլտուութիւնը, ապա թէ յուղարկաւորութիւնն սկսվի, ընդէր պսակի տէրը պիտի վճարի նախ աթոռահատը, ստանայ հրամանը և ապա թէ պսակի օրհնութիւնը կատարվի, և այս ամենը չայաստանեայց եկեղեցու հոգուն հակառակ չի, որովհետև արդէն սովորել — ընտելացել են, իսկ որ այդ ամենի թուում եկեղեցու հասոյթը նախ վճարվի և ապա արարողութիւնը կատարվի, ինչ վնաս կըլինի:

Այստեղ կայ յարմարութեան և մի փոքր էլ վրաստանութեան խնդիր:

Որ որոշ չափը և նախ վճարելը ստելի յարմարութիւն ունի եկեղեցու — հիմնարկութեան անվարձ պաշտօնեայ երեսփոխանի համար, քանի որ հարկ չի լինի սրան այլ ևս միջոցներ ձեռք առնելու, յիշեցնելու, մարդիկ ուղարկելու դրամներն ստանալու նպատակով — կարծում ենք պարզ է:

Որ մասնաւոր մարդը — ծխականը՝ պարտաւոր է վստահութեամբ, հաւատով վերաբերվելու դէպի եկեղեցին ի դէմս երեսփոխանի, եկեղեցու պաշտօնէի, քանի որ ամբողջ ծխի կողմից ընտրվածներն են նրանք, կարծում ենք, այս ևս պարզ է, և վերջապէս որ երբ

բանը մնայ յ՛ետոյի, յիրաւի, կարող է մոռացութեամբ, անհոգութեամբ և այլ պատճառով մնալ անվճար, այն ինչ հարկը, օրէնքը ոչ մի դէպքում չի կարող մնալ անկատար—այս էլ պարզ է ու պարզ:

Ուրեմն ինչո՞ւ առաջ չվճարել:

Բացառիկ դէպքերի մասին խօսք լինել չի կարող— ինչպէս անակընկալ մկրտութիւնը և այլն:

Ոմանք գտնում են, որ ծխաբաժանութիւնը ամենից լաւ, պատուաւոր և հաստատուն միջոցն է քահանաների նիւթական դրութիւնն ապահովելու համար. այսպէս է ընդունելու եղել և ինքը տէր Արիստակէս եպիսկոպոս մինչև որոշ ոտճկի խնդրի հրապարակ հանվելը - «ապահովութեան իրական միջոցը գիւղական քահանայի համար ևս լինելու էր բաւականաչափ ծուխ ունենալ»... «Այդքան (250) ծուխը թէ քաղաքի և թէ գիւղի քահանայի դրութիւնը բարւոյնելու համար բաւական է» \*):

Եւ ապացոյց մեր ասածի, թէ այսպէս է մտածելու եղել սրբազանը մինչև որոշ—հաստատուն ոտճկի խնդրի հրատարակվելը, օրինակ տալը, մենք մատնացոյց կանենք այն հանգամանքի վրայ, որ ոչ իր պաշտօնավարութեան ժամանակներում փորձեր է արել և ոչ իր առաջարկութիւնների մէջ առ սինոդ կամ կաթողիկոս յիշատակել է այդ մասին:

Իայց թէ որքան անյարմար սխտեմ է ծխաբաժանութիւնը—չատ որոշ ու հաստատուն կերպով մեկ-

\*) «Բահ. Խնդ.» էր. 215—216»

նում են ու պարզում սոյն գլխի սկզբում առաջ բերած նոյն սրբազան Արիստակէսի զնահատելի խօսքերը:

Մեզ մնում է աւելացնել, որ ծուխն այն հասկացողութեամբ, ինչպէս այսօր է հասկացվում, արդարև ս. աւետարանի և Հայաստանեայց եկեղեցու հոգուն խորդ է ու անպատշաճ:

Ծուխը քահանայինը չէ, այլ եկեղեցունը:

Նոր դարձուած, նոր երևոյթ է այս ինչ կամ այն ինչ քահանայի ծուխ ասելը.— այլ ուղիղը՝ մեր կարծիքով—այս ինչ կամ այն ինչ եկեղեցու ծուխ ասելն է:

Իւրաքանչիւր մի տաճար—եկեղեցի ունեցել է իր ծխական ժողովուրդը և իր միաբան քահանաները: Սրանք հերթով կատարել են եկեղեցու ծխականների հոգևոր պէտքերը և կամ նայած քահանաների ու ժողովրդականների բնակութեան յարմարութեանը \*) թաղերով բաժանել են իրենց մէջ, որպէս զի պատահած օրէնքները, տնօրհնէքները, ղրկութեամբ կարողանան կատարել:

Եկամուտները սովորաբար հաւաքվելու են եղել մի տեղ—մի գանձարան և ապա բաժանվիլ:

Այս դրութիւնը կամաց կամաց փոխվելով, ծուխը դարձել է մի տեսակ սեպհականութիւն. այսինքն՝ իւ-

\*) «Ծուխ քահանայի ուրուք եթէ փոխեսցի թաղի թաղ այն երիցուն լիցի ծուխ, յոր թաղ բնակեսցի, զի մի է օրինակ հովուքեան ընդ ամենայն տեղիս»: Մ'ա. Ե. Խօսքը հովութեանն է վերաբերում, այլ ոչ հովիւին: Եթէ ծուխը քահանայի սեպհականութիւն լինէր, որ թաղն էլ փոխվէր ծխականը, նրա տէր-քահանան էլ հետը կերթար, ինչպէս այսօր:

ըրաքանչիւր քահանայ իր գրպանն է գրել բոլոր այն եկամուտը, ինչ որ ստացել է իր հովութեանը սեպհականացրած ծխից. իսկ ծխի՝ սեպհականութիւն, սեպհական եկամտի աղբիւր դառնալը մոռացութեան է տվել բնակած տեղերի յարմարութեամբ տների բաժանվելուն և լայն ճանապարհ է բաց արել ճարպիկ, ուժեղ, լեզուանի և ամեն միջոց սուրբ համարող քահանաներին ճխերի թիւը կարելոյն չափ շատացնելու:

Նոյն իսկ ծխականներն էլ իրենց կարգին ձգտել են աւելի դիրք, կշիռ ունեցող քահանաների հովութիւնը, ծանօթութիւնը որոնելու, որով առաջացել է այն վրդովեցուցիչ կացութիւնը, որ այսօր բանական ժողովուրդն իբրև ոչխարների հօտ, իբրև եկամուտների աղբիւր դարձել է այս կամ այն քահանայի առանձին սեպհականութիւն:

Եւ մի և նոյն եկեղեցու ժողովուրդը այլ և այլ քահանաների վրայ բաժանվելով, կազմել են մէկը միւսից մի տեսակ անշատ, առանձին միութիւն այնպէս, որ երբ մի քահանայ վախճանվում է -- նրա ծխականները առանձին քահանայ են ընտրում առանց հարցնելու եկեղեցու մնացած ժողովրդի համաձայնութիւնը, որով շատ անգամ այնպիսի մարդիկ են իբրև քահանայ ներս բերում, որ իրաւ անհաճոյ են լինում միւսներին:

Սրանով առաջանում է կռիւ, պառակտում, անվերջ անբաւականութիւններ քահանաների ու ծխականների մէջ:

Այն ինչ իւրաքանչիւր մի եկեղեցի իր բոլոր

ծխական ժողովրդով ու քահանաներով մի ընտանիք է և այն ինչ մեր եկեղեցական կանոնով քահանան պիտի ընտրվի բովանդակ ծխի -- ժողովրդի համաձայնութեամբ:

Եւ ծխականութեան այսօրվայ այսպիսի կացութիւնը ոչ միայն ոչինչ վրդովեցուցիչ հանգամանք չէ ներկայացնում, այլ և գտնվում են մարդիկ, որոնք չեն վշտանում իրենց այս սատիճան ստորացած վիճակից, և դեռ շատագովելով, առաջարկում են ընդունել ծխաբաժանութեան սիստեմն իբրև ամենայարմար միջոցը քահանաների ապահովութեան...

Ոմանք ասում են, թէ մեր քաղաքում քահանաների թիւը շատ աւելի է, քան թէ պէտք է լինէր, ուստի և գտնում են, որ անհնարին է այդքանին ռոճիկ տալը: Աշմարիտ է. այս հանգամանքը բաւական գործը դժուարացնող է, այլ ոչ անհնարին դարձնող:

Անշուշտ ուր կան շատ թուով քահանաներ, այնտեղ քահանաները կունենան և քիչ ծխականներ -- քիչ եկամուտներ:

Պէտք է եկեղեցու ծխական ժողովը որոշի, թէ իր եկեղեցին քանի տուն ժողովուրդ ունի, որքան քահանայական եկամուտ կարող է տալ տարեկան և որքան քահանայ է պէտք իրենց հովելու համար: Ապա և եկեղեցու ծխական եկամուտը կբաժանի եղած քահանաների վրայ, սահմանելով, որ մի քահանայի վախճանվելով, երբ տեղ բացվի, նոր քահանայ չտան ձեռնադրելու, այլ պակասող քահանայի ռոճիկը բաժանեն մնացածների վրայ և այսպէս վարվեն այնքան,

մինչև որ քահանաների թիւը կանգնի պահանջված թւի վրայ:

Ոմանք հոգևոր կեդրոնական իշխանութեան իրաւունքների պաշտպան հանդիսանալով, անկարգութիւն են համարում, երբ մի հասարակութիւն կարողանում է չարը բարուց, վատը լաւից գանազանելով, ուղղակի ձեռք պարզել ի կատար ածելու օգտաւէտ և օրինաւոր ճանաչված դրութիւնը, այլ առաջարկում են սպասել, որ կեդրոնական իշխանութիւնն ինքը կանոններ մշակի, ինքը ձեռներեց հանդիսանայ, ինքը հրաման արձակի քահանաներին ռոճիկներ սահմանելու մասին:

Սակայն մեր հոգևոր իշխանութիւնը, եթէ կամենայ էլ, չի կարող այդպիսի մի ընդհանուր կարգադրութիւն անել, քանի որ մեր եկեղեցական գործերի համար մեզ տված կանոնադրութիւնը իւրաքանչիւր եկեղեցու ծխական ժողովի իրաւասութեանն է վերապահում իր եկեղեցու պաշտօնեաներին այս կամ այն ձևով ապրուստի միջոց տալը:

Օրէնսդրութեան ժա հատորի (1896 թ. հրատարակութիւն) 1217 յօդուածն ասում է. (հայ լուսաւորչեան եկեղեցու) «սրբազնագործ պաշտօնեաների ու սպասաւորների ստանալի հասոյթը կարող է լինել 3 տեսակ. 1. մշտական, որ որոշում սահմանում է ծովսր նրանց պաշտօնի մէջ մտնելուս, 2. տուրքեր, որ կըստանան նրանք հոգևոր պէտքեր կատարելու ժամանակ և 3. կամաւոր նուիրատուութիւններ»:

Ահա օրէնքը:

Եւ մեր հոգևոր իշխանութիւնն այս երեք տեսակի

տակ է դրել և ընդունել քահանաներին ու եկեղեցական սպասաւորներին նիւթականապէս բաւարարելու խնդիրը, թողնելով ծխականներին որոշելու, որը իրենց համար յարմար կգտնեն:

Հետևաբար ոչ մեր հոգևոր իշխանութեանը հարկ կայ միջամտելու և հարկադրելու ծխականներին անպատճառ իր կամեցած ձևն ընդունելու, և ոչ հարկ կայ ծխականներին նորանոր հարցումների ու հրահանգութիւնների սպասելու հոգևոր իշխանութիւնից:

Այո, միանգամայն համակրելի, օրինաւոր և արդար են սրբազան Արիստակէսի խօսքերը թէ՛ ժամանակն արդէն դրել է մեր առաջ այդ հասունացած պահանջը և հայ հասարակութեան իրաւունքն ու պարտքն է ի կատար ածելը:

Թ.

Այժմ դառնանք գործնական աշխարհին և տեսնենք թէ Արիստակէս սրբազանն իբրև առաջնորդական փոխանորդ և իբրև յաջորդ ինչ միջոցներ, որքան ճիգ ու ջանք է գործ դրել լաւ քահանաներ տալու համար:

Սկսում է իր գործունէութիւնը 1867 թւից—22 տարեկան հասակից:

Առաջին անգամ իբրև թեմակալ առաջնորդի փոխանորդ այդպիսով է նախնի և շրջակայքը և զարմանքով լսում է և տեսնում «բազմաթիւ փաստեր քա-

հանայական դասակարգի աններելի վարմունքների և ստորացած ծաղրական դարձած դրուժեան մասին:

«Ծանր է լինում մանաւանդ այն տպաւուժիւնը, որ ինչ որ թողեց մեզ վրայ ուտիաբնակ գիւղերի այցելութիւնը» \*):

Գրի է անցրել, նկարագրել է տեսածները, լսածները և յայտարարութեամբ գիմել է սինոզին ու միջնորդել. «առ ի գառաջս առնելոյ այսպիսի անկարգութեանց և ազատելոյ գժողովուրդս մեր և զեկեղեցի ի ձեռաց այսպիսի տգէտ, անբարեկարգ և անարժան եկեղեցականաց, պարտ է հոգալ և կրթել զքանի մի մանկունս յուսմունս ս. զրոց և քահանայական պարտաւորութեանց. և ի բերել ժամանակին՝ ձեռնադրել և տալ ողորմելի ժողովրդոց» \*\*):

Սինոզն ընդունում է այս միջնորդութիւնը. 4 երեսայ ուղարկում են. — «բայց Մայր Աթոռի ժառանգաւորաց դպրոցից զուրս գալուց յետոյ նորանք փոխանակ իրանց հայրենական գիւղում քահանայ լինելու, մէկը քահանայացաւ Թիֆլիզում և միւսներն էլ ընտրեցին ուրիշ տեղեր և պարապմունքներ» \*\*):

Եւ սրանով երիտասարդ վարդապետը կատարած է համարում իր պարտքը. ժողովրդի թշուառութիւնը շօշափելի կերպով տեսնելուց յետոյ՝ «կնցութեան զրժուարին պայմաններն ստիպեցին մեզ անստողջութիւն պատճառաբանելով — զրում է սրբազան հեղինակը — նոյն տարուայ հոկտեմբերին թողնել Շուշին...» \*\*):

\*) «Բահ. Խնդ. եր. 3:

\*\*\*) նոյն տեղ եր. 6, 7, 8.

Որպիսի սրտացաւ և արդիւնաւոր գործունէութիւն և՛ որ աւելի նկատելին է՝ որպիսի սուտ պատճառաբանութիւն գործից հեռանալու համար:

Նոյն ամսում նշանակվում է Տաթևի վանքի վանահայր և վիճակի փոխանորդ: «Այնքան պիտանի — զրում է սրբազանը — գործունէութիւն և համբաւ ունեցած Տաթևի վանքը միանգամայն անզարդ, անփառունակ և ցաւալի վիճակի մէջ էր... հոգևոր իշխանութեան ներկայացուցիչներն այստեղ, մանաւանդ քահանայական ձեռնադրութեանց գործում, ոչինչ պակաս չէին թողել ինչ որ կարող են անել շահասիրութիւնն եւ անպատկառութիւնը» \*):

Երիտասարդ փոխանորդը յայտարարութիւն է գրում սինոզին և խնդրում է իրաւունք վանքում դպրոց բանալու: Սինոզը պատասխանում է, որ Երևանի փոխ — թեմակալը՝ «ունի ընդ փոյթ ելանել յայցելութիւն վիճակին. ուստի և յանձնել Ձեզ ի գալն նորա այդք ի Տաթև խորհրդակցեալ ընդ նմա գկարեւորացն դպրոցին և զեղանակէ վարչութեան նորա և զհետևութեանցն յայտնել սինոզիս առ ի տնօրինելոյ ըստ այնմ զպատշաճն» \*\*):

Սակայն ժամանակին «ներկայանալով նորան» (Երևանի փոխ — թեմակալին) կամեցանք խօսել և դպրոցի համար — զրում է հեղինակը — բայց նկատեցինք, որ դորա մասին նա ոչ ախորժակ ունէր լսելու և ոչ ժամանակ: Կրկին գիմել սինոզին միտք չունէր մեզ յայտնի

\*) «Բահ. Խնդ. եր. 7—8.

\*\*\*) նոյն տեղ եր. 9:

պատճառով. որպէս և միտք չունէր այնուհետև մնալ Տաթևում, ամիսներով զրկուած պոստային հաղորդակցութիւնից եւ մտաւ որական կանոնաւոր պարսպաժողովի յարմարութիւնից առանց մի քարոյական միջիջարութեան. \*):

Ինչպէս թէ կամեցանք խօսել:

Սինոդից Ձեզ պատուիրված էք խօսելու:

Ի՞նչպէս թէ նկատեցինք, որ ախորժակ չունէր լսելու:

Դուք պարտաւոր էիք աշխատել լսել, համոզել տալու նրան, իսկ հակառակ դէպքում բողոքելու:

Այս էր պահանջում եկեղեցու և ժողովրդի ցանու շահը:

«Առանց մի բարոյական միջիջարութեան» — Տէր Աստուած:

Եւ 22 տարեկան երիտասարդ, ժողովրդի մէջ նոր ոտք դրած, ասպարէզ իջած, ուսումնական վարդապետը, որ այնքան սրտառու կերպով նկարագրում էր ժողովրդի թշուառ կացութիւնը, տղէտ, անուս, անարժան քահանաների վարմունքները, որ այնքան ամուր շեշտում էր պիտանի գործունէութիւն և համբաւ ունեցած Տաթևի անգարդ, անփառունակ և ցաւալի վիճակը, այժմ ոչ մի բարոյական միջիջարութիւն չի գտնում ժողովրդին քարոզելում, խրատելում, տղէտ քահանային օգնութեան հասնելում-ժամատացութեան, ս. զրքերի ընթերցանութեան, եկեղեցական արարո-

\*) «Քահ Խնդ.» եր. 10:

ղութիւնների մէջ ցուցմունքներ անելում, վանքի հարուստ կալուածները կարգի դնելում, իր վիճակի հոգեւոր կառավարութեան մէջ արդարադատութիւն, կանոնաւորութիւն մտցնելում, 4000 տան չափ գիւղացիների մէջ դպրոցներ բաց անելում...

Սա է եղել մեր Սեդրակեան վարդապետը:

Եւ Տաթևի վանքի մասին իր նոր գրքում յատուկ մի ծանօթութեամբ չէ մոռանում սրբազանը յիշեցնելու թէ այժմ էլ նոյն անգարդ, անփառունակ և ցաւալի վիճակումն է, երեսուն տարի անցնելուց յետոյ...

Ուրիշ ինչպէս կլինի, երբ լաւերը գործից փախչին իր նման:

Երբ երիտասարդ վարդապետը «կեցութեան զրժուարին պայմանները» տանել չէ կարողանում, երբ ժողովրդի մէջ գործելում «բարոյական միջիջարութիւն» չէ գտնում և մի քանի ամիս մնալուց յետոյ փախուստ է տալի գործից, նրա ուրիշին դատող ու սեպնող յայտարարութիւնները ժողովրդին «չըթամբք մեծարելու» և սիրտը ժողովրդից «հեռացեալ ի բաց» լինելու ապացոյցներ են դառնում:

Եւ այս հանգամանքը մեզ լիակատար իրաւունք է տալիս Տաթևից, ուրիշների հասցէին, սինոդն ուղղած Սեդրակեան վարդապետի յայտարարութիւնից առնելով, իրեն վերագարձնել սա սարսուռ պատճառող խօսքերը. «՛հ հովիւ, որ զանձդ հոգաս և ոչ ըզխաշինս»:

«Այնքան պիտանի գործունէութիւն և համբաւ» ունեցած Տաթևից ևս հեռացաւ մի քանի ամսից յետոյ: 1876 թիւն կրկին գալիս է Ջուշի փոփանորդա-

կան պաշտօնով և այս անգամ մնում է 4 տարի, «տա-  
րաբաղդաբար — գրում է սրբագան հեղինակն ինքն իր  
համար — անկարող լինելով քահանայական դասակարգի  
բարեխառութեան նկատմամբ որ և է օգուտ բերելու» \*) :  
«Մի կողմից թեմի վանքերի լայնատարած կալուած-  
ների վիճելի գործերի և կառավարութեան մասին պա-  
հանջող բարդ հոգսերը, միևս կողմից փոխանորդական  
պարտաւորութեան հետ միաժամանակ և թեմական  
վերատեսչի պաշտօնի ծանրութիւնը \*\*» խլում էին  
մեծ ուշադրութիւն և քոյր ժամանակը: \*\*\*» Անճա-  
րութեան առաջ խոնարհւելով՝ մի միջոց միայն ընտրե-  
ցինք — այն է՝ քահանայացուներին, որոնց գործերն

\*) Արիստակէս եպիսկոպոս հանգուցեալ Գէորգ կաթուղի-  
կոսին բացարձակապէս մեղադրում է ազէտ քահանաների ծա-  
ւալը — արծաթսիրութեան պատճառով — մեծացնելու մէջ և որ-  
պէս զի նրա այդ ընթացքին հետևող կամ նպաստող չհամարվի  
ինքը՝ «Բարձրից եկած հրամաններին ու կարգադրութիւններին  
դէմ գնալը» մի փոխանորդ — վարդապետի ուժերից վեր պատ-  
ճառաբանութեամբ է արգարացնում: Սրանից պարզապէս պէտք  
է եզրակացնել, որ Ղարաբաղում իր վարդապետ — փոխանորդ  
ժամանակ անարժան քահանաների թիւը ևս մեծ ծաւալ է եղել  
ստացած, բայց այս՝ չնորհիւ բարձրից եկած հրամաններին... Եւ  
ինքը, ի հարկէ ոչ միայն չէ բողոքել, չէ դիմադրել. այլ այսպիսի  
հրամանների ու կարգադրութիւնների այնպիսի կատարող է եղել,  
որ արծաթասէր Գէորգ կաթուղիկոսից այդ ժամանակներում  
պարզեւատրվել է եպիսկոպոսական բարձր աստիճան ստանալով:

\*\*) 1876 թից մինչև 1881 թիւը ամբողջ Ղարաբաղի  
թեմում եղել է 10-ից ոչ աւելի ծխական դպրոց:

\*\*\*) Այդպէ՞ր Ըուչում և այդ միջոցներում է լոյս տեսել  
«Գրեպէր»ը սրբագանի թարգմանութեամբ:

արդէն սինոդին առաջարկուած էին ժողովել Զուշի և  
յանձնել թեմական դպրոցի ուսուցիչներին, որ դաս-  
աւանդեն նորանց մի քանի աւարկաներ, որքան կհե-  
րէր ժամանակը մինչև ձեռնադրութիւնը \*), — այս-  
ինքն՝ ընծայարաններ է բացել...

Սրանից երևում է, որ իր փոխանորդութեան ժա-  
մանակվայ առաջարկված տիրացուներն ևս ընծայարան-  
մտնելու արժանիքների տէր են եղել և որ վերջապէս  
4 տարվայ ընթացքում Սեղրակեան հայր սուրբի արած  
միակ գործնական քայլը այն է եղել, որ անպատրաստ  
տիրացուներին թեմական դպրոցի ուսուցիչներին է  
յանձնել դասաւանդելու այնքան ժամանակ, որքան  
կտէր ձեռնադրութեան հրամաններ ստանալը... Ո՛ր  
զարմանք, ուրեմն տգէտ տիրացուներին մի քանի ամ-  
սում գիտուն դարձնելու, ընծայարանի շնորհներին ար-  
ժանացնելու առաջին փորձը տ. Արիստակէս վարդա-  
պետն է տվել զեւ Ղարաբաղում փոխանորդ եղած ժա-  
մանակ: Ընծայարանի, որ այնքան արժանապէս դատա-  
փետում, վատաբանում է իր գրքի մէջ ինքը հեղինակը:

Մարգարէ չպէտք է լինել գուշակելու համար, որ  
մի քանի տարուց յետոյ էլ, աւելի մեծ գայրոյթով  
կղատափետի կոնսիստորիաներին քահանայացուներին  
ընտրութեան մէջ միջնորդ հանդիսացնելու միտքը,  
և թէ, Տէր մի արասցէ, ուրիշներն ևս հետևեն Աստրա-  
խանի կոնսիստորիայի օրինակին, և եթէ գործնակա-  
նութիւնը տայ իր վնասակար արդիւնքները:

\*) «Քահ. Խնդ.» եր. 10 11:



ժ

«Այդ (քահանայական) խնդրում որոշ դիրք ունենալ կարելի եղաւ միայն Թիֆլիզում, ուր մուտ գործեցինք առաջնորդական պաշտօնով 1883 [Թուր սկզբում» \*) .

Ինչպէս է գտել Թիֆլիզի քահանաներին և ինչ միջոցներով է ուզեցել բարւոքել նրանց գրութիւնը:

«Տիֆլիս քաղաքում այժմ կան 65 քահանաներ — գրում է սրբազանն այն ժամանակի համար: — Դորանցից ներսիսեան դպրոցում ուսումն աւարտածներ միայն 4 հոգի են. մի երկուսն էլ անձնական աշխատասիրութիւնով փոքր ի շատէ պատրաստուած: Մնացածները... կամ ամենեին կանոնաւոր դպրոց չեն տեսած, կամ ամենաշատը՝ ներսիսեան դպրոցի առաջին և երկրորդ դասարանից դուրս եկած կամ դուրս արած: Ծառայական ցուցակները ցոյց են տալիս, որ այդքան քահանաների  $\frac{2}{3}$  մասը ձեռնադրուած են նախ այս և այն գիւղի անուկով, ապա քանի մի տարուց յետոյ Տիֆլիս են փոխադրուել... Ո՛հ, Տէր Աստուած, այսչափ էլ սարսափելի ընկած գրութիւն, այսչափ էլ բարոյական սնանկութիւն: Ութը տասը քահանայ միայն կարելի է համարել սորանց մէջ քահանայապատշաճ նիստ ու կաց ունեցող. միւսները կատարեալ հրէշներ են, կամ ինչպէս ժողովրդականք են անուանում [Թոկից փախածներ. որոնց ոչ թէ եկեղեցի և ժողովուրդ յանձնել չէ կարելի, այլ եկեղեցու և ժողովրդի մէջ թողնելն էլ մահացու մտք է»: \*\*)

\*) «Բահ. Խնդ». եր. 11:

\*\* ) Նոյն տեղ եր. 12:

Կախեթիայի կողմն այցելած ժամանակ գտել է սրբազան առաջնորդը՝ «քահանայք [ամիսներով ժամերգութիւն չեն պաշտում... օրինակատարութիւն պատահած ժամանակն էլ բիրտ ու տգէտ քահանան երեւում է ոչ իբրև հովիւ հոգևոր, այլ խստապահանջ մի վարձկան. նա երեխան թողնում է առանց մկրտելու, ննջեցեալը տանից հանել չի համաձայնում, մինչև իւր պահանջած վարձատրութիւնը չստանայ... անգրագէտ են նրանցից մի քանիսը, կարգալ չգիտեն»:

Թիֆլիզ քաղաքի այս հրէշ քահանայական դասակարգը լաւացնելու համար կամ՝ իր իսկական խօսքերով՝ «առ ի բարձրացուցանել զստորանկեալ կոչումն եկեղեցական պաշտօնէից ի վայելուչ իւր գիրս»՝ սրբազանը որոշել էր գործադրելու յետագայ միջոցները. ա. «փոխադրել զոմանս ի նոցանէ ի գաւառս» կամ ինչպէս գրում է կաթուղիկոսին. — «գաւելորդսն և զոչ համապատասխանսն կոչման իւրեանց ի գաւառս առաքել... \*\*) բ. ձեռնադրել այսուհետև զհամապատասխանողս պահանջից ժողովրդեան ըստ իւրաքանչիւր տեղոյ. գ. փոքր ի շատէ քահանաների նիւթական վիճակը բարւոքել»:

Բողոքում ենք առաջին կետի դէմ:

Ի՞նչ ասել է «ոչ համապատասխանսն կոչման իւրեանց առաքել ի գաւառս»:

Ի՞նչ, միթէ գաւառը, գիւղը, որ հեռու են առաջ-

«Բահ. Խնդ». եր. 12, 13:

\*\* ) Նոյն տեղ եր. 31:



նորդի աչքից, պիտի պատժվեն տգէտ, հրէշ, թոկից փախած քահանաներ ունենալով:

Սա քահանայական դասակարգն ինչ լաւացնելու միջոց է:

Միթէ՞ առաջնորդը միայն թիֆլիզ քաղաքի մասին պիտի հոգայ:

Տգէտ, անարժան քահանաները սրտեղ աւելի կարող են նուազ չարիք հասցնել ժողովրդին — գաւառում, ուր աւելի ազատ ասպարէզ ունին, ուր քահանայի օրինակը, դիրքն ու խօսքը աւելի ազդող, առաջնորդող նշանակութիւն ունին թէ՛ քաղաքում, ուր բարձրագիր մարդկանց, կրթված անձերի, մամուլի և վերջապէս նոյն իսկ թեմակալ առաջնորդի ներկայութիւնը կարող են գորհող սանձեր լինել, կարող են վատ քահանայի վատ ազդեցութիւնը նուազացնել, թերևս և ուղղել:

Եւ վերջապէս ներսում է միթէ ինքն իրեն տ. Արիստակէս այգպլիսի վերաբերմունք դէպի գաւառը, դէպի գիւղը:

Ոչ, սրբազան հայր, հրէշներին պիտի կարգալոյծ անել, թոկից փախածներին վերստին թոկի տակ դրնել, այլ ոչ բնաւ գաւառներ քշել:

«Մի առաջնորդ եպիսկոպոս որ և է քահանայի հրէշ, թոկից փախած, եկեղեցու և ժողովրդի մէջ թողնելը մահացու մեղք համարելուց յետոյ, պէտք է նրան ոչ թէ գիւղեր ու գաւառներ ուղարկէր, այլ պաշտօնագուրկ անէր, բայց եթէ այդ չէ արել, ոչ թէ հրէշ քահանաներին խնայելով, այլ որովհետև այդ ծանր բառերը գործադրել էր միայն իրենից առաջ եղած առաջնորդներին վիրաւորելու, այլ ոչ թէ քա-

հանաների մէջ համապատասխան յանցաւորութիւն գտած լինելու համար \*)»:

Եւ սրբազան Արիստակէս վիշտ ու տրտունջ է յայտնում, որ սինոյն իր այսպիսի դատապարտելի կարգադրութիւնը չի ընդունել:

Եւ ինչպէս կարելի էր ընդունել, քանի որ նախ՝ գիւղական, գաւառական կեանքն առաւել վատթարացնել կնշանակէր այդ. երկրորդ՝ արդէն մի սխալ եղել էր, որ նախկին առաջնորդները թոյլ էին տվել ուրիշ տեղերից քահանաներ բերել քաղաք. այժմ պէտք է կատարվէր մի նոր սխալ — քաղաքից վերստին գաւառ, բայց ոչ իրենց առաջվայ տեղերն ուղարկելով, ուր անտարակոյս նորերը կլինէին ձեռնադրված, այլ մի նոր տեղ, մի նոր եկեղեցի:

Ինչ իրաւունքով, ինչ արդարութեամբ կամ մեր ընտրողական — ժողովրդական եկեղեցու սր օրէնքով առաջնորդը պիտի փաթաթէր նրանց մի ուրիշ ժողովրդի վիզը թէկուզ ժամանակաւորի անունով:

\*) Չակերտների մէջ գրված խօսքերը սրբազան հեղինակինն են իրեն վերագարձված մեր կողմից: Սաթուղիկոսն ու սինոյը պաշտօնապէս խիստ նկատողութեւն են անում Սեդրակեան եպիսկոպոսին, որի առթիւ սա գրում է. «Մի առաջնորդ եպիսկոպոսին ուխտը դրժող և եկեղեցու հաստատուած կարգ ու կանոնին չհարատակող անուանելուց յետոյ պէտք էր ոչ թէ խիստ նկատողութիւն, այլ պաշտօնագուրկ անել. բայց եթէ այդ չէին անում, ոչ թէ մեզ խնայելով, այլ որովհետև այդ բառերը գործադրուել էին միայն մեզ վիրաւորելու, այլ ոչ թէ համապատասխան յանցաւորութիւն գտած լինելու համար»: Քահ. խնդ. էր. 39—40:

ինչ վերաբերում է միւս միջոցներին՝ նոր տեղերի համար արժանատիքներից ձեռնադրելուն և քահանաների նիւթական վիճակը բարւոքելուն, այն, միանգամայն համակրելի են:

Եւ ի պատիւ սրբազան Արիստակէսի պէտք է ասենք, որ թեմական վերատեսչութեան պաշտօնավարութեանս ժամանակ՝ թէ Թիֆլիզ քաղաքում և թէ վիճակում միշտ լսել եմ վկայութիւն՝ որ Արիստակէս եպիսկոպոսն անողոր լինելու չափ հաստատ է եղել նոր տեղերի համար ուսեալներից ձեռնադրելու և քահանաների թիւը սահմանափակելու մէջ:

Այսօր միայն սրբազանի գրքից իմանում ենք, որ նա էլ ստիպողական հարկից ստիպուած ձեռնադրել է՝ ա. Սուխումեան շրջանի համար 2 քահանայ, մինը Գանձակի Թարգմանչաց վանքում, միւսը մասնաւոր անձի մօտ սովորած, բ. Սաչխերէթ ու Կակարէթ գիւղերի համար մէկը Թէլաւ քաղաքում սովորած, միւսը Ներսիսեան դպրոցի 3 դասարանից ելած, գ. Թիֆլիզ քաղաքի համար 2 հոգի Ներսիսեան դպրոցի 4 դասարանից ելած և մէկը մասնաւոր մարդու մօտ ուսած \*)...

ԺԱ.

Եւ այսպէս՝ մեր բարձրաստիճան հոգևորականներից «քահանայական խնդրով» 22 տարեկան հասա-

\*) Քահ. խնդ. եր. 87:

կից առանձնապէս հետաքրքրվող, «քահանայական խնդիր» ասելով եկեղեցու գոյութեան խնդիր հասկացող, իսկ եկեղեցին ազգի հոգևոր—բարոյական ամբուլթեան նեցուկ և ապահովութեան խարխալ՝ դաւանող \*) Սեղրակեան սրբազանը Վրաստանի ու Իմերեթի կարևոր վիճակի թեմակալ առաջնորդութեան ժամանակ ևս չի կարողացել իր ցանկացած բարերումներն առաջ բերել քահանայական դասի մէջ և պատճառը՝ Մակար կաթողիկոսն ու ս. Էջիածնի սինոդն են եղել, որ իրենց անտեղի միջամտութիւններով, իրենց անձնական անհամակրութիւններից ու հաշիւներից և թէկուզ չկամ վերաբերմունքներից դէպի Արիստակէս եպիսկոպոսը, խանգարել են, արգելք են հանդիսացել նրա բարի, օգտաւէտ ցանկութիւններին:

Ահա այս է ուզում ասած ու պաշտօնական թրջութերով հաստատած լինել «Քահանայական Խնդիր» գիրքը:

Նուազարժէք ինքնապաշտպանութիւն:

Մենք համարձակութիւն ենք առնում մեզ վրայ ասելու, որ Արիստակէս եպիսկոպոսը, եթէ շատ բան չի կարողացել անել քահանայական դասի բարւոքման համար, պատճառը մեծ մասամբ իր ձեւական չոր, ժողովրդի խօսքով՝ «անջիգեար» վերաբերմունքն է եղել դէպի խնդիրը:

Կաթողիկոսի ու սինոդի արած բոլոր վատութիւնը կայանում է և պիտի կայանար սրբազանի կողմից առաջարկված, դիցուք, 100 տիրացուններից 30ի

\*) «Քահ. խնդ.» եր. 2.

բացասելու և սրանց փոխանակ սրբազանից մերժված 100-ից 30-ին քահանայացնելու մէջ, իսկ ինչ վերաբերում է քահանայի այս եկեղեցուց այն եկեղեցին փոխադրելուն, կամ Թիֆլիզից քահանային զաւառ ուղարկելուն—սրանք ոչինչ նշանակութիւն չունեցող հանգամանքներ են:

Վատ քահանան՝ ուր որ էլ լինի՝ վատ է:

Ստորագրեալը լինի յաջորդ թէ առաջնորդ, զաւառապետ թէ նահանգապետ իրաւունք չ'ունի սաշատելու, որ իր բոլոր միջնորդութիւնները յարգի ու կատարի իրենից բարձր իշխանութիւնը, կամ որ իսպառ բաւարարութիւն չտայ իրենցից բողոքաւորներին:

Այժմարիտ է. մեր հոգևոր իշխանութիւնը իր միջամտութիւնները չափազանցացնում է և այն ամեն տեղ, այլ ոչ միայն տ. Արիստակէսի նկատմամբ, բայց պէտք է և այն խոստովանենք, որ մեր առաջնորդներն ու յաջորդներն են այդ հանգամանքը առաջ բերել իրենց կարգին իրենց իշխանութիւնն իրենց ստորագրեալների վրայ չափազանց անիրաւ գործադրելով:

Մեր սրբազան վիճակաւորները վաղուց է ինչ դադարել են քահանաների համար սրտացաւ հայր, ի Քրիստոս եղբայր, բարեացակամ առաջնորդ լինելուց և դարձել են չոր, ձևապաշտ, անկարեկից, սէզ աստիճանաւորներ, հրամայողներ:

Նոյն իսկ սրբազան Արիստակէսի վարմունքը Սագարէջօյի քահանայ տէր Յակօբ Զարիֆեանցի հետ խիստ բնորոշ է:

Առաջնորդը պատահում է այդ գիւղում անգրագէտ, կարգալ չիմացող, բայց 16 տարի քահանայու-

թիւն անող տէր Յակօբին: Նա ժողովրդի ներկայութեամբ հարցաքննութեան է ենթարկում քահանային. հրապարակով անարգում — խայտառակում է նրան, արհամարհում է նրա քահանայութիւնը\*), որ «ձեռնադրութեամբ և օծութեամբ եպիսկոպոսին կ'կնքուի, չնորհօք ս. Հոգւոյն»\*\*) և վճռում է. «Դու այսուհետև չես համարձակուի մօտենալ որ և է քահանայական օրինակատարութեան. ես բոլորովին զրկում եմ քեզ այդ իրաւունքից. միայն մարդասիրաբար զթալով քեզ վերայ կկարգադրեմ, որ ընկերակիցդ Սողոմոն քահանան ամբողջ զիւրը հովուելով քեզ արդեանց մի մասը տայ ապրուստի համար\*\*\*):

\*) Հապա առաքելոց իդ Գ. Բարսղի ճժա սա կանոնը ո՛ր մնաց.— «քահանայ թէև կարի անարգաց օք իցէ, որ անարգէ և որ արհամարհէ՝ զաստուած արհամարհէ»:

\*\*) Քննակ. կրօնագ. Ս. ք. Տէր-Սարգսեանց եր. 508.

\*\*) «Քահ. խնդ.» եր. 13—15: Թող ներէ մեզ մեր եկեղեցու կանոնների անունից սինոդին, կաթողիկոսին՝ «յեկեղեցական կանոնն գոյ արդեօք արգելումն ձեռնադրութեան նոր ամուսնացելոց» բժախնդրօրէն հարցում անող սրբազան Արիստակէսից մենք ևս հարցում անենք. «արդեօք մեր եկեղեցական կանոնների մէջ կայ մէկը, որ թող տար մի եպիսկոպոսի հարցաքննութեան ենթարկելու մի ուրիշ եպիսկոպոսից արդէն հարցաքննելով, արժանաւոր ճանաչված և արդէն քահանայական օծումն ստացած քահանայի»:

Աւելորդ չենք համարում աւելացնելու, որ նոյն միջոցում—Սագարէջօ գիւղում ուսուցչական պաշտօն վարելու է լինում Պ. Ադ. Էլ—հան և՛ իրրև ականատես այդ անսովոր հարցաքննութեան պատմում էր մեզ, որ քահանան իսկապէս բերան պահու-

Այն ինչ եթէ հայրութիւնը, եղբայրութիւնը, առաջնորդութիւնը խօսէր սրբազանի մէջ, նա առանձին կըննէր—կխօսէր տէր Յակոբին, առիթ չէր տալ «ժողովրդականների բարեպաշտական կրօնական զգացմունքները վիրավորուելու», ինչպէս զրում է ինքը, բարոյապէս չէր սպանի մի 16 տարի քահանայութիւն արած մարդի, որի «տգէտ, տխմար, զաւետարանն ի բեմի ի լուր ժողովրդոցն և զբոլոր ուսումն քահանայութեան ոչ ուսեալ» լինելու պատիժը պէտք է կրէր «որ ձեռնադրեացն զնա եպիսկոպոս» և ամենաշատը, իր տեղի քահանայութիւնից ժամանակաւորապէս հեռացնելով, կուղարկէր մի վանք կամ կյանձնէր մի ուսուցչի սովորեցնելու և ապա իր պաշտօնին վերադարձնելու:

Մենք աւելի գայրոյթով կլցվէինք ղէպի հանպուցեալ Մակար կաթողիկոսի յիշատակը, ղէպի սինոդի անդամները և կբազմապատկէինք մեր յարգանքները ու համակրանքները ղէպի տէր Արիստակէս եպիսկոպոս, եթէ վերջինս ցոյց տար, թէ ինքն այս ու այն միջոցներն է գործ դրել իրենից առաջ և իր օրօք, թէկուզ իրենից անկախ պատճառով՝ արդէն քահանայացած անարժաններին լաւացնելու համար, բայց կաթողիկոս Մակարն ու սինոդը խանգարել են:

Քաղաքից գաւառ—գիւղ բշելը միջոց չէր և արժանի էր արգելվելու:

Եկեղեցական բոլոր արարողութիւնները, բայց առաջնորդի ներկայութիւնից էր թէ ինչ—մարդը բոլորովին չփոթվեց, իրեն կորցրեց և ոչինչ չկարողացաւ պատասխանել:

Եկեղեցուց եկեղեցի փոխադրելը նոյնպէս միջոց չէր: Առաջնորդը մի համակրելի ու դովելի նորութիւն է կատարել—քահանայական գանձարան է հիմնել Թիֆլիզում—և Մակարն ու սինոդը չեն արգելել:

Արդեօք յանդիմանութեան, նկատողութեան կարժանանա՞ր, եթէ կարգադրէր ամեն տեղ քահանայացուների ընտրութիւններն անպատճառ ընդհանուր կանոնաւոր ժողովներով կատարել և՛ հակառակ ձևով, դրսէ դուրս ժողոված ստորագրութիւններով կատարված թէկուզ ամենաուսեալի և արժանաւորի խնդիրը մերժէր, բացասէր:

Արդեօք արգելքի կհանդիպէր, եթէ կոնսիստորիայի անդամներ, եկեղեցիների բարեկարգիչներ կարգէր արժանաւոր քահանաներից և սրանց միակամ ներդաշնակ գործառնութեան առաջնորդէր ինքը:

Արդեօք արգելքի կըհանդիպէր, եթէ տիրացուներ թխելու ընծայարանների փոխանակ, ինչպէս մի ժամանակ մօզա էր, քահանաներին, մանաւանդ տգէտ քահանաներին վարժեցնելու, ուսուցանելու դասընթացներ հաստատէր իր առաջնորդութեան ներքոյ:

Արգելքի կհանդիպէր, եթէ իր թեմի մէջ մի յարմարաւոր վանք—վայր ընարէր և բոլոր նոր ձեռնադրվողներին (սրանց թւում և իր կամքին հակառակ ձեռնադրվողներին) այն վանքն ուղարկէր մի հմուտ վարդապետի կամ եպիսկոպոսի ղեկավարութեան տակ ոչ թէ մի, այլ մի քանի քառասունք քահանայական գիտելիքների ու առնելիքների մէջ վարժվելու—հրմտանալու:

Արգելքների կհանդիպէր, եթէ զոնէ ամիսը մի

անգամ առաջնորդարանում ճշմարիտ սրտացաւ հօր մի հովանու տակ ի Քրիստոս եղբայրների ժողովներ սահմանէր. ուր անկեղծ սիրուց ղէպի իրենց մտաւոր, բարոյական և թէ նոյն իսկ նիւթական վիճակի բարւորումը՝ քննէին, ուսումնասիրէին, դատէին իրենց մէջ տեղի ունեցած լաւ թէ վատ ղէպերը, վարմունքները կամ սխալմունքներն ու գեղծումները:

Արդեօք նկատողութեան կարժանանմը կամ իր մեծութիւնից կխոնարհվէր, աւելի իր ստորագրեալների աչքում չէր բարձրանայ, եթէ իրենից բողոքաւոր, իր դատից տժգոհ մնացած քահանաների ձեռքը ամենայն սիրով և պատրաստակամութեամբ տար կարեւոր թղթեր, պատճէններ և օրհնութեամբ հրաման շնորհէր ս. Էջմիածին գնալու, իրենց դատը շահելու նպատակով:

Բայց եթէ այս ամենը շանելու հետ սրբազան Արիստակէսն էլ, հետեւելով միւս կուսակրօններին, անյօժարամիտ, սլաղ — շասենք թշնամի — է պահել իրեն ղէպի այն քահանաները, որոնք ս. Էջմիածին են գնացել բարձրագոյն իշխանութեան թոյլտուութեամբ, եկեղեցուց եկեղեցի են փոխադրվել, քաղաքից գաւառ քշող առաջնորդական կարգադրութիւնները փոխել են տվել, քահանայ են ձեռնադրվել, պարգև են ստացել, իր սահմանած պատիժներից են ազատվել ս. Էջմիածնի կարգադրութեամբ — այն ժամանակ, ի հարկէ, չէր լինի սրտակցութիւն, սիրոյ կառավարութիւն, հօր առաջնորդութիւն:

Եւ այս քինապահութեան, ռիսակալութեան զիժը,

թող ներվի մեզ ընդհանուր առմամբ ասել, խիստ զարգացած է մեր կուսակրօնների մէջ:

Նրանք չեն կարողանում ներել զրկվածին իր դատը, իր բողոքն աւելի բարձր իշխանութեանը հասցնելու քայլը: Այս չոր եսապաշտութեան ու նեղ հասկացողութեան արգասիք է:

Նրանք չեն կամենում ընդունել, որ դատաւորութիւնն իր աստիճաններով հէնց նրա համար է, որ զրկեալի դատն իրաւամբ ու արգարութեամբ տեսնվի: Իշխանաւորները միշտ կարող են իրաւ ու արդար մըտածելու, օրէնքը հասկանալու մէջ տարբեր լինելուստի ոչինչ վիրաւորական, մանաւանդ թշնամանալու պատճառ չկայ, եթէ բարձր ատենատեղին, բարձր իշխանաւորը արգարութիւն, իրաւունք այլ կիրպ հասկանալով, այլ վճիռ արձակի:

Բայց որովհետեւ մեր կուսակրօն դատաւորներին դատի արգարութիւնը չէ զբաղեցնում, այլ դատվողի անձնաւորութիւնը, այս աղազաւ և սաստիկ վիրաւորվում են նրանց յաջորդական, փոխանորդական, առաջնորդական բարձրապատուութիւնները, երբ իրենց կայացրած վճռից տժգոհը բողոքում է աւելի Բարձրին:

Իսկ այսպիսի անտեղի վիրաւորանքների հետեւանքն է անհաշտ հալածանք, թշնամանք, արհամարհանք թէ ղէպի դատաւորները, որ այլ վճիռ են կայացրել և թէ ղէպի բողոքողը, որ իր վճիռը հլու հպատակութեամբ չէ ընդունել ու կատարել:

Եղան:

1893 թւի սեպտեմբերի 15ի № 1474 յայտարարութեամբ մատուցանելով նորեկ վեհափառ հայրա-

պետին Երեանի թեմի եկեղեցական դպրոցների մասին զեկուցագիրս, «Կարգապահութիւն» վերնագրով գլխում գրել էի. «Կարգապահութեան վերաբերմամբ ցաւօք սրտի և ընդ նմին ամենախոնարհաբար ներողութիւն խնդրելով, հարկադրված եմ ասելու, որ շատ թոյլ է, ինչպէս մեր ընդհանուր, այնպէս և դպրոցական գործառնութեան մէջ: Հայի աչքում հայ հոգևոր իշխանութեան դրած կարգը, կանոնը ոչինչ նշանակութիւն, ոչինչ ուժ չ'ունի, և այս՝ գլխաւորապէս — ըստ իս — այն պարզ պատճառով, որ իր դրած կարգ ու կանոնը նոյն իսկ հոգևոր իշխանութեան համար մեռած տառ է եղել ցայսօր: Հայոց Հայրապետի դրած կանոնները միայն հրատարակվում են, բայց չեն պահվում, չեն գործադրվում... Չմտնելով պատճառների ուսումնասիրութեան մէջ, կասենք, որ կարգապահութիւն ասելով, մեզանում իւրաքանչիւր պաշտօնեայ հասկանում է իր ստորագրեալի հնազանդութիւնն իր հրամանին, բայց իր հնազանդութիւնը դէպի իրենից բարձր իշխանութիւնը բնաւ հաշի չի կամենում առնել»:

Մեր առաջնորդները իրենք ազատ քննում, գատում, այս ոչինչ, դեռ ծաղրում, հեգնում և ամենեին բանի տեղ չեն դնում սինոդի հրամանները, հայրապետական կոնդակները, բայց պահանջում են, որ իրենց ստորագրեալ քահանաները սրբութեամբ պաշտեն իրենց առաջնորդական հրամանները:

Մեր առաջնորդները հէնց քահանաների, ժողովրդի ներկայութեամբ թոյլ են տալիս իրենց՝ հայոց եկեղեցու ծայրագոյն իշխանին «փոռչի», «կաշառակեր»,

«խաչագող» և այլն անվայել անուններով մկրտելու, բայց սարսափելի հալածանք են սխում դէպի իրենց այն ստորագրեալը, որ թոյլ է տալիս իրեն, ոչ թէ այնպիսի դռեհիկ խօսքեր գործ ածելու, այլ աննպաստ կարծիքներ յայտնելու իրենց անձնական արժանիքների, ուղղութեան ու գործառնութիւնների մասին:

Մեր առաջնորդները, կոնսիստորիաները արհամարհելով յաջորդներին. ցանկացած ժամանակ ուղղակի թղթեր են գրում գործակալներին, կամ արհամարհելով գործակալներին, ուղղակի յարաբերութեան մէջ են մտնում քահանաների հետ, բայց երբ յաջորդները, գործակալները, քահանաներն էլ օրինակ առնելով իրենց բարձր իշխանութիւնից, ուղղակի յարաբերութեան մէջ են մտնում բարձրագոյն իշխանութեան հետ, առաջնորդները տակն ու վրայ են լինում, ուզում են աշխարհը քանդել և իրենց գործունէութեան բոլոր անյաջողութիւնը այսպիսի անկարգապահութեան վերագրել:

Համեմատաբար կարգապահ ճանաչված Արիստակէս եպիսկոպոսը, որ այնքան վստահութեամբ գրում է. «պարծենալով կարող ենք ասել, որ եկեղեցական կարգապահութեան ու հպատակութեան կողմից երբէք չենք թիրացել» \*) — հէնց պաշտօնավարութեան առաջին իսկ քայլերում մեղանշում է կարգապահութեան դէմ:

Նա Ղարաբաղի վիճակաւոր առաջնորդ Սարգիս արքեպիսկոպոս Զալալիանցի հրամանով գնում է այ-

\*) «Քահ խնդ.» եր. 39:

ցելութիւնն Յարու գիւղերին, իսկ իր այցելութեանն հաշիւը ուղարկում է ոչ թէ թեմի առաջնորդութիւնը իրեն՝ իբրև փոխանորդի յանձնած և կաթուղիկոսական տեղապահութեամբ ս, էջմիածին գտնված նոյն Սարգիս արքեպիսկոպոսին, այլ սինոդին:

Այսպէս և Տաթևից իր յայտարարութիւններն ուղղել է սինոդ, այլ ոչ Երևանի փոխ-թեմակալին, որ սովորաբար առաջնորդական պատիւ է վայելում այն թեմի մէջ:

Թիֆլիզի առաջնորդ ժամանակ՝ սինոդը քանիցս հեռագրով ս. էջմիածին հրաւիրեց նրան մի կարևոր խնդրի մասին խորհրդակցելու համար. — բայց նա տեղից չշարժվեց:

Նա առանց լուծումն ստանալու քահանաներ է ձեռնադրում, և երբ ի գգուշութիւն են հրաւիրում, առանձին մի անձնական հաշիւների է վերագրում:

Եւ վերջապէս դառնալով անկարգապահութեան առթիւ սրբազանի յայտնած դժգոհութիւններին, այս կասեցրեց, որ նա դրսից եկած նոր անձանօթ մարդ չէր. նա քաջատեղեակ պիտի լինէր ս. էջմիածնին և նրա աւանդական գործառնութեանն առհասարակ:

Ուստի և պահանջելի ու սպասելի էր նրանից, որ իր անձնական ու պաշտօնական արժանաւորութիւններին շնորհիւ և իրաւունքների սահմանում եռանդով, ջիգեարով, աշխատութեամբ կաշէր եկեղեցու և ժողովրդի սպասաւորութեանը, մանաւանդ սրանց թշուառութիւնը, ընկած, ողորմելի վիճակն իր աչքերով տեսնելուց, իր ձեռքերով շօշափելուց յետոյ, այլ ոչ բնաւ մի տեղ՝ «կեցութեան դժուարին պայմանները», մի

այլ տեղ կաթուղիկոսի ու սինոդականների վարմունքները պատճառ բռնէր ու թողնէր հեռանար ասպարէզից:

Պահանջելի ու սպասելի էր տ. Արիստակէսից, որ ոչ թէ հոգևոր իշխանութիւնից վշտանալուց և այն էլ *երբեմն* զգար իրեն հարկադրված վճարելու իր առաջնորդական պարտքերը դէպի իր հօտը, այլ առանց արտաքին խթանների, ինքնիրեն զրկած լինէր իր առաջնորդական անվերջ պարտքերը դէպի իր բազմակարօտ հօտը մշտապէս և անդադրում հատուցանելու գործունէութեան մէջ:

Կեանքը մեզ ցոյց է տալի, որ ոչ մի պատճառ չէ կարող արգելք լինել որդեսէր ծնողին իր զաւակին կորստից ազատելու համար ճիգ ու ջանք գործ զննելու, եթէ սրանով իր կեանքն անգամ կորստեան ենթարկելուս լինէր:

Ահա այսպիսի մի ծնողի, հովիւի, առաջնորդի հոգով աշխատելու, անձնագիր քրտնելու, սրտացաւօրէն վաստակելու ապացոյցներն ու փաստերը չկան Արիստակէս եպիսկոպոսի կողմից «Քահանայական Խնդրի» մէջ քահանայական դասակարգը բարւոքելու համար գործադրված: Ուստի և մեր աչքում ուրիշի թերութիւններով իր պաշտօնէութեան անարդիւնաւորութիւնն արդարացնելը թոյլ և անյարմար ինքնապաշտպանութիւն է:

Դիմենք սինոդի անգամ եղած ժամանակի գործունէութեանը:



ԺԲ.

Սինոդի անդամ Արիստակէս եպիսկոպոսը սինոդին ներկայացնում է մի ընդարձակ, բարեխղճօրէն կազմած գեկուցում այլ և այլ թեմերից առաջարկված տիրացուների, քահանայացուների մասին և այս գեկուցման հետ առաջարկում է իր ղիտոզութիւնները:

Սինոդականներն այսպէս թէ այնպէս ընդունում են, հաւանում են և քանի մի փոփոխութեամբ վճռում են համաձայն գեկուցողի ղիտոզութիւններին:

Սրա հետեանքն է լինում սինոդի՝ 1892 թ. յուլիսի 17ի այն շրջաբերական կարգադրութիւնը, որով տնօրինվում էր.

Ա. Քաղաքներում և 100 տանից ոչ պակաս բնակիչ ունեցող գիւղերի համար ընտրել քահանայացու միայն թեմական հոգևոր դպրոցներ և ճեմարան աւարտածներին:

Բ. Այսպիսիներին փոքր ի շատէ նիւթական ապահովութիւն տված լինելու համար 150 տուն ունեցող գիւղերին տալ մի քահանայ:

Գ. 250—300 տուն ունեցող գիւղերին 2 քահանայ:

Դ. 100ից մինչև 60 տուն ունեցող գիւղերի համար ընտրել հոգևոր դպրոցների 4—5 դասարանից ելածներին, եթէ լինին, իսկ եթէ ոչ՝ ընտրել այնպիսիներից, որոնք ինքնակրթութեամբ ձեռք են բերած քահանայապատշաճ հմտութիւն, որպիսիներին որոշել գաուշաւոր քննութեամբ:

Ե. 50 տանից պակաս բնակիչ ունեցող գիւղերի համար ընտրել, եթէ լինին վերոյիշեալներից, եթէ ոչ՝ հարցաքննութեան ենթարկելով\*):

Այսպիսի գիւղերի համար Արիստակէս եպիսկոպոսն իր գեկուցման մէջ առաջարկել էր. «ձևոնադրել զիշխարս յերկրասեան ծխական եկեղեցական դպրոցաց մերոց», իսկ այսպիսի վկայականներ էլ չունեցողներին՝ ենթարկել քննութեան ոչ թէ վիճակային ատեաններում, այլ Էջմիածնի ճեմարանում՝ «առաջի տեսչի և ուսուցչական խմբի, որք և տայցեն զգրաւոր վկայութիւն գնոցանէ»\*\*):

Այս կարգադրութիւնը Արիստակէս եպիսկոպոսն անվանում է և ընդունում — «անյպիսի հիմնաւոր կարգադրութիւն, որ միանգամից պիտի վերջ գնէր տիրող անմխիթար դրութեան և որ շուտով պիտի տար հիանալի հետեանքներ» \*):

Մեզանում եթէ հրատարակվում են այլ և այլ հրահանգներ, կանոններ ու կարգադրութիւններ, բայց գործառնութեան մէջ մնում են մեռած տառ, պատճառը հրատարակողների պահելու, կատարելու ցանկութիւն չունենալը չէ միայն, այլ և՛ հրատարակված կանոնների ու կարգադրութիւնների խակութիւնը: Ս.մեն մի կարգադրութիւն ու հրահանգութիւն, երբ չի լինի արդիւնք կեանքի ուսումնասիրութեան, երբ չի լինի համապատասխանող ժամանակի պահանջներին, կմնայ անգործադրելի, և հէնց առաջինը՝ ինքը գիւ-

\*) «Քահ. Խնդ», եր. 150—151.

\*\*) Նոյն տեղ եր. 145—146.

րութեամբ վաւերացնողը կլինի և առաջին քահարօր:

Արիստակէս եպիսկոպոսի առաջարկած և սինոդի վաւերացրած կարգադրութիւնը չէր կարող գործնական կեանքի մէջ աչքի ընկնող արդիւնք տալ և գործադրվել, քանի որ այն թեթեւ մտածած ու թեթեւ կերպով աշխարհ հանած և, մեծ մասամբ, հին դրութիւնը հաստատող մի կարգադրութիւն էր:

Առաջինը՝ ծիծաղելի չէ՛ արդեօք քահանայի գիտութիւնը համեմատութեան մէջ դնել նրա նիւթական ապահովութեան, նրա ծխի քանակութեան ու ընակութեան տեղի հետ:

Եւ սա համարվում է հիմնաւոր կարգադրութիւն:

Ուսուցիչների գիտութեան աստիճանաւորութիւնը հասկանալի բան է, քանի որ դպրոցները իրենց ծրագրներով տարբեր ծաւալ են աւանդուհ գիտութիւնների. պարզ է, որ և սրանցում դասաւանդող ուսուցիչների գիտութիւնը պէտք է համեմատութեան մէջ դրված լինի և դպրոցի ծրագրի հետ. բայց աստիճանաւորութիւն սահմանել քահանաների գիտելիքների մէջ՝ մեզ միանգամայն անհասկանալի է թւում:

Երբ մէկը ձեռնադրվում է քահանայ, պէտք է գիտենայ քահանայական գիտելիք այնքան, որքան անհրաժեշտ է քահանայ մարդուն:

Տգէտը, թերուսը չպիտի լինի քահանայ — վերջացաւ. հիմնաւորը սա է:

«Դու գգիտութիւն մերժեցեր — ասում է Ս.ստուած — մերժեցից և ես զքեզ, զի մի քահանայացիս ինձ» \*):

\*) Ովտէ Դ. 6.

Ինչպէս բժիշկ լինելու համար գոյութիւն ունի մի որոշ դասընթաց, քանի որ մարդու կազմութիւնը մի և նոյնն է ամեն տեղ գիւղում թէ քաղաքում, այսպէս պիտի և մի որոշ դասընթաց լինի քահանաների համար, քանի որ նոյն ս. Դիրքն է կարգացվում, նոյն արարողութիւններն են կատարվում, նոյն տօնացոյցը, նոյն Մաշտոցն է գործադրվում, նոյն քրիստոնէական զաղափարներն են քարոզվելու ամեն տեղ և ամեն օր գիւղում թէ քաղաքում:

Այլ բան, և արդարև հիմնաւոր բան կլինէր, եթէ սինոդը սահմանէր քահանայական գիտելիքների համար մի յատուկ, որոշ ծրագիր, եթէ այս ծրագիրը տար ինչպէս թեմական դպրոցներին կրօնական առարկաները նրանով անցնելու համար, այնպէս և անպայման պարտաւորական հրատարակէր ամեն մի քահանայ դարձողի համար անխտիր: Այնպէս որ ոչ մի եկեղեցու ժողովուրդ իրաւունք չունենար ընտրելու քահանայացու նրանցից, որոնք նախապէս որոշ այն ծրագրով պատրաստված, քննութիւն տված և վկայական ստացած չէին լինի:

Ապա թէ ոչ ինչ ստել է ծխական դպրոց աւարտող, թերուս կամ ձեմարանաւարտ քահանայացու, կամ վերջապէս շեշտում ենք — ինչ տրամաբանութիւն է կապել քահանայի գիտութեան, արժանաւորութեան չափը նրա ունեցած ծխի կամ ստացած արդիւնքի հետ, այլ ոչ իր կոչման ու պաշտօնի պահանջմունքների հետ:

Երկրորդ՝ ինչ ասել է զգուշաւոր քննութիւն:  
Սա ոչինչ նորութիւն չբխող և հին կարգը մերս-

տին հաստատող մի լոկ խօսք է:

Իւրաքաչիւր մի կոնսիստորիա զգուշաւոր է համարում իր հասկացողութեամբ ու հայեացքներով այն քննութիւնը, որ բաւարար համարելուց յետոյ, առաջարկում է տիրացուին ձեռնադրելու:

Բաւական է, որ Արիստակէս եպիսկոպոսը ու սինոդը թերուսներին ու ոչ մի տեղ ուսում չառածներին ընդունում են թեկնածուներ քահանայութեան համար, չտալով որոշ, սխալ ծրագիր քահանայական գիտելիքների համար ի հրահանգութիւն հարցաքննողների, այլ բաւականանում են «զգուշաւոր» խօսքով:

Սրանով վերահաստատվում է նախկին գրութիւնը: Ել ինչի հիմնաւոր կարգադրութիւնն է այս:

Արիստակէս եպիսկոպոսը իր զեկուցման մէջ անում է մի ճշմարիտ ու խելացի առաջարկութիւն— այն է՝ որ տիրացուները չքննվեն կոնսիստորիայում, ավսոս, որ, մեր կարծիքով, սխալվում է քննութեան տեղը միայն ս. Էջմիածնի ճեմարանը նշանակելով:

Սա չէր կարող գործնականութիւն գտնել, քանի որ մի կողմից անհազին դժուարութիւններ պիտի պատճառէր հեռաբնակ քահանայացուներին, միւս կողմից գուրկ էր օրինական հիմունքից:

Օրէնքով թեմակալ առաջնորդներին է վերապահած իրենց թեմի տիրացուներին հարցաքննելու իրաւունքը:

Ինչպէս է Սեդրակեան սրբազանը սինոդի անդամ դառնալով, այնքան զիւրութեամբ զանց առնում առաջնորդական իրաւունքները:

2<sup>է</sup> որ կարող էին գտնվել իրեն նման շատ ա-

ռաջնորդներ, որոնք քէֆները տված ժամանակ կմտածէին վարվելու օրէնքի իրենց տված իրաւունքներով, որպէս զի կարողութեան չափ հատուցած լինէին իրենց պարտքը դէպի իրենց հօտը:

Այն ժամանակ ուր կմնար սրբազանի ու սինոդի հրամանը:

Այո, տիրացուների հարցաքննութիւնը կոնսիստորիայից հանելը հաւասար է մատը հիւանդ տեղի վրայ դնելուն. բայց պէտք է մի այնպիսի տեղ ցոյց տար, որ թէ նպատակայարմար լինէր և թէ առաջնորդական իրաւունքներին չդիպէր. այդ տեղերը՝ մեր կարծիքով՝ իւրաքանչիւր վիճակի թեմական դպրոցներն են, որոնց վերատեսուչներն են իրենք թեմակալ առաջնորդները:

Սրանց նախագահութեամբ ուսուցիչները մի անգամ արդէն սահմանած ծրագրով կքննէին տիրացուներին, քահանայացուներին և կտային իրենց վճիռը:

Երբորդ՝ արդեօք բւսումնասիրված է թէ քահանաները 100 ժխից տարեկան որքան եկամուտ են ստանում քաղաքներում, որքան աւաններում և որքան գիւղերում:

Սրա հետ միասին արդեօք ի մօտոյ հաշւի առնված են թէ նիւթական ապահովութիւն ասելով տարեկան որքան բուրլի եկամուտ պիտի ընդունել իւրաքանչիւր տեղի քահանայի համար:

Թողնենք Թիֆլիզը, Բագու, Բաթում քաղաքներն իրենց արտակարգ պայմաններով: Վերցնենք Երևանը, որ Կովկասի հայաշատ լաւ ու միջին գրութիւն ներկայացնող քաղաքներից է:

Կարծում եմ, որ եթէ ծխագլուխ տարեկան 3 ըուբլի եկամուտ հաշւելով, հարիւր տանը տարեկան 300 ըուբլի գցելու լինիմ, Երևանի քահանաները կբողոքեն, պնդելով, որ այդքան եկամուտ Երևանում չկայ, իսկ Ալէքսանդրապօլ, Ախալցխա, Ախալքալաք, Գանձակ, Նախիջևան և այլն՝ եկամուտն աւելի ևս նուազ կլինի:

Տետևապէս սինոդի կարգադրութեամբ ու կարծիքով 150 տանը մի քահանայ տալով կամ տարեկան 450 ը. եկամուտ յատկացնելով, քահանայի, այն էլ ուսումնական քահանայի նիւթականը զըվում էր ապահով վիճակի մէջ:

Բայց թէ տարեկան 450 ըուբլով կարելի է արդեօք Երևանում մարդավարի ապրել — տան ու ծառայի վարձ տալ, ընտանիք պահել, որդիք կրթել — այդ դժուար կլինի հասկանալի կուսակրօն հայրերին, իսկ գիւղական 150 տունը հազիւ քահանային 150 — 200 ը. տայ:

Դրսից հրահրված ոչ հող, ոչ տուն ունեցող, թէկուզ ոչ «շատ ուսեալ», այլ հէնց միջնակարգ դպրոց աւարտող մի անձը կարճը է արդեօք 150 — 200 ը. բաւականանալ:

Այլ բան են տեղացիները, որոնք իրենց գիւղական եկամուտներով արդէն ապրում են, իսկ քահանայական էն պակաս 80 — 90 ը. աւելանալով՝ իրենց հարուստ են զգում, չ'ունենալով կեանքի յարմարութեան մասին այլ գաղափար, քան որ ունի իրեն նման գիւղացին:

Բայց կարճը է հէնց 150 — 200 ը. տարեկան եկամու-

տով բաւականանալ քաղաքում միջնակարգ ուսում առած մի անձը գիւղը վերաբնակելով:

Այն էլ թղթի վրայ ասում ենք 150 — 200 ը. բայց իրօք, որքան մենք ծանօթ ենք, այդքան էլ ամենեին չկայ:

Արիստակէս սրբազանը թերևս աչքի տակ է ունեցել և այն, որ միջնակարգ կրթութիւն առած անձը կարող էր և ուսուցչութեամբ պարապել: Այժմ մեզ համար այդ չկայ, իսկ գիւղական տարրական դպրոցների թէ թիւն աննշան է և թէ տված վարձը չնչին՝ 40 — 50 ը. տարեկան:

Սակայն մեր դպրոցներ ունեցած ժամանակներումն էլ մենք հարկադրված էինք Գ. կարգի, այսինքն մեր միջնակարգ դպրոցներում ուսում առած և ապա քննութիւն տված և ուսուցչական ցենդ ստացածների ձեռքը ժողովել մի դասեան դպրոցի բոլոր դասերը, որպէս զի հնարաւոր լինէր այնքան ոտճիկ կազմելու, որ քիչ շատ լրացնէր մեծ դժուարութեամբ գիւղը գնացող ուսուցչի պահանջը. այսպիսով քահանան գուրս էր մնում:

Այս ամենից պարզ է, որ 100 — 150 ծուխը շատ հեռու է քահանայի համար նիւթական բաւարար ապահովութիւն համարվելուց ինչպէս քաղաքներում, այնպէս և գիւղերում:

Եւ այսպէս՝ սրբազան Արիստակէսի առաջարկած միջոցները կամ սինոդի արած կարգադրութիւնները բնաւ հեռու էին «հիմնաւոր» կարգադրութիւն լինելուց, քանի որ քահանայական գիտելիքների համար որոշ ծրագիր չէր տրված, այլ պահված էր կոնսիս-

տորիաներում հարցաքննվելու հին ձևը, մի «զգուշաւոր» խօսք աւելացնելով, քանի որ թերուսներին և մասնաւոր կերպով, անձրագիր պատրաստվածներին զարձեալ դիրութիւններ էին տրված քահանայ դաւնալու, քանի որ 100 — 150 տունը ոչ մի տեղ նիւթական ապահովութիւն չէր կարող համարվիլ և՛ վերջապէս՝ քանի որ քահանայի գիտութեան չափը կապած էր ոչ թէ քահանայի կոչման, պաշտօնի և պարտաւորութիւնների հետ, այլ նրա բնական տեղի, ունեցած ծխի քանակութեան և ստացած տարեկան արդիւնքների հետ:



Վ. Գ.

Գրքի մէջ ամբողջովին արտատպված են «Արարատ»-ից Արշէն Երէցի քարոզը և «Մշակ»-ից Արիստակէս Եպիսկոպոսի «Ո՞վ հաւատաց»-ը:

Արշէն Երէց իր քարոզում հանդէս է դնում մի գրութիւն, որ այսօր էլ կայ և տիրապետում է գիւղերում—այն է՝ որ գիւղում չկան ուսեալ գիւղացիներ, որոնցից ընտրէր գիւղացին իր քահանայացուն: Իսկ զնալ ուսեալ գուրսեցուն խնդրել—առանց կարողանալու նրա նիւթական պահանջներին գոհացումն տալ—համազօր է մերժումն ստանալուն:

Արշէն Երէց այս խօսքերով, կարծես, սինողին, մեր քահանայական խնդրի բարւոքումով ոգևորվածներին, ուզում է հասկացնել, որ թղթի վրայ կարգադրութիւն-

ներ անելուց առաջ անհրաժեշտ է ժողովրդի կենցաղավարութեան պայմանները հետազօտել:

Արշէն Երէցի յարուցած խնդիրները շատ աւելի դրական և արժանի էին լուրջ ուսումնասիրութեան, քան թէ «Ո՞վ հաւատաց» հեղնութեան:

Մենք, որ Արիստակէս սրբազանից ոչ նուազ ցանկացող ենք քահանայական դասի բարւոքման, արդէն ցոյց տվինք, որ իր՝ սրբազանի լոկ բարի ցանկութիւնից առաջացած այն կարգադրութիւնները, որ սինողը հրատարակեց իբր ուսեալ քահանայացուներ տալու մասին, արտաբուստ միայն փայլուն, բայց իրօք՝ է որ մի խակ, է որ աւելի հին գրութիւնը հաստատող և է որ անգործնական միջոցներ էին. ուստի պիտի մնային և՛ անգործադրելի, ամուլ, անարդիւնք, ինչպէս և մնացին:

Այժմ էլ գալիս ենք յայտնելու, որ, մեզ թւում է, հասարակական խնդիրների լուծման բարւոքումով անկեղծ գբազովողները պարտաւոր են իրենց հակառակորդներին պատրաստակամութեամբ և պաղարիւնութեամբ լսել, կշռադատել և ըստ այնմ վճիռներ արձակել, այլ ոչ բնաւ բարկանալ, թոյլ տալ իրենց կասկածներով վերաբերվել դէպի յայտնված մտքերի շարժառիթները, կամ շիրմաներ ենթադրել, շիրմաների տակը մտնել, հեզնել Արշէն Երէցի կամ իրենց դէմ յարձակողների դատողութիւնները և սրանց տակ ինչ որ թագնված բաներ որոնել:

Այս ձևի վերաբերմունքը կասկածելի են դարձնում քննադատի սիրոյ անկեղծութիւնը դէպի յարուցված խնդիրը, և՛ որ գլխաւորն է՝ արգելք են դնում

խնդրի ցանկալի կերպով ուսումնասիրվելուն:

Արշէն Երէցի և Սեղրակեան եպիսկոպոսի բանակուի վերաբերութեամբ, շմտնելով մանրամասնութեան մէջ, մի աչքի ընկնող կէտի վրայ կուզէինք մատնացոյց անել:

Մեր կարծիքով, Արիստակէս եպիսկոպոս արդար չէր իր քննադատութիւնը «Ո՞վ հաւատաց» վերտառելու և ոչ իրաւունք էր ստորագծելու Արշէն Երէցի յետագայ խօսքերը... «տգէտ ժողովրդին ուսեալ քահանայ չի կպիր»:

Ասում ենք իրաւացի չէր և պնդում ենք:

Նա իրաւացի չէր ոչ թէ վէճի նիւթ դարձած խնդրի տեսական, այլ իր՝ սրբազանի՝ անձով գործնականութեան մէջ ցոյց տված կողմից:

Արիստակէս եպիսկոպոս չի հաւատում Արշէն Երէցի վկայութեանը թէ Հայրիկ ընդդէմ էր, չէր կամենում ձեռնադրել գիւղացիների բերած տիրացուն նրա թերուս, անպատրաստ լինելու պատճառով, լոյս հանելով ինչ որ մութ գրակցութիւններ և մամուլի մէջ բարձրագոյ կանգնում է պաշտպան գիւղերին ևս ուսեալ քահանայացուներ տալու խնդրին:

Բայց թող ների մեզ, որ մենք էլ չենք հաւատում իր խօսքերի անկեղծութեանը, քանի որ նա՝ իբրև Թիֆլիզի առաջնորդ, տգէտ, իրենց կոչման անհամապատասխան քահանայներին զաւառ ու գիւղ էր ուզում քշել, որով պարզապէս ցոյց էր տալի, որ այդպիսիների տեղը դաւառն է, գիւղն է համարում և ոչ երբէք քաղաքը. ուրեմն և գրանով ոչ միայն հաստատում էր, որ գիւղացուն «չատ ուսեալ քահանայ չի

կպիր» այլ մի քանի քայլ էլ աւելին էր գնում, իսկ իբրև սինոդի անդամ իր բարեփոխիչ կարգադրութիւններով տալիս էր գիւղացուն ոչ թէ շատ ուսեալ, այլ նայած ծխի թւին՝ թերուս, թէկուզ ծխական ողորմելի դպրոց աւարտած և մինչև իսկ առ ոտս մասնաւոր անձանց ուսածներին «զգուշաւոր» փաթեթի մէջ քողարկած:

Բաւական է, որ Սեղրակեան սրբազանը արժանաւոր քահանայացու է համարում Աղբիլիսայի գիւղի ծխական \*) էն խղճուկներից խղճուկ դպրոցից աւարտածին:

«Ով հաւատաց»ի սրբազան հեղինակը անշուշտ ուրիշ շարժառիթներից պիտի գրգված լինէր իր գրչին այնպիսի գայրացկոտ շարժումներ տալու համար, քան թէ Արշէն Երէցի քարոզի մէջ հանդէս գրված Վեհափառ Հայրիկի կողմից մերժելու չափ անուս, անդրազէտ ճանաչված տիրացուն, քանի որ Արիստակէս եպիսկոպոս գիւղական ծխական դպրոցի \*\*) դասընթացը բաւարար է համարում գիւղական արժանաւոր քահանայ լինելու համար, իսկ Արշէն Երէցի ակնարկած քահանայացուն էլ՝ «գիւղական ծխական դպրոցէն ելած ծաղիկն» էր \*\*\*):

Մենք այնքան նշանակութիւն չենք տալիս Հայրիկի կամ այս ու այն սինոդականի անունը շահագործող մութ մարդկանց նամակադրութիւններին, որ

\*) «Քահ. Խնդ.» եր. 123, 147:

\*\*) Նոյն տեղ եր. 145:

\*\*\*) Նոյն տեղ եր. 162:

չենք էլ կամենում հետաքրքրվել իմանալու, թէ արդեօք չկան և չեն եղել մութ մարդիկ, որոնք շահագործած լինէին սրբազան Արիստակէսի անունը նամակներով կամ այլ եղանակներով:

ԺԳ.

Կամ քահանայական դասակարգը մոզական գաւազանով արագ բարեկարգված տեսնելու բուն ցանկութիւնից է, կամ մեր միջնակարգ կրթութեան տէր երիտասարդների վրայ չափազանց լաւ դադափար ունենալուց է, որ Արիստակէս եպիսկոպոսն այնքան վստահութեամբ՝ «սուտ, անբարեմտութեամբ յօրինուած, անարժէք» է անուանում այն առարկութիւնը թէ ճեմարանում և թէ թեմական դպրոցներում աւարտածները չեն ցանկանում քահանայական պաշտօնով զիւղերը գնալ, հաստատելով այս նրանով, որ նրանք «իբրև ուսուցիչներ ուրախութեամբ գնում էին զիւղերն և յօժարութեամբ տանում զիւղական ուսուցչի գրութեան հետ կապուած բոլոր դժուարութիւնները \*):

Թող ների մեզ սրբազանը, որ մենք հակառակը գանք ասելու:

\*) «Քահ. Խնդ.» եր. 212:

Մենք, որ՝ վեց տարի թեմական վերատեսչի պաշտօն կատարելով Երևանի և Թիֆլիզի ընդարձակ թեմերում, միշտ և ենք ունեցել շատ մօտ ծանօթանալու զիւղը գնացող ուսուցիչների հետ:

Ճեմարանաւարտների մասին չխօսենք. սրանցից զիւղը՝ միազասեան դպրոց ուսուցչութեամբ գնացողներին խիստ բացառական երևոյթների շարքը դարսելու է:

Միջնակարգ կրթութիւն ստացած, Գ. կարգի ուսուցիչները, այն, գնում էին զիւղ, երբ քաղաքներում պաշտօն չէին կարողանում կամ չէին սպասում ստանալ:

Հազազիւտ էր, որ դպրոցական տարին բոլորելուց յետոյ Գ. կարգի ուսուցիչը, մանաւանդ երբ քիչ շատ աչքաբաց, ժիր, աշխոյժներից էր, ցանկար կրկին մնալու նոյն զիւղում, այլ ուղղակի թողնում հեռանում էր քաղաքներում պաշտօն գտնելու յուսով:

Սեպտեմբերին՝ քաղաքներում պաշտօն չգտնողները՝ դարձեալ ստիպված էին լինում զիւղ գնալու:

Մի և նոյն ուսուցիչը մի և նոյն զիւղում երկու կամ ամենաշատը 3 տարուց աւելի չէր մնում, և այսպիսիները ևս շատ սակաւ էին:

Եւ մենք ոչ միայն բանաւոր, այլ և գրաւոր նկատողութիւններ ենք ստացել այսպիսի զիւղական ուսուցիչներից. «կարգադրեցէք, որ քաղաքների տաքուկ դպրոցների պաշտօններն ամուր գրկած ուսուցիչներն ևս գան զիւղերը գոնէ հերթով: Մենք էլ ուզում ենք շրջանի մէջ մտնել, կեանք տեսնել, մարդկանց հետ շփվել, զրազարաններից օգտվել, դարգանալ, ապրել», գրում էին նրանք:

Ընդէր մի վարդապետ մարդու համար «փոստա-  
լին հաղորդակցութեան խնդիրը» Տաթևի հռչակաւոր  
վանահայրութեան ու վիճակի յաջորդութեան պաշ-  
տօնները ձգել փախչելու շափ զօրաւոր է, իսկ քա-  
ղաքներում ուսած երիտասարդ աշխարհականի հա-  
մար ոչ:

Բացի սրանից՝ ուսուցիչները գնում էին գիւղ  
նախ՝ այն յուսով, որ եկող կամ միւս տարին յաջո-  
ղեցնեն քաղաք փոխադրվելու իրենց նպատակը ուրեմն  
այս մտքով գիւղը գնացողները գիւղերում ժամա-  
նակաւոր հիւրեր էին, փափագ և իղձ ունենալով ամեն  
յարմար առթից օգտվելով, քաղաք ձգելու իրենց:

Երկրորդ՝ ուսուցիչը միայնակ մարդ՝ գիւղում  
ստանում էր սենեակ, վառելիք, ծառայ և առ նուազն  
335 ռ. սոճիկ (երկրորդ կուպարով), որ գիւղական  
քահանան երազում էլ չի տեսնի:

Խօսքս բացառութիւնների մասին չէ, և ոչ էլ  
նրանց մասին, որոնք է որ բնաւորութեամբ խեղճ, ան-  
ճար լինելով, ստիպված էին գիւղերում մնալու, է որ  
հողով, կալուածով կամ այլ տնային կապերով կապ-  
ված լինելով գիւղի հետ՝ հետամուտ էին լինում և  
ուսուցչական պաշտօնների:

Եւ այսպէս — կարծում ենք — հարկադրված ու ան-  
սիրտ կերպով գիւղն ուսուցիչ գնալը՝ բնաւ չի կա-  
րելի գիւղ գնալ համարել:

Եւ սա շատ հասկանալի է:

Մեր դպրոցներից աւարտածները գիւղում իրենց  
սլաքապ և խորդ են զգում:

Պարապ են զգում և այն քահանաները, որոնք

միջնակարգ դպրոց աւարտելուց յետոյ կամ գիւղա-  
կան ժողովրդին ծառայելու իղէալական կարճատև  
միտումներից մղված, կամ այլ տեղ պաշտօն գտնելու  
յոյսից զրկված, կամ այլ և այլ բարձրաստիճանների  
չլացնող խոստումներից խաբված՝ համաձայնել են  
գիւղերում քահանայ ձեռնադրվելուն:

Ուսումնասիրեցէք սրանց վիճակը, սրանց կոր-  
ծունէութիւնը:

Սրանց թիւը Վրաստանի և Իմերեթի թեմում  
առաւել շատ է:

Տեսէք թէ սրանցից քանի տոկոսը գոհ է իր վի-  
ճակից, և ժողովրդի քանի տոկոսը գոհ է նրանցից:

Արդեօք կայ այսօր գոնէ մի միջնակարգ կրթու-  
թիւն ունեցող գիւղական քահանայ, որ իշխանու-  
թեանը խնդիր տված չլինի, կամ իր ծանօթ - բարե-  
կամներին դիմած չլինի կամ մտածելուս, ձգտելուս  
չլինի քաղաք փոխադրվելու մասին:

Չէնց Արիստակէս եպիսկոպոսի ձեռնադրած և  
«Քահանայական Խնդիր» գրքի մէջ անունէ անուն յի-  
շատակված այդպիսի քահանաներից այսօր քանիսն են  
մնացել այն եկեղեցիներում, որոնց վրայ ձեռնադրվել  
են, և շատ սակաւ մնացածներից էլ քանիսը ձգտում  
չունեն քաղաքներ փոխադրվելու:

Իսկ թէ այսպիսի արհեստական ու խաբուսիկ պայ-  
մաններով գիւղը գնացած և ապա զղջալով արածի  
վրայ քաղաքներ ձգտող ուսեալ քահանայացուները  
լնչպէս են հիմն ի վեր տապալում քահանայի՝ ձեռ-  
նադրութեամբ իրենց եկեղեցու, ժողովրդի հետ ցմահ  
մնալու պայմանը - խորհուրդը և սրանով ո՞րպիսի մեծ



հարուած են տալի եկեղեցու ընտրական վեհ սկզբունքներին և որքան նսեմացնում են քահանայի պատիւը իւրոտ պատառների ստորադնելով... թողնում ենք ընթերցողներին դատելու...

Միթէ այս խնդիրները ոչինչ արժէքաւոր չեն երևում մեր սրբազանների համար...

Արդ երբ այդպիսի հարցերի բազմակողմանի ու լուրջ ուսումնասիրութիւններ չկան «Քահանայական Խնդրի» մէջ, ինչ իրաւունքով հեղինակը գալիս է և՛ «անարժէք, սուտ, անբարեմտութեամբ յօրինած» առարկութիւններ է անուանում այն իրաւացի պատճառաբանութիւնը, թէ ճեմարան ու միջնակարգ դպրոց աւարտողները գիւղեր չեն գնում:

Այո, չեն գնում և չեն գնալ. իսկ նրանք, որոնք գնացել են և զոջացել են, կամ գնացել ու տեղափոխվել են, կամ վերջապէս մտածում, աշխատում են տեղափոխվելու՝ նոյնպէս ապացոյցներ են և պերճախօս ապացոյցներ, որ այդ առարկութիւնը խիստ «արժէքաւոր, ճշմարիտ ու բարեմտութեամբ» ասված է և որ գիւղերն այսօր չեն կարողանում նիւթապէս ու բարոյապէս գոհացումն տալ մեր արդեան միջնակարգ ուսման տէր քահանաներին:

Եւ չեն կարող այնքան ժամանակ, մենչև որ չբարեփոխէք պայմանները, սրբազան տէր, նախ՝ նրանով, որ դպրոցական ծրագրի մէջ մտցնէք այնպիսի գիտութիւններ, որոնք մղեն նորաւարտին դէպի գիւղական պարապմունքները, և երկրորդ նրանով, որ գիւղական քահանայի վիճակն ապահովէք մեր դպրոցների մէջ նրանց գաւազներին ձրի ընդունելով, ձեր իշխա-

նութեան ներքոյ եղած թռչակաւորները նրանց որդիներից ընտրելով, քաղաքների եկեղեցիների ու վանքերի հարուստ եկամուտներից նրանց յատուկ նպաստներ տալով և այլն և այլն:

Փե.

«Քահանաների վիճակի ապահովութիւն և նրանց ընտրութեան նկատմամբ եկեղեցական օրէնքի պահպանութիւն — ահա երկու գլխաւոր պայմաններն եկեղեցուն արժանաւոր պաշտօնեաներ տալու համար և երկուան էլ հաստատուն հողի վրայ էին դրված սինդիկ վերը յիշուած կարգադրութեամբ» \*) գրում է սրբազան հեղինակը:

Որ 100 - 150 ծուխը քահանայի համար շատ հեռու է վիճակի ապահովութիւն լինելուց - մենք ցոյց տվինք վերը. այժմ դանք ընտրութեանը:

Մեր եկեղեցական օրէնքը եկեղեցու բովանդակ ծխին է տալի քահանայացուի, այլ ոչ քահանայի ընտրութիւնը:

Քահանայի ընտրութիւն չկայ մեր եկեղեցական օրէնքով - չկայ և քահանայի կարգումն հոգևոր իշխանութեան ձեռքով:

Ձեռնադրութիւնը կրօնական արարողութիւն է, որ

\*) Քահ. Խնդ. Եր. 151:

ներքին կերպով՝ հոգոյն սրբոյ Հնորհաց արժանացնելու հետ՝ հաստատում է ընտրողի և ընտրվողի համաձայնութիւնը — դաշը ցմահ անեցծ պահելու պայմանով \*\*):

Այս հանգամանքում ենթադրվում է երկու հիմնական հասկացողութիւն — որ եկեղեցին հարսն է և Յիսուս սրա փեսան:

Եկեղեցու մարմնացումն աշխարհի մէջ ժողովուրդը, բանաւոր հօտն է, իսկ Յիսուսի գաղափարներն պաշտօնեան ու կենդանի աշխարհի համար նրա կողմից առնելիքների կատարողը՝ քահանան:

Հարսն արդէն քրիստոնէական կրօնի վարդապետութեամբ այնքան հասունացած է, որ իր փեսայի ընտրութիւնն ինքը պիտի կատարի: Քանի կենդանի է հարսը և կենդանի է սրա հաւանած ու ընտրած փեսան՝ պիտի միմեանց համար լինեն:

Մի քահանայի առնել իր եկեղեցուց տանել մի այլ եկեղեցի՝ նոյնն է, ինչ որ մի փեսայի առնել իր հարսից և տանել տալ այլ հարսի:

\*) Այսպէս և հնումը՝ եպիսկոպոսացուներն ընտրվել են թեմից ու ձեռնադրութեամբ և օծումով ստացել են եպիսկոպոսական աստիճան ցմահ իրեն ընտրող թեմի առաջնորդը մնալով: Այսպէս և հայոց հայրապետը ընտրվում է ազգից ու ձեռնադրութեամբ և օծումով ստանում է կաթողիկոսական աստիճան մնալով ցմահ հայրապետ ազգի: Այսօր ամենայն հայոց հայրապետի վերաբերմամբ ընտրութեան և օծման այս կարգը մնացած է ամուր և անփոփոխ: Քահանաների վերաբերմամբ արդէն նկատվում են երբեմնային, գարտուղութիւններ, իսկ եպիսկոպոսների մասին ժողովրդի ընտրութիւնը վերացել է և հայրապետի ձեռնադրութեամբ ու օծմամբ ստանում են նրանք եպիսկոպոսական աստիճան, այլ ոչ թեմ, պաշտօն:

Սա քրիստոնէական եկեղեցու անարատութեան զգացումները տրորել, քրիստոնէական եկեղեցու հասունութեան, ազատ ու մաքուր կապերը խառնակել, ազարտել կնշանակի:

Այսպէս ուրեմն քահանայի ընտրութիւն չկայ և քահանայի կարգումն չկայ. այս երկուսն էլ նորամուծութիւն է, որ քահանային իր ներքին ու փսեմ կոչումներից իսպառ հեռացնելով՝ դարձնում է չոր պաշտօնակատար — արարողութիւն կատարող և որ այսպիսով ճնջում է ընտրողի և ընտրվողի, հարսի ու փեսայի, զաւակի ու ծնողի մտերմական սրտագին, հոգեկան կապերը:

Նշանակովի, կարգովի քահանայները չեն լինիլ հօտի տէր հովիւներ, այլ վարձկաններ, չեն լինիլ պահող — պահպանողներ, այլ միայն խուզողներ:

Եւ ժողովուրդը գատապարտի շատարբերութեամբ տանում է իր իրաւունքների այդ աստիճան ստրի կոխան դարձնելը, իր նուիրական զգայմունքների հետ այդպիսի ապօրինութեամբ խաղալը...

Քահանաներ կարգելու, արձակելու այս նոր ճանապարհը ամուսնաւոր հոգևորականին — քահանային տանում հպատակեցնում է կղերականի շահերին...

Ժամանակ է ժողովրդին, առաքելական ազատ հանրական եկեղեցու գաւակներին դարձնելու և իրենց իրաւունքների տէրը դառնալու:

Նառնանք քահանայացուի ընտրութեանը, սրի մասին ասացինք, որ մեր եկեղեցական օրէնքները եկեղեցու բովանդակ ծխին են տալի, այլ ոչ թէ նրա մի մասին:

Արդ մեր գիւղերում քանի միջնակարգ կրթութեան տէր անձինք կան գիւղական հասարակութեան անդամներ, գիւղում մնացող գործողներ, որոնց միջից ծուխը, հասարակութիւնը կարողանայ ընտրութիւն անել:

Ընտրութիւն անուանվում է այն գործողութիւնը, որ ընտրողն իր անձնական համոզումով, իր խղճի վկայութեամբ տալիս է իր ձայնը, առանց որ և իցէ կողմնակի ճնշման ու ազդման:

Գիւղացին ինչպէս կարողանայ միջնակարգ կրթութիւն ունեցողներին վարքով, բարքով, նիստ ու կացով լաւին ընտրել, երբ այգպիսիները չկան իրենց մէջ, իրենց գիւղում:

*Նա պէտք է դրսից հրաւիրի:*

Դրսից հրաւիրածը կլինի անձանօթ, որի ընտրութիւնը, եթէ յաջողի էլ, չի կարող համարվիլ ծխի, հասարակութեան ընտրութիւն, այլ կլինի առաջարկող անձինքների, միջնորդների ընտրութիւն, թէկուզ այդ առաջարկողը—միջնորդը լինի այնպիսի վստահելին, որպիսին է ինքը թեմակալ առաջնորդը կամ սրա կոնսիստորիան:

Ախր, մենք չենք կարողանում ըմբռնել, թէ ինչպէս պիտի մի գիւղական հասարակութիւն իր մէջ չեղած, իր հետ լուծ չքաշած, կեանքի շարն ու բարին իր հետ չբաժանած անձանօթ գործողների միջից քահանայացու ընտրի, որ այս ընտրութիւնը ընդ նմին և կանոնաւոր լինի թէ էութեան և թէ ձևի կողմից, և թէ գիտակցական:

Կարելի է միթէ ծխի, հասարակութեան օրինա-

ւոր ընտրութիւն համարել այն ընտրութիւնը, որ ծուխը, հասարակութիւնը թղթի վրայ կկայացնի հաւատալով, այս կամ այն հիմնարկութեանը կամ անձին ու նրա ցուցումներին:

«Ընտրութեան նկատմամբ եկեղեցական օրէնքի պահպանութիւն» և «հայ գիւղացիներն ընդունակ են շատ շուտով ըմբռնելու օգտակար խորհուրդ եւ հետեւելու նրան» \*) դարձուածները ոչ միայն չեն հաշտվում իրար հետ, այլ և լայն ճանապարհ են բաց անում ժողովրդական ընտրութեան նկատմամբ հետզհետէ շեղումներ, սղումներ, սահմանափակումներ ու ցուցմունքներ և վերջ ի վերջոյ «կարգումներ» առաջ բերելու:

Եւ սկզբը պիտի լինին հայ գիւղացիներին օգտակար խորհուրդներ տվողները:

Քիչ շատ պաշար, շնորհ ունեցող վարդապետները դեռ երկտասարդ հասակներից ոչինչ բարոյական մխիթարութիւն չգտնելով գիւղացիների մէջ, փախչում են նրանցից այլ և այլ պատրուակներով:

Քաղաքների մէջ ամեն յարմարութիւնների վրայ հանգչած սրբազան առաջնորդները իրենց կոչման անհամապատասխան հոգևոր գործիչներին գաւառ ու գիւղ են քշում:

Սինոդը խեղճ գիւղերին ծխական ողորմելի դրպրոց աւարտողներին բաւական արժանաւոր քահանայացու է հրատարակում տ. Սեդրակեանի առաջարկութեամբ:

\*) «Քահ. Խնդ» եր, 204:

Սրանք պէտք է լինին թշուառ հայ գիւղացիներին օգտակար խորհուրդներ տվողները...

Մեր համոզմունքով, ժողովրդի, թէկուզ գիւղացու ազատ ընտրութեան իրաւունքները այլ և այլ հոգաբարձուների, խորհրդատուների ու միջնորդների ինսամակայութեան տակ զնելը միշտ վնասակար է:

Սա շատ աւելի զգուշանալու և վտանգաւոր հանգամանք է, քան մի քանի տասնեակ տղէտ քահանաների աւելանալը կամ ձեռնադրելը:

Մեր եկեղեցու թերևս հաստատութեան օրից ձեռնադրվել են անգրագէտ, անուսում տիրացուներ և սակայն, ի գարմանս մեր ամենի, մեր եկեղեցին ջրի ու սրի, հրի ու փոթորկի միջից անցնելով, պահել է իր գոյութիւնը և այս՝ շնորհիւ այն հանդամանքի, որ հովիւները ժողովրդից ընտրված լինելով, ժողովրդի հետ, ժողովրդից անբաժան են եղել, ժողովրդին ծանօթ — մօտ են եղել: Բայց թէ արդեօք կանգուն կլինէր մեր եկեղեցին իր առաքելական գոյնով, հոգով, եթէ հովիւները նշանակովի վարձկաններ լինէին — մի շատ մեծ հարց է:

Բայց եթէ՝ «ընտրութեան նկատմամբ եկեղեցական օրէնքի պահպանութիւն» ասելով Արիստակէս Կալիսկոպոսը հասկանում է ծիականների կողմից առաջարկված քահանայացուներից, այլ ոչ քահանաներից հոգևոր իշխանութեան կայացրած ընտրութիւնը, որ ընտրութիւն չէ, այլ արդէն կատարված ընտրութեան վաւերացումն կամ մերժումն, նայած ընտրված ի քահանայական դիտելիքների մէջ ունեցած հմտութեանը թէ խակութեանը, այն ժամանակ կասենք, որ

անիրազործելի է սրբազանի յուսերն ու ակնկալութիւնները:

Կլերականութեան դիմող կուսակրօնի ձեռքից որչափ կախված կլինին ամուսնաւոր հոգևորականի վիճակի բարւոքելու հանդամանքները, այնչափ դժուար կլինի ցանկալի վախճանի սպասելը:

Այո, կուսակրօն մեր հոգևորականութիւնը իսկապէս կաշխատի տալ ազգին ու եկեղեցուն արժանաւոր քահանաներ միայն այն ժամանակ, երբ ինքը տողովմա՞ծ կլինի առաքելական եկեղեցու հոգով, երբ իր բոլոր գործողութիւններն ու մտածողութիւնները կլինեն թելադրված ժողովրդական — համայնական զգումներից:

Եւ այս կլինի նոյն իսկ մեր օրերում, եթէ վերադարձնեն ժողովրդին վիճակաւորների ու եպիսկոպոսացուների ընտրութիւնը:

Գետութեան մեզ տված մեր եկեղեցական կանոնադրութիւնը հաստատված է մեր նախնական եկեղեցու կանոնների հոգուն համեմատ: Յիշեալ կանոնադրութեան 907 յօդուածը (հրատ. 1857 թ.) մեր եկեղեցու կառավարութիւնը տալիս է հոգևորականութեանը նոյն եկեղեցու օրէնքների և աստիճանակարգութեան համաձայն:

Բարձրագոյն հաստատված այս կանոնադրութեան մէջ եկեղեցական այլ և այլ պաշտօնեաների ընտրութեան եղանակի մասին ոչինչ յիշատակութիւն չկայ, բացի հայրապետի ընտրութիւնից, այլ կան որոշ ցուցումներ սրբազնագործ պաշտօնեաների, քահանայների, փոխանորդների, առաջնորդների կարգով:



տատուութեան մասին: Սրանից պարզապէս պէտք է եզրակացնել, որ այդ պաշտօնեաների ընտրութիւնը (ինչպէս այսօր քահանայինը) մնում է այնպէս, ինչպէս պահանջում են մեր եկեղեցու հին օրէնքները — կանոնները:

Ինչպէս այսօր հոգևոր իշխանութեանն է մնում ընտրված քահանայացուներից արժանաւորագունին ձեռնադրելը, այսպէս պիտի լինի և ընտրված փոխանորդներից արժանաւորագունին կարգելը, ընտրված առաջնորդացուներից արժանաւորագոյններին Բարձրագոյն հաստատութեան ներկայացնելը:

Հիմնական ու էական հանգամանքն այն է, որ տէրութիւնը ճանաչել է մեր հին եկեղեցու կանոնները և որ իր մեզ տված կարգադրութիւնների հիմն է ընդունել հինը. այս պարագան ցոյց է տալի, որ մենք ի գուր ենք շեղվել մեր հնաւանդ կանոններից առաջնորդների, եպիսկոպոսացուների ընտրութեան վերաբերութեամբ:

Այլապէս չի կարելի սպասել բաւարար արդիւնք յարուցված խնդրի մասին այն տեղից, ուր իշխանաւորը՝ կուսակրօն հոգևորականը՝ թոթափած իր վրայից ժողովրդից ընտրվելու, ժողովրդից կախումն ունենալու, ժողովրդի առաջ հաշտուութիւններու պայմանները՝ բռնած կլինի անկախ կեանք ու վիճակ ստեժելու, եկեղեցին իրեն ծառայացնելու ճամբան, իսկ ամուսնաւոր հոգևորականը կմնայ ժողովրդից ընտրվելու պայմաններում:

Սա անբնական կացութիւն է:

Լաւ և արժանաւոր քահանան իբրև ժողովրդից

ընտրված, իբրև առաքելական եկեղեցու հոգին իւրացրած պաշտօնեայ չի կարող խորին ակնածութեամբ վերաբերվելով հանդերձ դէպի եպիսկոպոս առաջնորդի բարձր աստիճանը, անտարբեր նայել և չբողոքել նրա կղերական ընթացքի դէմ, նրա ազգային եկեղեցուն խորը ձգտումների դէմ:

Այսպիսի հակասական հանգամանքներն ի դերև կհանեն ամեն տեսակ կարգադրութիւն յօգուտ և յանուն քահանայական դասի բարւոյրման:

Առաջ պէտք է կուսան և ամուսնաւոր հոգևորականների առաջ դալու պայմանները միանմանացնել, նրանց ձգտումները ներդաշնակել, նրանց պորժունէութեան ընթացքը համանմանացնել և ապա թէ ցանկալի արդիւնք սպասել:

Այլապէս կուսան հոգևորականութիւնը չի բարւոյրի ամուսնաւոր հոգևորականների վիճակը:

Այս կետում, մեզ թւում են շատ ուղիղ Մուշեղ վարդապետի «Կրօնքի հիւժախտը» վերնագրով աշխատութեան մէջ տեղ գտած խօսքերը, որ ահա առաջ ենք բերում այստեղ, առնելով «Արևելք»-ի 1900 թ. 4176 համարից:

«Այսօր այլ ևս գաղտնիք մնացած չէ այն իրողութիւնը, թէ կուսակրօնութիւնը մարմնասէրներու ծայրայեղութիւնէն ծնած ուրիշ ծայրայեղութիւն մն է, իբր մարմնացումը սկզբունքի այն հայեցողականէն, որոնք մարմինը պիղծ համարելով և նիւթը՝ իբր շարիքներու աղբիւր, գերագոյն առաքինութիւնը կգտնէին ժուժկալութիւններու շափազանցութեան մէջ: Կուսակրօնութեան ծագումը ցոյց կտայ մեզի թէ կու-

սակրօնները՝ քաշուած անապատներու խորերը և նը-  
 դովքով արգելուած իրենց խորշերէն դուրս ելլելէ,  
 այդ կեանքին կապարաստուէին աչքի առջև ունենա-  
 լով ոչ թէ քրիստոնէական ընտանեկան քարոյսականին  
 հոգը, այլ մանաւանդ իրենց անձին եւ սոսկ իրենց  
 անձին սխալ ըմբռնուած փրկութիւնը:

Անձնասէրներու սոյն կազմակերպութեան մէջ  
 չենք կրնար ըմբռնել թէ ինչ աւելի արժանիք կրնանք  
 գտնել, քան այն մարդերուն մէջ, որոնք շուկան վա-  
 ճառականութեամբ զբաղած ատեննին՝ իրենց օգուտը  
 կմտածեն առանց օգտակարութիւն մը կարենալ ու-  
 նենալու իրենց նմաններուն:

Կուսակրօններուն կանուխի այդ անձնասիրու-  
 թիւնը՝ ցարգ կտեսնուի ամենուս վրայ և կուսակրօ-  
 նութիւնը իր անապատականի խցիկներէն գանի միայն  
 դուրս ընտալ հետը: Ու աւելի այսօր թերես երբ  
 եկեղեցականութեան խորդ գաւազը — կուսակրօնը աս-  
 պարէզի մը գլուխ անցած, եթէ ոչ կամաւ, զէթ ա-  
 կամայ գայթակղութիւն կներշնչէ միտքերու այս ու  
 այն կուսակրօնին զեզծ ու մեզծ վարձունքովը... Եւ  
 կուսակրօնութեան անցեալն ու ներկան, հինն ու նորը  
 բնաւ տարբերութիւն չունին իրարմէ, ինչպէս հին ու  
 նոր վարիսեցութիւնը:

«Տիմայ որ գրութեան մը ծագումը մատնանիչ  
 կրնենք պատմութեան վրայ յենլով, սոսկ անհատական  
 կարծիք մը կը լծնի իմ մէջ ենթադրելու համար թէ մի  
 գուցէ կուսակրօնին դիրքը դեռ ժամանակի մը համար  
 պահելու սկզբունքը թերադրած ըլլայ մեզի ջանալու,  
 որ քահանան չը տիրանայ իր արժանատրութեանը»

Ահա թէ որպիսի աւելի լուրջ հիմունքների, ու  
 հայեացքների վրայ բացատրված և ուսումնասիրված  
 էինք սպասում տեսնել «Գրեպլը»ի թարգման Արիս-  
 տակէս եպիսկոպոսի «Քահանայական Խնդիր»ը:

Ժ. 2.

Ո՛չ, սրբազան տէր, միմիայն բարի ցանկութիւնը  
 և թեթեւ կերպով մտածված ու արված կարգադրու-  
 թիւնները և զբքի մէջ յայտնված լայն գաղափարները,  
 սրանց հետ միասին ձեր կարգակից բոլոր եղբայրների  
 արարքների ու գործողութիւնների անբողջական ա-  
 նուն — ազգանուններով մերկացումները չեն բարւոքիւ  
 քահանայական դասակարգը:

Աւելի լուրջ միջոցներ ու գործօններ են պէտք:  
 Թոյլ տվեցէք նկատելու որ քահանայական դա-  
 սակարգը բարւոքելու ցանկութիւն դուք դեռ 22 տա-  
 րեկան հասակից ունեցել էք, բայց ինչ էք արել ձեր  
 ձեռքի տակ գտնված ընդարձակ միջոցներով:

Դուք, սրբազան տէր, ձեր այս վերջին գրքով գա-  
 լիս էք ուրիշներին մեղադրելու հետ միատեղ մեզ  
 հիասթափեցնելու ձեր գործունէութեան վերաբերու-  
 թեամբ:

Մեզ, որ ձեզանով ոգևորվածներից մէկն էինք,  
 որ սիրում էինք հաւատալ ու ճանաչել ձեզ հաւատքը  
 գործերով արգարացնող, խրատները անձի օրինակով

կենդանացնող, անևտարանական մարդասիրութեան գա-  
ղափարները հայ ազգի էն իսկական կարօտաւորների  
մէջ բաշխող մի մեծ հոգևորական:

Այն ինչ այսօր մենք ձեզ ձեր ձեռքով կազմած  
նկարագրութեան մէջ տեսնում ենք լոկ բառերով ժո-  
ղովրդասէր, իսկ գործերով՝ մինը ուրիշներին մեղադրող  
և իր կողմից իր եկեղեցու ու ժողովրդի համար «շատ  
էլ ջան ու հոգի» չզնոց եպիսկոպոսներից:

Դիմենք մեր հոգին ճնշելու չափ այս ծանր եզրա-  
կացութիւնը մեզ ներշնչող տողերին:

Դուք՝ իբրև յաջորդ, փոխանորդ, առաջնորդ՝ մտել  
էք ժողովրդի մէջ, ձեր աչքերով տեսել էք, ձեր ձեռ-  
քերով շօշափել էք մանաւանդ հայ գիւղացու ողորմելի  
վիճակը և սրտի մորմոք առաջ բերելու, մարդի հոգի  
զղրդելու, մազերը ցցելու չափ կենդանի նկարագրելով  
այդ ամենը, վերջացնում էք ձեր խօսքն այսպէս. «Մէկ  
խօսքով հայ գիւղական ժողովուրդն այսօր թէ նիւ-  
թապէս և թէ բարոյապէս քայքայվելու վտանգաւոր  
դրութեան է հասել և մահացու մեղք է տեսնել նորան  
այդ դրութեան մէջ և անտարբեր մնալ, պէտք է օղ-  
նել նորան. Բայց ինչով օղնել» \*):

Ահա թէ ձեր հարցին Դուք իբրև գործիչ հոգևո-  
րական ինչով էք պատասխանում ձեր գրքով:

Ա. Իբրև առաջնորդական երիտասարդ թարմ փո-  
խանորդ՝ «կեցութեան դժուարին պայմաններ»ից  
ստիպված «անառողջութիւն» պատճառաբանելով, գիւ-  
ղական ժողովուրդը թողնելով ու հեռանալով:

\*) Քահ. Խնդ. Եր. 200

Բ. Իբրև պատմական ճաթեի վանահայր ու յա-  
ջորդ՝ «պոստային հաղորդակցութեան ու մտաւորական  
կանոնաւոր պարապմունքի յարմարութիւնների» գրք-  
կանքներ պատրվակելով՝ խաշներն անտէր անտիրական,  
հարուստ կալուածներն անխնամ թողնելով և ժողո-  
վրդի մէջ գործելում ոչինչ «բարոյական մխիթարու-  
թիւն» չզգալով, նրանցից փախչելով:

Գ. Իբրև Ղարաբաղի առաջնորդական փոխանորդ՝  
«Բարձրից եկած հրամաններին» (տգէտ քահանաների  
ծաւալը ընդարձակելու հրամաններին) ոչ միայն չզի-  
մազրելով, այլ և նրանց գործադրելով:

Դ. Իբրև Թիֆլիզի թեմակալ առաջնորդ՝ Թիֆլիզ  
քաղաքի «հրէշ, թոկից փախած, իրենց կոչման չհա-  
մապատասխանող» քահանաներին գաւառները քշելով  
կամ երբևէ մեր եկեղեցու նախնաւանդ կանոններով  
վարվելով, որպէս զի հատուցված լինի առաջնորդական  
պարտքը դէպի հօտը և կամ վերջապէս՝ «ամենայն  
հայոց (Մակար) կաթուղիկոսի Թիֆլիզում անձամբ  
արած մի քանի ապօրինի կարգադրութիւնները» պատ-  
րուակ առնելով՝ առաջնորդութիւնից հրաժարվելով:

Ե. Ե. Իբրև սինոդի անդամ քահանայի արժանա-  
ւորութեան ու գիտութեան չափը ոչ թէ քահանայի կոչ-  
ման, պաշտօնի, այլ նրա ստացած եկամուտների հետ  
կապելու կարգադրութիւն անելով:

Թող ների սրբազան Արիստակէս մեզ ասելու, որ  
եթէ մէկը մեր ներկայութեամբ այսպիսի գոյներով  
նկարագրէր Սեզրակեան եպիսկոպոսի ազգին մատու-  
ցած գործունէութիւնը, մեր բոլոր ուժով կհակառա-  
կէինք, բայց այսօր, երբ այս նկարագիրն ինքն է իր

ձեռքով տալի իր գրքի մէջ, չենք կարողանում խորապէս չվշտանալ:

Բառերով սրտացաւութիւնը, աւետարանական և այլ հանճարաւոր մատենագրների վկայաբանութիւններով զարդարված յորդորականներն ու խրատները և ուրիշների կատարած զեղծումների մերկացումները էրբ չեն եղել հոգևորականի շուքն ու սքողանքը, հոգեկան մեծ հրճուանքն ու պարծանքը:

Շատ ճիշտ է «Արևելք» լրագրի գիտողութիւնը. «Մեր կախիկոպոսներն ու առաջնորդները ադէկ կհրահանդեն ժողովուրդը և իրենց ստորագաս պաշտօնեաները, իսկ իրբ խնդիրն իրենց վրայ է՝ այդ կտարբերի՛ նախ՝ որ ստամոքսի հիւսնդութիւն կայ, երկրորդ՝ կլիմայի անյարմարութիւն»:

«Քահանայական Խնդիրը» արդարև արժէքաւոր աշխատութիւն է «խոշոր մերկացումներ»ի տեսակէտից, ինչպէս շեշտել էր «Մշակ»ի բանասիրականներում պ. Լէօ, և՛ մեր կարծիքով՝ այդ արժէքն աւելի մեծանում է նրանով, որ ուրիշների զեղծումները, քահանայական խնդրի վերաբերմամբ, առանձին իմն խրնամքով մերկացնելու հետ միաժամանակ՝ բուականապէս մերկացնում է գերապատիւ հեղինակը և իր շոր, անչիգեար գործունէութիւնը:

Լինի այս մերկացումը կամայ թէ ակամայ—մի և նոյնն է. զիրքն այս կէտից խիստ արժէքաւոր է մնում:





« Ազգային գրադարան »



NL0162722

2784

